

L. Annæi Senecæ PHILOSOPHI

Sententiæ Morales præcipuæ :

EX

Omnibus ejus, quæ extant, operibus diligenter excerptæ : in certa capita, seu locos communes summâ curâ digestæ : in modum brevium orationum variis argumentis ac rationibus amplificatæ : exemplis præclaris, summam prudentiam, summamque utilitatem largè in lectorem fundentibus, ex ipso Authore totidem verbis illustratæ : omni Christiano homine, tam sene, quàm juvene dignissimæ.

Nunc primùm

In usum Scholarum accommodatæ.

Studio & Operâ

Georgii Sylvani Pannonii Medici.

LONDINI, Sumptibus Authoris.
Typis Johannis Heptinstall, 1693.

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

*Viro Verè Generoso, Eruditione
omnimodâ præclaro, Pietate in
Deum eximio, Humaninitate in
omnes, suprâ quàm credi potest,
conspicuo, Domino Eliæ Mickle-
thwait.*

Literarum Literatorumque Fau-
tori benignissimo, Amico ac Do-
mino suo plurimùm semper ho-
norando, ac omni observantiâ
colendo, hoc quaecunque opus
ex Senecæ Philosophi operibus
collectum, in perpetuum animi
grati, beneficiorum ejus in se
præstitorum, semper memoris
testimonium, Dicat, dedicat Con-
secratque.

Georgius Sylvanus.

1. The first of these is the fact that the
 2. second of these is the fact that the
 3. third of these is the fact that the
 4. fourth of these is the fact that the
 5. fifth of these is the fact that the
 6. sixth of these is the fact that the
 7. seventh of these is the fact that the
 8. eighth of these is the fact that the
 9. ninth of these is the fact that the
 10. tenth of these is the fact that the

[illegible]

Benevole Lector,

SI hoc opus ex L. Annæo Seneca Philosopho, virtutum studio ferè Christiano collectum, Sapientiæ thesaurum appellaveris, nihil prorsus alienum à veritate dixeris. Quantò enim tibi, cujuscunque dignitatis, ordinis ac conditionis vir es, adjumento, in vita sapienter instituenda futurum est, non facile verbis exprimi potest. An Imperator, Rex, aut Princeps es? Non hinc sine aliquo singulari, ac valdè tibi salutari consilio, quod Seneca sapientissimus unicuique mortalium liberè profert, discedes. Est hîc, quod te tam altè stantem cæterisque pro arbitrio imperantem, ta-

Ad Lectorem.

leſſe in cives debere, qualem
deum in teipſum velles habere,
doceat : quod te humanæ fragili-
tatis ac mortis ſub ipſo nomine
vitæ latentis, ac omnia æquantis,
in mediis etiam voluptatibus, ve-
lut oblitum, admoneat : quod i-
ram leniat, ſuperbiam detrahat,
& crudelitatem mille ſecum pe-
ricula, ac mille clades trabentem
procul à te moveat : quod juſtiti-
am, clementiam animique mode-
rationem tibi in regnis, urbibus
populiſque regendis adhibendam
eſſe ſuadeat, in eaque ſola magni-
tudinem tuam, ſecuritatem ac ſa-
lutem omnimodam ſtabilem ac fun-
datam eſſe oſtendat. Dominus ac
Hæus es? Huc oculos animum-
que tuum pauliſper intende, &
ſcies tibi ita cum inferiore viven-
dum

Ad Lectorem.

dum esse, ut tecum velles superiorem vivere. Subditus es, ac alienæ potentiaë pares? Est hic, quod munus tuum declaret, quod officium à te Imperatori, Regi, Principi aut quovis alio nomine regenti præstandum pronunciet, quod te tam diu fælicem, tam diu quietum cum tuis fore prædicet, quam diu regentis frænos ferre, & justè imperata facere & sciveris, & non recusaveris. Orator es ac eloquentiæ operam navas? Huc ades! Hic orationem mirà verborum varietate ornatam, omni eloquentiæ ornatu nitentem, majestate quâdam styli fulgentem, ac sententiis rerum pondere gravibus prægnantem reperiēs. Concionator ac Præco es? Non hinc sine aliquo insigni munere, ac dono sapientiæ

Ad Lectorem.

*pientiae præclaro gradum repetes:
non hinc prorsus beneficiorum Se-
necæ, quæ magna semper & am-
pla sunt, ac omnibus, qui iis frui
volunt, latè patent, expers rece-
des. Est hîc, quod concioni tuæ
ad populum in Ecclesiâ habendæ,
sive virtutes commendaturus, sive
vitia reprehensurus, sive testi-
monia aliunde, quàm ex Sacra Scri-
ptura ad rem aliquam meliùs pro-
bandam allaturus, sive exempla ad
aliquid plenius demonstrandum per-
tinentia producturus, non sine sum-
ma utilitate tua auditorumque com-
modo, inseras. Adolescens, juve-
nis aut studiosus es? Huc prope-
ra. Non te certè, si mihi vete-
rano, & amplius, quàm annis vi-
ginti in his versato credis, pæni-
tebit facti. Plura hinc majora-
que,*

Ad Lectorem.

que, quàm ex omnibus vastis cæ-
terorum Ethnicorum scriptis com-
moda percipies. Hinc, quoties
hæc adieris, quoties seriâ mente
perlegeris, toties doctior, toties
melior, ac spiritu heroico vitio-
rum contemptore, ac voluptatum
omnium victore plenior fortiorque
reversurus es. Hic sententias
in nullo alio Authore Ethnico re-
periendas, & numero frequentes,
& rerum pondere graves, de vita,
de morte, de virtute, de vitiis,
ac de omnibus ferè rebus ad mo-
rum præcipuè doctrinam pertinen-
tibus, non sine summa animi vo-
luptate disces. Hic conciones in
easdem sententias ab ipso Seneca
in operibus suis passim editas, &
à me tui gratiâ, tuoque commoda
in hoc corpus, magno labore reda-
ctas,

Ad Lectorem.

Clas, breves quidem, sed acutas,
& sententiarum gravitate, &
verborum maiestate, exemplorum-
que auctoritate plenas reperies.
Quare nihil dubium est, quin his
frequenter ac versa perlectis, quin
his memorie fideliter mandatis,
ac quotidie pro re nata, in usum
adhibitis, Orator promptus, Con-
cionator facilis, Consiliarius sapi-
ens, Legatus prudens, juvenis
modestus, & vir vita probus
reddaris, vale.

ER.

DE
VITA HUMANA.

Plena & infesta variis casibus vita est.
Ad Marciam. Cap. XVI.

Quid, quaeso, est, quod non fortuna, cum voluit, & florentissimo detrahat? Quod non eo magis aggrediatur, & quatiat, quod speciosius fulget? Quid illi arduum, quidve difficile est? Non una via semper, ne tota quidem incurrit. Modo nostras in nos manus advocat, modo suis contenta viribus invenit pericula sine auctore. Nullum tempus exceptum est: in ipsis voluptatibus causae doloris oriuntur. Bellum in media pace consurgit, & auxilia securitatis in metum transeunt: ex amico inimicus, hostis ex socio fit. In subitas tempestates Hybernisque majores agitur æstiva tranquillitas. Sine hoste patimur hostilia: & cladis causas, si alia deficiunt, nimia sibi foelicitas invenit. Invadit tem-
B dera-

peratissimos morbus, validissimos phthisis, innocentissimos pœna, secretissimos tumultus. Eligat aliquid novi casus, per quod velut oblitis vires suas ingerat. Quicquid longa series, multis laboribus, multâ Dei indulgentiâ struxit, id unus dies spargit ac dissipat. *Ad Lucil. Epistol. XCI.*

Nihil est tam fallax, quàm vita humana. Ad Marciam. Cap. XXI.

Noli ulli tranquillitati confidere: momento mare vertitur: eodem die, ubi luserunt, navigia sorbentur. Cogita posse latronem, & hostem admovere jugulo tuo gladium, ut potestas major absit, nemo non servus habet in te vitæ necisque arbitrium. Ita dico, quisquis vitam suam contempsit, tuæ dominus est. Recognosce exemplum eorum, qui domesticis insidiis perierunt, aut apertâ vi, aut dolo: & intelliges non pauciores servorum irâ cecidisse, quàm Regum. Quid ad te itaque, quàm potens sit, quem times, cum id, propter quod times, nemo non possit? At si fortè in manus hostium incideris, victor te duci jubebit, eò nempe, quò duceris. Quid te ipse decipis, & hoc nunc primum, quod olim patiebaris, intelligis? Ita dico, ex quo natus es, duceris. *Ad Lucil. Epistol. IV.* *Vita*

Vita errorum plena est.

Conteritur vita inter errores. Alium infatiabilis tenet avaritia, alium in supervacuis laboribus operosa sedulitas: alius vino madet: alius inertiam torper: alium defatigat ex alienis judiciis suspensa semper ambitio: alium mercandi præcepta cupiditas circa omnes terras, omnia maria spe lucri ducit. Quosdam torquet cupido militiæ, nunquam non aut alienis periculis intentos, aut suis anxios: sunt quos ingratus superiorum cultus voluntariam servitute consummat. Multos aut affectatio alienæ fortunæ, aut suæ odium detinuit: plerisque nihil certum sequentes vaga & inconstans, & sibi displicens levitas per nova consilia jactavit. Quibusdam nihil, quod cursum dirigant, placet; sed marcentes oscitantesque fata deprehendunt: adeo, ut quod apud maximum Poëtarum more oraculi dictum est, verum esse non dubitem:

Exigua pars est vitæ, quam nos vivimus.

Cæterum quidem omne spatium, non vita, sed tempus est. Urgentia circumstant vitia undique: nec resurgere, aut in de-

spectum veri attollere oculos sinunt, sed inersos, & in cupiditatibus infixos premunt. Nunquam illis recurrere ad se licet: sed si quando aliqua quies fortuito contigit, velut in profundo mari, in quo post ventum quoque volutatio est, fluctuantur, nec unquam illis à cupiditatibus suis otium instat. De istis me putas differere, quorum in confesso mala sunt? Adspice illos, ad quorum felicitatem concurritur, bonis suis effocantur. Quàm multis graves sunt divitiæ? Quàm multorum eloquentia, quotidiano ostentandi ingenii spatio, sanguinem educit? Quàm multi continuis voluptatibus pallent? Quàm multis nihil liberi relinquit circumfusus clientium populus? Omnes denique istos, ab infimis ad summos pererra: hic advocat: hic adest: ille periclitatur: ille defendit: ille judicat. Nemo se sibi vindicat: alius in alium consumimur. *De brevitate vite. Cap. II.*

Tota vita hominis nihil aliud, quàm ad mortem iter est. Ad Polybium. Cap. XXX.

Ex eo ipso die, quo quisque primam lucem vidit, iter mortis ingressus est, accessitque fato propior: & illi ipsi, qui adjiciebantur

tur adolescentiæ anni, vitæ detrahebantur: In hoc omnes errore versamur, ut non putemus ad mortem, nisi senes inclinatosque jam vergere: cum illò infantia statim, & juventa, omnisque ætas ferat. Agunt opus suum fata, nobisque sensum nostræ necis auferunt: quòque faciliùs obrepat mors, sub ipso vitæ nomine latet. Infantem in se pueritia convertit: pueritiam pubertas: juventutem senectus abstulit. Incrementa ipsa, si bene computes, damna sunt. *Ad Marciam. Cap. XX.*

Quotidie morimur, quotidie enim demitur aliqua pars vitæ, & tunc quoque, cum crescimus, vita decrescit. Infantiam amisimus, deinde pueritiam, deinde adolescentiam: usque ad hesternum quicquid transiit temporis, perit. Hunc ipsum, quem agimus diem, cum morte dividimus. *Ad Lucilium. Epistol. XXIV.*

Tota vita flebilis est. Ad Marc. Cap. X.

In regnum fortunæ, & quidem durum atque invictum pervenimus, illius arbitrio digna & indigna passuri. Corporibus nostris impotenter, contumeliosè, crudeliter abuteretur: alios ignibus perureret, vel in poenam admotis, vel in remedium: alios nu-

dos mari jactabit, & luctatos cum fluctibus, ne in arenam quidem aut litus explo-
det, sed in alicujus ventrem immensæ bel-
luz detrudet: alios morborum variis ge-
neribus emaceratos diu inter vitam mor-
temque detinebit. Ut varia, & libidinosa,
mancipiorumque suorum negligens do-
mina, & pœnis, & muneribus errabit.
Quid opus est partes deflere? Tota vita
flebilis est. *Ibid.*

*Omnis vita servitium est. De Tran-
quillit. animi. Cap. X.*

Omnes cum fortuna copulati sumus. A-
liorum aurea catena est, & laxa: aliorum
arcta, & sordida. Sed quid refert? Ea-
dem custodia universos circumdedit: al-
ligatique sunt etiam, qui alligaverunt. Ni-
si tu forte leviozem in sinistra catenam
putas. Alium honores, alium opes vinci-
unt: quosdam nobilitas, quosdam humi-
litas premit, quibusdam aliena supra caput
imperia sunt, quibusdam sua: quosdam
exilia uno loco tenent, quosdam sacerdotia.
Assuescendum est itaque conditioni suæ,
& quam minimum de illa querendum: &
quicquid habet circa se commodi, appre-
hendendum est. Nihil tam acerbum est,
in

in quo non æquus animus solatium inveniatur.

Ibid.

*Omnis vita supplicium est. Ad Polyb.
Cap. XXVIII.*

Omnia ista, quæ nos speciosa, sed fallaci voluptate delectant, pecunia, dignitas, potentia, aliæque complura, ad quæ generis humani cæca cupiditas obstupescit, cum labore possidentur, cum invidia conspiciuntur: eosque ipsos, quos exornant, & premunt, plus minantur, quam profunt. Lubrica & incerta sunt: nunquam bene tenentur. Nam ut nihil de tempore futuro timeatur; ipsa tamen magnæ sceleris tutela sollicita est. Si velis credere altius veritatem inuentibus, *Omnis vita supplicium est.* In hoc ergo profundum inquietumque projecti mare alternis restibus reciprocum, & modò allevans nos subitis incrementis, modò majoribus damnis deserens, assidueque jactans nunquam stabili consistimus loco: pendemus & fluctuamur, & alter in alterum illidimur, & aliquando naufragium facimus, semper timeamus. In hoc tam procelloso, & in omnes tempestates exposito mari navigantibus, nullus portus, nisi mortis est. *Ibid.*

Maxima

*Maxima vite jactura dilatio est. De
brevit. vitæ. Cap. IX.*

Ille primum quemque extrahit diem, illa eripit præsentia, dum ulteriora promittit. Maximum vivendi impedimentum est expectatio, quæ pendet ex crastino. Perdis hodiernum. Quod in manu fortunæ positum est, disponis: quod in tua dimittis. Quid spectas, quid te extendis? Clamat ecce maximus Vates, & velut divino furore instinctus salutare Carmen canit:

*Optima quæque dies miseris mortalibus ævi
Prima fugit. —*

Quid cunctaris, inquit, quid cessas? Nisi occupas, fugit: cum occupaveris, tamen fugiet. Itaque cum celeritate temporis, utendi velocitate certandum est. Velut ex torrente rapido, nec semper casuro citò hauriendum est. Hoc quoque pulcherrimè ad exprobrandam infinitam cogitationem, quod non optimam quamque ætatem, sed diem dicit. Quid securus, & in tanta temporum fuga, menses tibi & annos, & longam seriem, utcumque aviditati tuæ visum est, exporrigis? De die tecum loquitur, & de hoc ipso fugiente.

giente. Non dubium est ergo, quin prima quæque optima dies fugiat mortalibus miseris, id est, occupatis: quorum pleriles adhuc animos senectus opprimit, ad quam imparati inermesque veniunt. Nihil enim provisum est: subito in illam, nec opinantes inciderunt: accedere eam quotidie non sentiebant. Quemadmodum quos aut sermo, aut lectio, aut aliqua interior cogitatio iter facientes decipit, pervenisse se, ante sciunt, quàm appropinquasse: ita hoc vitæ iter assiduum & citatissimum, quod dormientes vigilantesque eodem gradu facimus, occupatis non apparet nisi in fine. *Ibid.*

D E

M O R T E

Mors omnium dolorum solutio est. Ad Marc. Cap. XIX.

EXcepit illum magna & æterna pax, quem fatum ex hac vita excedere iussit. Non ille paupertatis metu, non divitiarum

tiarum curâ, non libidinis per voluptatem
 animos carpentis stimulis incessitur, non
 invidiâ felicitatis alienæ tangitur, nec suæ
 premitur, nec convitiis quidem ullis vere-
 cundæ aures verberantur: nulla publica
 clades conspicitur, nulla privata: non so-
 licitus futuri pendet ex eventu semper in
 deteriora dependenti. Tandem ibi consti-
 tit, unde nil eum pellat, ubi nil terreat. O ig-
 naros malorum suorum, quibus non mors, ut
 optimum inventum naturæ, laudatur! Quæ
 siue felicitatem includit, siue calamitatem
 repellit, siue satietatem aut lassitudinem senis
 terminat, siue juvenile ævum, dum meli-
 ora sperantur, in flore deducit, siue pue-
 ritiam ante duriores gradus revocat; om-
 nibus finis, multis remedium, quibusdam
 votum, de nullis melius merita, quam de
 his ad quos venit, antequam invocaretur.
 Hæc servitutem invico domino remittit:
 hæc Captivorum catenas levat: hæc è car-
 cere educit, quos exire imperium impo-
 tens vetuerat. Hæc exulibus in patriam
 semper animum oculosque tendentibus o-
 stendit, nihil interesse, inter quos quisque
 jaceat. Hæc, ubi res communes fortuna
 malè divisit, & æquo jure genitos, alium
 alii donavit, exæquat omnia. Hæc est,
 quæ nihil quicquam alieno fecit arbitrio:

hæc

hæc est, in qua nemo humilitatem suam
sensit: hæc est, quæ nulli unquam paruit.
Ibid. Cap. XIX, XX.

Is, qui fato defunctus est, omnia vitæ
incommoda evasit, expertusque omnis mali
nihil timet, nihil cupit, nihil patitur. Ani-
mus ejus velut ex diutino carcere emissus,
tandem sui juris & arbitrii gestit, & rerum
naturæ spectaculo fruitur, humanaque om-
nia è superiori loco despicit, divina verò,
quorum rationem tamdiu frustra quæsie-
rat, propius intuetur. In eum locum
translatus est, in quo non ira illum torque-
bit, non morbus affliget, non suspicio la-
cesset, non edax & inimica semper alienis
processibus invidia consecrabitur, non me-
tus sollicitabit, non levitas fortunæ cito
munera sua transferentis, inquietabit. Tan-
dem liber, tandem tutus, tandem æternus
est. Fruitur aperto & libero cœlo, ex
humili atque depresso in eum emicuit lo-
cum, quisquis ille est, qui solutas vinculis
animas beato recipit sinu: & nunc liberè
vågatur, omniaque rerum naturæ bona
cum summa voluptate perspicit. *Ad Po-
lyb. Cap. XXVII. XXVIII.*

Multum

*Multum boni opportuna mors habet :
multis diutius vixisse nocuit. Ad
Marc. Cap. XX.*

Cogita, quantum boni mors opportuna habeat, quàm multis diutius vixisse nocuerit. Si Cn. Pompeium, decus istius, firmamentumque imperii, Neapoli valetudo abstulisset, indubitatus populi Romani Princeps excesserat. At nunc exigui temporis adjectio fastigio illum suo depulit. Vidit legiones in conspectu suo cæsas : & ex illo prælio, in quo prima acies Senatus fuit, quàm infelices reliquæ sunt, Imperatorem ipsum superfuisse ! Vidit Ægyptium carnificem, & sacrosanctum victoribus corpus satelliti præstitit, etiamsi incolumis fuisset pœnitentiam salutis acturus. Quid enim erat turpius, quàm Pompeium vivere beneficio Regis ? M. Cicero, si eo tempore, quo Catilinæ fidas devitavit, quibus pariter cum patria petitus est, concidisset, liberatâ rep. conservator ejus : si denique filiae suæ funus securus fuisset, etiam tunc felix mori potuit. Non vidisset strictos in civilia capita mucrones : nec divisa percussoribus occisorum bona : non hastam consularia spolia vendentem : nec cædes, nec locata

locata publicè latrocinia, bella, rapinas, tantum Catilinarum. Catonem, si à Cypro & hæreditatis regiæ dispensatione redeuntem mare devorâsser, vel cum illa pecunia, quam afferebat civili bello stipendium, nonne illo bene actum foret? Hoc certè secum tulisset, neminem ausurum coram Catone peccare. Nunc annorum adjectio paucissimorum virum libertati non suæ tantum, sed publicæ natum, coëgit Cæsarem fugere, Pompeium sequi. Nihil ergo mali mors immatura attulit ulli, omnium etiam malorum remisit patientiam. *Ibid.*

Cui nasci contigit, mori restat. Ad Lucil.
Ep. XCIX.

Mors cuique nascenti determinata est.
Ad Marc. Cap. IX.

Quisquis ad vitam editur, ad mortem destinatur. Alium alio tempore fata comprehendunt, neminem prætereunt. Quid dicam Duces, Ducumque progenies, & multis aut consularibus conspicuos, aut triumphis, sorte defunctos inexorabili? Totâ cum Regibus regna, populique cum gentibus tulere fatum suum. Omnes, imò omnia in ultimum diem spectant. Non idem universis finis est. Alium in

C

medio

medio cursu vita deserit, alium in ipso actu relinquit, alium in extrema senectute jam fatigatum, & exire cupientem vix emittit: alio quidem atque alio tempore, omnes tamen in eundem locum tendimus. *Ad Polyb. Cap. XXX.*

D E MUTABILI OMNIUM RERUM CONDITIONE.

Cuius potest accidere, quod cuiquam potest.

HOC si quis in medullas demiserit, & omnia aliena mala, quorum ingenio quotidie copia est, sic aspexerit, tanquam illis liberum & ad se iter sit: multo ante se armabit, quam petatur. Serò animus ad periculorum patientiam, post pericula instruitur. Non putavi hoc futurum, nunquam

quam hoc eventurum credidissem. Quare autem non? Quæ sunt divitiæ, quas non egestas, & fames, & mendicitas à tergo sequatur? Quæ dignitas, cuius non prætextam, & augurale, & lora patricia, & sordes comitentur, & exportatio, & notæ, & mille maculæ, & extrema contemptio? Quod regnum est, cui non parata sit ruina, & proculcatio, & dominus, & carnifex? Nec magnis ista intervallis divisa, sed horæ momentum interest inter Solum & aliena genna. Scito ergo omnem conditionem versabilem esse: & quicquid in ultimum incurrit, posse in te quoque incurrere. Locuples es? Num quid ditior Pompeio? Cui cum Caius vetus cognatus, hospes novus, aperuisset Cæsaris domum, ut suam clauderet, defuit panis & aqua: cum tot flumina possideret in suo orientia, & in suo cadentia, mendicavit stillicidia: fame ac siti perijt in palatio cognati, dum illi heres publicum suum esurienti locat: Honoribus summis functus es? Numquid aut tam magnis, aut tam insperatis, aut tam universis, quam Sejanus? Quo die illum Senatus deduxerat, populus in frusta divisit: in quem quicquid congrui poterat, Deus hominesque contulerant, ex eo nihil superiuit, quod carnifex traheret. Rex es?

es? Non ad Crœsum te mittam, qui ro-
gum suum & ascendit jussus, & extingui
vidit, factus non regno tantum, sed etiam
morti suæ superstes: non ad Jugurtham,
quem populus Romanus intra annum quàm
timuerat, spectavit. Ptolomæum Africæ
Regem, Armeniæ Mithridatem inter Ca-
janas custodias vidimus. Alter in exilium
missus est; alter, ut meliore fide mittere-
tur, optabat. In tanta rerum sursum ac
deorsum euntium versatione, si non quic-
quid fieri potest, pro futuro habes, das in
te vires rebus adversis, quas infregit, quis-
quis prior vidit. *De Tranquillit. anim.*
Cap. XI.

Quicquid capit & desinit. Ad Polyb.
Cap. XIX.

Casura omnia extant. Ad Lucil. Ep. XCI.
Omni bus exitus manet. Ibid. *Nil est*
perpetuum. Ad Polyb. *Cap. XIX.*

Quid mutationis periculo exceptum?
Non terra, non cœlum, non totus hic re-
rum omnium contextus, quamvis Deo a-
gente ducatur. Non semper tenebit hunc
ordinem; sed illum ex hoc cursu aliquis
dies dejiciet. Certis eunt cuncta tempori-
bus; nasci debent, crescere, extingui.
Quæ-

Quæcunque vides supra nos currere, & hæc quibus innixi atque impositi sumus vehiti solidissimis carpentur ac desinent. *Ad Lucil. Ep. LXXI.*

Nihil, quo stat, loco stabit. Omnia sterneret abduretque secum vetustas. Nec hominibus solum, (quota enim ista fortuitæ potentæ portio est :) sed locis, sed regionibus, sed mundi partibus luter: tot supprimer montes, & alibi rupes in altum novas exprimer: maria sorbebit, flumina averteret, & commercio gentium rupto, societatem generis humani, coetusque dissolveret. Alibi hiatus vastis subduceret urbes, tremoribus quatiet, & ex infimo pestilentes habitus mitteret: & inundationibus, quicquid habitatur, obduceret: necabitque omne animal orbe submerso, & ignibus vastis torrebit incendetque mortalia. Et cum tempus advenerit, quo se mundus renovaturus extinguat, viribus ista se suis cadent, & sydera syderibus incurrent, & omni flagrante materia, uno igne, quicquid nunc ex disposito iacet, ardebit. *Ad Marc. Cap. XXVI.*

Nihil privati, nihil publicè stabile est: tam hominum quam urbium fata voluntur. Inter placidissima terror exultat, nihilque extra tumultuantibus causis, mala,

unde minime expectabantur, erumpunt. Quæ domesticis bellis steterant regna, quæ externis, impellente nullo, ruunt. Quota quæque felicitàtem civitas pertulit? Cogitanda ergo sunt omnia, & animus adversus ea, quæ possunt evenire, firmandus. Exilia, tormenta, bella, morbos, naufragia meditare. Potest te patriæ, potest patriam tibi casus eripere: potest te in solitudinem abicere, potest hoc ipsum, in quo turba suffocatur, fieri solitudo. Tota ante oculos fortis humanæ conditio ponatur: nec quantum frequenter evenit, sed quantum plurimum potest evenire, præsumamus animo, si nolumus opprimi, nec ullis inusitatis velut novis obstupefieri. In plenum cogitanda fortuna est. Quoties Asiæ, quoties Achaïæ urbes uno tremore ceciderunt? Quot oppida in Syria, quot in Macedonia devorata sunt? Cyprum quoties vastavit hæc clades? Quoties in se Paphus corruit? Frequenter nobis nuntiati sunt totarum urbium interitus, & nos, inter quos frequenter ista nunciantur, quota pars omnium sumus? Consurgamus itaque adversus fortuita, & quicquid inciderit, æquo animo feramus. *Ad Lucil. Ep. XCI.*

Omniū istarum civitatum, quas nunc magnificas ac nobiles audis, vestigia quoque

que tempus erader. Non vides, quemadmodum in Achaia, clarissimarum urbium jam fundamenta consumpta sint, nec quidquam extet, ex quo appareat illas saltem fuisse? Non tantum manufacta labuntur, non tantum humanâ arte atque industriâ posita vertit dies: jura montium diffluunt, totæ desedere regiones. Operta sunt fluctibus, quæ procul à conspectu maris stabant: vastavit ignis colles, per quos elucebat; erosit & quondam altissimos vertices, solatia navigantium, ac speculas ad humilem arenam deduxit. Ipsius naturæ opera vexantur: & ideo æquo animo ferre debemus, quæcunque accidunt. Casura omnia extant: omnibus exitus manet, siue internâ vi flatuque præclusa violenti pondus, sub quo tenentur, excusserint, siue torrentium in abdito vis obstantia effregerit: siue flammarum violentia compaginem soli ruperit, siue vetustas, à qua nihil tutum, expugnaverit minutatim, siue gravitas cœli ejecerit populos, & situs deserta corruperit. Enumerare omnes fatorum vias, longum est. Hoc unum scio. Omnia mortalium opera mortalitate damnata sunt. Inter peritura vivimus. *Ad Lucil Ep. XCI.*

DE
PROVIDENTIA
DE I

*Cur bonis viris mala accidunt, cum sit
Providentia?*

*Nihil accidere bono viro mali potest.
Cap. I.*

Magnificus ille parens, virtutum non
levis exactor Deus, viros bonos, si-
cut severi patres filios, duris educat. Ita-
que cum videris bonos viros acceptosque
Deo, laborare, per arduum ascendere;
malos autem lascivire, & voluptatibus flu-
ere: cogita filiorum nos modestia dele-
ctari, vernularum licentia: illos disciplina
tristiori contineri, horum ali audaciam.
Idem tibi de Deo liqueat. Bonum virtutum
in deliciis non habet: experitur, indurat,
sibi illum præparat. Quare multa viris
bonis adversa eveniunt. Nihil accidere
bono

bono viro mali potest. Non miscentur contraria. Quemadmodum tot amnes, tantum superne dejectorum imbrium, tanta medicatorum vis fontium, non mutant saporem maris, nec remittunt quidem, ita adversarum impetus rerum viri fortis non vertit animum. Manet in statu, & quicquid evenit, in suum colorem trahit. Est enim omnibus externis potentior: nec hoc dico, non sentit illa, sed vincit, & alioquin quietus placidusque contra incurrentia attollitur. Omnia adversa exercitationes putat. Quis autem vir modò & erectus ad honesta, non est laboris appetens iusti, & ad officia cum periculo promptus? Cui non industrioso otium poena est? Athletas videmus, quibus virium cura est, cum fortissimis quibusque configere, & exigere ab his, per quos certamini præparantur, ut totis contra ipsos viribus urantur. Cædi vexarique se patiuntur: & si non inveniunt singulos pares, pluribus simul obijciuntur. Marcet sine adversario virtus. Tunc apparet, quanta sit, quantum valeat, polleatque, quum quid possit, patientia ostendit. Scias licet, idem viris bonis esse faciendum, ut dura ac difficilia non reformident, nec de fato querantur. Quicquid accidit, boni consulant, in bonum

num vertant. Non quid, sed quemadmodum feras, interest. Non vides, quanto aliter patres, aliter matres indulgeant? Illi excitari jubent liberos ad studia obeunda maturè, feriatis quoque diebus non patiuntur esse otiosos, & sudorem illis, & interdum lachrymas excutiant: at matres fovere in sinu, continere in umbra volunt: nunquam flere, nunquam tristari, nunquam laborare. Patrium habet Deus adversus bonos viros animus, & illos fortiter amat, & operibus, inquit, ac damnis exagitantur, ut verum colligant robur. Languent per inertiam saginata: nec labore tantum, sed mole, & ipso sui onere deficiunt. Non fert ullum ictum illæsa felicitas. At ubi assidua fuit cum incommodis suis rixa, callum per injurias ducit, nec ulli malo cedit: sed etiam si ceciderit, de genu pignat. *Ibid. Cap. II.*

Quare Deus optimum quemque aut mala valetudine, aut aliis incommodis afficit? Quare in Castris quoque periculosa fortissimis imperantur? Dux letissimos mittit, qui nocturnis hostes aggrediantur insidiis, aut explorent iter, aut præsidium loco deiciant. Nemo eorum, qui exeunt, dicit, Male de me Imperator meruit; sed bene judicavit. Idem dicant, qui jubentur

tur pati; cunctis ignavisque flebilia. Digni
 vii sumus Deo, in quibus experiretur, quan-
 tum humana natura posset pati. Fugite
 deficias, fugite enervatam sollicitatem, quā
 animi perinadesunt, nisi aliquid interveniat,
 quod humane fortis admoneat, velut por-
 perū ebrietate sopiti. Quem specularia sem-
 per ab amata vincularunt, cuius peder inter
 fortenta subinde mutata tepuerunt, hunc
 levitā aīra non sine periculo stringet. Cum
 omnia, quæ excedunt modum, nocent,
 periculosissima felicitatis intemperantia est.
 Movet cerebrum, in vana mentem evocat
 imagines, multum inter falsum ac verum
 mediæ caliginis fundit. Quidni fatius sit
 perpetuam infelicitatem, quæ advocat ad
 virtutem, sustinere, quam infinitis atque
 immodicis bonis rumpi? Levior jejuno mors
 est: cruditate corpora dissiliunt. Hanc
 itaque rationem Deus sequitur in bonis vi-
 ris, quā in Discipulis suis Præceptores,
 qui plus laboris ab his exigant, in quibus
 certior spes est. Numquid tu invisos esse
 Lacedæmoniis liberos suos credis, quorum
 experiuntur indolem publicè verberibus ad-
 motis? Ipsi, illos, patres adhortantur, ut
 ictus flagellorum fortiter perferant, et lace-
 ros ac seminantes rogant, perseverent vul-
 nera præbere vulneribus. Quid mirum,

fi durè generosos spiritus Deus tentat ?
Nunquam virtutis molle documentum est.
Ibid. Cap. IV.

Quid miraris bonos viros, ut confir-
mentur, concuti ? Non est arbor solida
nec fortis, nisi in quam frequens ventus in-
cursat : ipsâ vexatione constringitur &
radices certius figit. Fragiles sunt, quæ
in aprica valle creverunt. Pro ipsis ergo
bonis viris est, ut esse interriti possint,
multum inter formidosa versari, & æquo
animo ferre, quæ non sunt mala, nisi ma-
le sustinenti. *Ibid. Cap. IV.*

D E
B E N E F I C I I S
D E I I N
H O M I N E S.

Contra illos, qui negant Deum beneficia
dare ; sed aiunt eum securum, & neg-
ligentem nostri, aversum à mundo aliud
agere,

agere, aut (quæ maxima Epicuro felicitas videtur) nihil agere: nec magis illum beneficia, quam injurias tangere.

Hoc qui dicit, non exaudit precantium voces, & undique sublatis in cœlum manibus, vota facientium privata ac publica. Quod profectò non fieret, nec in hunc furorẽ omnes mortales consensissent alloquendi surda Numina, & inefficacem Deum: nisi nosset illius beneficia nunc ultrò oblata, nunc orantibus data, magna, tempestiva, ingentes minas interventu suo solventia. Quis est tam miser, tam neglectus, quis tam duro fato, & in poenam genitus, ut non tantam Numinis divini munificentiam senserit? Ipsos illos complorantes fortem suam, & querulos circumspice, invenies non ex toto beneficiorum cœlestium expertes: neminem esse, ad quem non aliquid ex illo benignissimo fonte manaverit. Non dat ergo Deus beneficia? Unde ista, quæ possides? quæ das? quæ negas? quæ servas? quæ rapis? Unde hæc innumerabilia oculos, aures animamque mulcentia? Unde illa luxuriam quoque instruens copia? Neque enim necessitatibus tantum modò nostris provisum, usque in delicias amamur. Tot arbutta non uno modo frugifera, tot herbes salutare, tot varietates ciborum, per totum

D

annum

annum digestæ, ut inertī quoque fortuita
 terræ alimenta præberent. Jam animalia
 omnis generis, alia in sicco solidoque, alia
 in humido innascentia, alia per sublime di-
 missa : ut omnis rerum naturæ pars tribu-
 tum aliquod nobis conferret. Flumina hæc
 amœnissimos flexibus campos cingentia,
 illa præbitura commerciis viam, vasto &
 navigabili cursu vadentia : ex quibus quæ-
 dam statim diebus mirabile incrementum
 trahunt, ut anhela & ferventi subjecta cœ-
 lo loca subita vis æstivi torrentis irriget.
 Quid medicatorum torrentium venæ ? Quid
 in ipsis littoribus aquarum calentium exun-
 datio ? Si pauca quis tibi donasset jugera,
 accepisse te diceres beneficium ; immensa
 terrarum latè patentium spatia negas esse
 beneficium ? Si pecuniam aliquis tibi do-
 naverit, & arcam tuam (quoniam id tibi
 magnum videtur) impleverit, beneficium
 vocabis : tot metalla defodit, tot flumina
 emisit in aëra, super quæ decurrunt sola au-
 rum vehentia ; argenti, æris, ferri immane
 pondus omnibus locis obrutum, cujus inve-
 stigandi tibi facultatem dedit, ac latentium
 divitiarum, in summa terra, signa disposuit :
 negas te accepisse beneficium ? Si domus
 tibi donetur, in qua marmoris aliquid re-
 splendeat, & tectum nitidius, auro aut co-
 loribus

loribus sparsum, non mediocre munus vocabis: ingens tibi domicilium, sine ullo incendiis aut ruinæ metu struxit, in quo vides non tenues crustas, & ipsâ, quâ secantur laminâ graciliores, sed integras lapidis pretiosissimæ moles, sed totas variaz distinctæque materiæ, cujus tu parvula frustra miraris, tectum verò aliter nocte, aliter interdiu fulgens: negas te ullum munus accepisse? Et cum ista, quæ habes, magno æstimes, quod est ingrati hominis, nulli debere te judicas? Unde tibi istum, quem trahis spiritum? Unde istam, per quam actus vitæ tuæ disponis, atque ordinas lucem? Unde sanguinem, cujus cursu vitalis continetur calor? Unde ista palatum tuum saporibus exquisitis ultra satietatem lacescentia? Unde hæc irritamenta jam lassæ voluptatis? Unde ista quies, in qua putrescis ac marces? Nonne si gratus es, dices,

— Deus nobis hæc otia fecit:

Namq; erit ille mihi semper Deus, illius aram, Sæpe tener nostris ab ovilibus imbuet agnus. Ille meas errare boves, ut cernis, & ipsum Ludere, quæ vellem, calamo permisit agresti.

Ille Deus est, non qui paucas boves, sed qui per totum orbem armenta dimisit, qui gregibus ubique passim vagantibus pabulum

præstat, qui pascua hybernis æstiva substituit, qui non calamo tantum cantare, & agreste atque inconditum carmen ad aliquam tantum oblectationem modulari docuit, sed tot artes, tot vocum varietates, tot sonos, alios spiritu nostro, alios externo, cantus edituros, commentus est. Neque enim nostra ista, quæ invenimus, dixeris, non magis, quàm quòd crescimus, quàm quòd ad constitutum temporum sua corporis officia respondent. Nunc puerilium dentium lapsus, nunc adsurgentem jam ætatem, & in robustiorem gradum transeuntem pubertas, & ultimus ille dies fugienti terminum ponens. Infra sunt nobis omnium ætatum, omniumque artium semina, magisterque ex occulto Deus producit ingenia. *De beneficiis Libr. IV. Cap. IV, V, VI.*

Vide, quàm iniqui sint divinorum munerum æstimatores, etiam quidam professi sapientiam. Queruntur, quòd non magnitudine corporum æquemus Elephantes, velocitate cervos, levitate aves, impetu tauros: quòd solidior sit cutis belluis, decentior damis, densior ursis, mollior fibris: quòd sagacitate nos narium canes vincant, quòd acie luminum aquilæ, spatio ætatis corvi, multa animalia nandi facilitate. Et cum quædam ne coire quidem
in

in idem natura patriatur, ut velocitatem corporum, & vires pares animalibus: ex diversis ac dissidentibus bonis hominem non esse compositum, injuriam vocant: & negligentem nostri Deum, querimoniam jaciunt, quod non bona valerudo, & vitiis inexpugnabilis data sit, quod non futuri scientia. Vix sibi temperant, quin eò usque impudentiæ provehantur, ut naturam oderint, quod infra Deum sumus, quod non in æquo illi steterimus. Quantò satius est ad contemplationem tot tantorumque beneficiorum reverti, & agere gratias, quod nos, in hoc pulcherrimo domicilio voluit secundas sortiri, quod terrenis præfecit? Aliquis ea animalia comparat nobis, quorum potestas per nos est? Quicquid nobis negatum est, dari non conveniebat. Præindē, quisquis es iniquus æstimator sortis humanæ, cogita, quanta nobis tribuerit parens noster, quantò valentiora animalia sub jugum miserimus, quantò velociora consequamur: quàm nihil sit mortale, non sub ictu nostro positum. Tot virtutes accepimus, tot artes, animum denique, cui nihil non eodem, quo intendit, momento, pervium est, sideribus velociorem, quorum post multa secula, futuros cursus antecedit. Tan-

tum dénique frugum, tantum ópum, tantum rerum aliarum, super alias acervatarum. Circumeas licet cuncta: & quia nihil totum invenies, quod esse te malle, ex omnibus singula excerpas, quæ tibi dari velles. Ita bene æstimatâ Dei indulgentiâ, confitearis, necesse est, in deliciis te illi fuisse. Ita est: carissimos nos habuit Deus immortalis, habetque. Et qui maximus tribui honos potuit, ab ipso proximos collocavit. Magna accepimus, majora non cepimus. *Ibid. Libr. XI. Cap. XXIX.*

D E
V I R T U T E
I N G E N E R E.

Nihil est virtute præstantius, nihil pulchrius. Ad Lucil. Epist. LXVII.

Virtus libera est, inviolabilis, immota, inconcussa: sic contra casus indurata, ut nec inclinari quidem, nedum vinci possit.

fit. Adversus apparatus terribilium re-
ctos oculos tenet, nihil ex vultu mutat,
sive illi dura, sive secunda ostentantur. *De*
Constant. Sapient. Cap. V.

Memoria virtutis Majorum posteris prodest.
Virtus Majorum illustrat posteros, ac juvat.

Non sine ratione sacra est magnarum
virtutum memoria, & esse plures bonos
juvat, si gratia bonorum non cum ipsis ca-
dat. Ciceronem filium, quæ res consu-
lem fecit, nisi Pater? Cinnanum nuper, quæ
res ad Consulatum recepit ex hostium ca-
stris? Quæ Sextum Pompeium, aliosque
Pompeios, nisi unius viri magnitudo? tan-
ta quidem, ut satis altè omnes suos etiam
ruina ejus attolleret. Quid nuper Fabi-
am Perseum, cujus osculum etiam impu-
ri vitabant, Sacerdotem non in uno Colle-
gio fecit? Nisi Verrucosi & Allobrogi;
& illi trecenti, qui hostium incursionem pro
Republica unam domum objecerunt? Hoc
debemus virtutibus, ut non præsentibus so-
lum illas, sed etiam ablatas è conspectu,
colamus. Quomodo illæ id egerunt, ut
non in unam ætatem prodesse; sed bene-
ficia sua etiam post ipsas relinquerent: ira
& no, non unâ ætate, grati sumus. Hic
magno

magno viros genuit, dignus est beneficiis, qualiscunque est, Dignos dedit. Hic egregiis maioribus ortus est. Qualiscunque est, sub umbra suorum lateat. Ut loca sordida percussu solis illustrantur, ita inertes majorum suorum luce resplendent. *Ibid. Lib. IV. Cap. XXI.*

Virtus omnia vitæ incommoda magnitudine sua elidit ac opprimit.

Nullum habent momentum vexatio & dolor, & quicquid aliud incommodi est, virtute enim obruitur. Quemadmodum minora lumina claritas solis obscurat: sic dolores, molestias, iniurias, virtus magnitudine elidit atque opprimit, & quocunque affulsi, ibi quicquid sine illa apparet, extinguatur: nec magis ullam portionem habent incommoda, cum in virtutem inciderint, quam in mari nimbus. *Ad Lucil. Epist. LXVI.*

Virtus periculi avida est. De Provident. Cap. IV.

Prospera in plebem ac vilia ingenia deveniunt: at calamitates terroresque mortaliū sub jugum mittere propriū magni viri

viri est. Semper verò esse foelicem, &
 sine morfu animi transire vitam, ignorare
 est rerum naturæ alteram partem. Ma-
 gnus es vir, sed unde scio, si tibi fortuna
 non dat facultatem exhibendæ virtutis.
 Descendisti ad Olympia: sed nemo præter
 te. Coronam habes, sed victoriam non
 habes. Non gratulor tanquam viro fori,
 sed tanquam Consularum. Præturamque
 adepto. Honore auctus es. Idem & bo-
 no viro dicere possum, si illi nullam occa-
 sionem difficilior casus dedit, in quâ unâ
 vim sui animi ostenderet. Miserum te iu-
 dico, quod nunquam fuisti miser. Tran-
 sisti sine adversario vitam. Nemo sciet, quid
 potueris: ne tu quidem ipse. Opus est
 enim ad notitiam sui experimento, quid
 quisque posset, nisi tentando non didicit.
 Itaque quidam ultro se cessantibus malis
 obtulerunt, & virtuti ituræ in obscurum
 occasionem, per quam enitescerent, quæsi-
 erunt. Gaudent, inquam, magis viri ali-
 quando rebus adversis, non aliter, quam
 fortes milites bellis. Avida est periculi
 virtus, & quod tendat, non quid passura
 sit, cogitat: quoniam, & quod passura
 est, gloriæ pars est. Militares viri glori-
 antur vulneribus, læti fluentem meliori casu
 sanguinem ostentant. Idem licet fecerint,
 qui

qui integri revertuntur ex acie, magis spectatur, qui saucius redit. Ipsi, inquam, Deus consulit, quos esse, quam honestissimos cupit, quoties illis materiam præbet aliquid animosè fortiterque faciendi: ad quam rem opus est aliquâ rerum difficultate. Gubernatorem in tempestate, in acie militem intelligas. Unde possim scire, quantum adversus ignominiam, & infamiam, odiumque popolare constantiæ habeas, si inter plausus fenescis? Si te inexpugnabilis & inclinatione quadam mentium proutis favor sequitur. Unde scio, quam æquo animo laturus sis orbitatem, si quoscunque, sustulisti, vides. Audi vi te, cum aliorum consolaberis, tunc conspexissem, si te ipse consolatus esses, si te dolere vetuisses. Nolite, obsecro vos, expavescere ista, quæ Deus immortalis velut stimulos admovet animis. *Ibid.*

Calamitas virtutis occasio est. De Provid. Cap. IV.

Illos merito quis dixerit miseros, qui nimiam felicitate torpescunt, quos velut in mari lento tranquillitas inertia detinet. Quicquid illis inciderit, novum venit. Magis urgent salva inexpertos. Grave est.

est teneræ cervici jugum. Ad suspicio-
nem vulneris tyro palleſcit: audacter ve-
tèranus cruorem ſuum ſpectat, qui ſcit ſe
ſæpe viciffe poſt ſanguinem. Hos itaque
Deus, quos probat, quos amat, indurat,
rècognofcit, exercet. Eos autem quibus
indulgere videtur, quibus parcere, mol-
les venturis malis ſervat. Erratis enim,
ſi quem judicatis exceptum, veniet ad illum
diu foelicem ſua portio. Quisquis videtur
dimiffus eſſe, dilatus eſt. *Ibid.*

*Virtus nihil in ſe venale habet. De be-
nefic. Libr. IV. Cap. I.*

Inveniuntur, qui honeſta in mercedem
colant, quibusque non placeat virtus gra-
tuita: quæ nihil habet in ſe magnificum,
ſi quidquam habeat venale. Quid enim
eſt turpius, quàm aliquem computare,
quanti vir bonus ſit: cum virtus nec lu-
cro, invitetur, nec abſterreatur damno,
adeoque neminem ſpe ac pollicitatione
corrumpat, ut contra in ſe impendere ju-
beat ac ſæpius in altero tributis ſit? Cal-
catis utilitatibus ad iram eundem eſt, quo-
cumque vocavit, quocumque miſit, ſine re-
ſpectu rei familiaris: interdum etiam ſine
ulla ſanguinis ſui parſimonia vadendum,
nec

nec unquam imperium ejus detrectandum. Quid consequar, inquit, si hoc fortiter, si hoc gratè fecero? Quod feceris. Nihil tibi extra promittitur; si quod forte ob-
 venerit commodi, inter accessiones nume-
 rabis. Rerum honestarum pretium in ip-
 sis est: quæ non exercentur ad præmium:
 recte enim facti, fecisse merces est. *Ibid.*
Ad Lucil. Epistol. LXXI.

Virtus sub qualibet cute latere potest.
Seu, Virtus non cobonestatur pulchri-
tudine corporis, nec deformitate for-
datur. Ad Lucil. Ep. LXVI.

Errare mihi visus est, qui dixit:
Gnatio est virtus veniens è corpore pulchro.

Nullus enim honestamento eget: ipsa &
 magnum sui decus est, & corpus suum
 consecrat. Certè Claranum nostrum cum
 corpusculo colluctantem cœpi intueri, for-
 mosus mihi videtur, & tam rectus corpore,
 quam est animo. Potest ex casa vir ma-
 gnus exire: potest & ex deformi humilique
 corpusculo formosus animus ac magnus.
 Quosdam itaque mihi viderur, in hoc na-
 tura tales generare, ut approbet virtutem
 omni loco nasci. Si posset per se nudos e-
 dere

dere animos fecisset. Nunc quod amplius est, facit: quosdam enim edit corporibus impeditos; sed nihilo minùs perrumpentes obstantia. Claranus mihi videtur in exemplar editus, ut scire possemus non deformitate corporis foedari animum, sed pulchritudine animi corpus ornari. *Ibid.*

Virtus in quocunque habitu est, prodest.

De Tranquillit. anim. Cap. V.

Hoc puto virtuti faciendum, studiosoque virtutis. Si prævalebit fortuna, & præcidet agendi facultatem, non statim aversus inermisque fugiat, latebras quærens, quasi ullus locus sit, quò non possit fortuna persequi; sed parcius se inferat officiis, & cum delectu inveniat aliquid, in quo utilis civitati sit. Militare non licet? Honores spectet. Privato vivendum est? Sit Orator. Silentium indictum est? Tacetæ advocacy cives juvet. Periculosum etiam ingressu forum est? In domibus, in spectaculis, in conviviiis bonum contubernalem, amicum fidelem, temperantem agat. Officia si civis amiserit, hominis exerceat. Idèò magno animo nos non in unius urbis mœnibus clausimus, sed in totius orbis commercium emisimus, patriamque nobis

E

mundum

mundum professi sumus, ut liceret virtutis latiore campum dare. Præclusum tibi tribunal est, & rostris prohiberis, aut comitiis? Respice post te, quantum latissimarum regionum pateat, quantum populorum. Nunquam tibi ita magna pars obstruetur, ut non major relinquatur. Sed vide, ne totum istud vitium tuum sit. Non vis enim, nisi Consul, aut Prytanes, aut Ceryx, aut Sufes administrare Rempublicam. Quid si militare nolis, nisi Imperator, aut Tribunus. Etiam si alii primam frontem tenebunt, te fors inter triarios posuit inde voce, adhortatione, exemplo, animo milita. Præcisus quoque manibus ille in prælio invenit, quod partibus conferat, qui stat tantum, & clamore juvat. Tale quiddam facies, si à prima te Reip. parte fortuna submoverit? Stes tamen, clamore juves. Nunquam inutilis est opera civis boni. Auditum enim, visum, vultum, nutum, obstinationem tacitam, incessumque ipso prodest. Ut salutaria quædam citra gustum, tactumque, odore proficiunt: ita virtus utilitatem etiam ex longinquo, & latens fundit, siue expatiatur & fruatur suo jure: siue precarios habet accessus, cogiturque vela contrahere; siue otiosa mutataque est, & angusto circumscripta, siue adaper-

ta:

ta: in quocunque habitu est, prodest. Quid tu, parum utile putas, exemplum bene quiescentis? Longè, inquam, optimum est miscere otium rebus, quoties actuosa vita impedimentis fortuitis aut civitatis conditione prohibetur. Nunquam enim usque eò interclusa sunt omnia, ut nulli actioni honestæ locus sit. Numquid potes invenire urbem miseriorem, quam Atheniensium fuit, cùm illam triginta Tyranni divellerent? Mille trecentos cives, optimum quemque occiderant: nec finem idèò faciebat; sed irritabat se ipsa sævitia. In quâ civitate erat Ariopagos, religiosissimum iudicium, in qua Senatus, populusque Senatui similis coibat quotidie carnicum triste collegium, & infœlix curia Tyrannis angusta. Poteratne illa civitas conquiescere. In qua tot Tyranni, quot satellites erant? Ne spes quidem ulla recipiendæ libertatis animis poterat offerri: nec ulli remedio locus apparebat, contra tantam vim malorum. Unda enim miseræ civitati tot Harmodios? Socrates tamen in medio erat, & lugentes patres consolabatur, & desperantes de Republica exhortabatur, & divitibus opes suas metuentibus exprobrabat seram periculosæ avaritiæ poenitentiam, & imitari volentibus magnum

circumferebat exemplar, cū inter triginta dominos liber incederet. Hunc tamen Athenæ ipsæ in carcere occiderunt: & qui tutò insultaverat agmini Tyrannorum, ejus libertatem libera Civitas non tulit: ut scias & in afflicta Rep. esse occasionem sapienti viro ad se profèrendum, & in florentiac beata, pecuniam, invidiam, mille alia vitia inermia regnare. Utcunque ergo se Resp. dabit, utcunque fortuna permittet, ita aut explicabimus nos, aut contraheamus: utique movebimus, nec alligati metu torpebimus. *Ibid.*

Quod ab una virtute fieri videtur, ab omnibus comprobatur. Ad Lucil.
EXVII.

Cū aliquis tormenta fortiter patitur, omnibus virtutibus utitur fortasse, cū una in promptu sit, & maximè appareat patientia. Cæterū illic est fortitudo, ejus patientia, & perpeffio, & tolerantia rami sunt. Illic est prudentia, sine qua nullum initur consiliū: quæ suadet, quod effugere non possis, quā fortissimè ferre. Illic est constantia, quæ deici loco non potest, & propositum nullā vi extorquente dimittit. Illic est individuus ille comita-

eus virtutum. Quicquid honestè fit, una virtus facit, sed de consilii sententia, quod autem ab omnibus comprobatur, etiamsi ab una fieri videatur, oprabile est. *Ibid.*

Non numerus militum, sed virtus hostem vincit. Multitudo non vires, sed pondus habet.

Cùm bellum Græciæ indiceret Xerxes, animum rumentem oblitumque, quam caducis consideret, nemo non impulit. Alius aiebat, non laturos nuncium belli, & ad primam adventus famam terga versuros: alius nihil esse dubii, quin illa mole non vinci solum Græcia, sed obrui posset; magis verendum, ne vacuas desertasque urbes invenirent, & profugis hostibus vastæ solitudines relinquerentur, non habituris, ubi tantas vires exercere possent. Alius illi vix rerum naturam sufficere, angusta esse classibus maria, militi castra explicandis equestribus copiis campestris, vix patere coelum satis ad emittenda omni manu tela. Cùm in hunc modum multa undique laetarentur, quæ hominem nimia æstimatione sui furentem concitarent, Demaratus Lacedæmonius solus dixit, ipsam illam, quæ sibi placeret, multitudinem, indige-

ftam & gravem, metuendam eſſe ducentis :
 non enim vires, ſed pondus habere : immo-
 dica nunquam regi poſſe, nec diu durare,
 quicquid regi non poteſt. In primo, inquit,
 ſtatim monte Lacones objecti dabunt tibi ſui
 experimentum. Tot iſta gentium millia tre-
 centi morabuntur, hærebunt in veſtigio fixi,
 & commiſſas ſibi anguſtias tuebuntur, &
 corporibus obſtruent. Tota illos Aſia non
 movebit loco. Tantaſ minas belli, & pe-
 nẽ totius generis humani ruentis impetum
 pauciſſimi ſuſtinebunt. Cũ te mutatis
 legibus ſuis natura tranſmiſerit, in ſemita
 hærebis, & æſtimabis futura damna,
 cũ putaveris quanti Thermopylarum an-
 guſta conſtiterint. Scies te fugari poſſe,
 cũ ſcieris poſſe retineri. Cedent quidem
 tibi pluribus locis velut torrentis modo ab-
 lati, cujus cum magno terrore magna vis
 deſluit : deinde hinc atque illinc coorien-
 tur, & tuis te viribus prement. Verum eſt,
 quod dicitur, majorem belli apparatus
 eſſe, quàm qui recipi ab his regionibus
 poſſit, quas oppugnare conſtituiſ. Sed
 hæc res contra nos eſt. Ob hoc ipſum te
 Græcia vincet, quia non capit. Uti te to-
 to non potes. Præterea, quæ una rebus
 ſalus eſt, occurrere ad primos rerum im-
 petus, & inclinatis opem ferre non poteris,
 nec.

nec fulcire ac firmare labantia. Multo ante vinceris, quàm victum esse te sentias. Cæterum non est quod exercitum tuum ob hoc sustineri non posse putes, quia numerus ejus duci quoque ignotus est. Nihil tam magnum est, quod perire non possit: cui nascitur in perniciem, ut alia quiescant, ex ipsa magnitudine sua, causa. Acciderunt, quæ Demaratus prædixerat. Divina atque humana impellentem, & mutantem, quicquid obstiterat, trecenti stare iusserunt: stratusque per totam passim Græciam Xerxes intellexit, quantum ab exercitu turba distaret. Itaque Xerxes pudore, quàm damno miserior Demerato gratias egit, & quòd solus sibi verum dixisset, permisit petere, quod vellet: petit ille, ut Sardes maximam Asiæ civitatem curru vectus intraret rectam capite tiaram gerens. Id solis datum Regibus. *De beneficiis Libr. VI. Cap. XXXI.*

DE
PECCATO,
VITIIS, CULPA,
CRIMINE, SCELERE,
FLAGITIIS.

Peccavimus omnes. De Clement. Lib.
I. Cap. VI.

Nemo nostrum sine culpa est. De tran.
Lib. II. Cap. XXVII.

Nemo sine crimine vivit.

Quotus quisque accusator vacat à culpa? Et nescio an nemo ad dandam veniam difficillior sit, quàm qui illam petere sæpius meruit. Peccavimus omnes: alii gravia, alii leviora, alii ex destinato, alii fortè impulsì aut alienâ nequitia ablati: alii in bonis consiliis parùm fortiter steterimus, & innocentiam inviti ac renitentes perdi-

perdidimus. Nec delinquimus tantum, sed usque ad extremum ævi delinquemus. Etiam si quis tam bene purgavit animum, ut nihil obturbare eum amplius possit ac fallere, ad innocentiam tamen peccando pervenit. *Ibid.*

Nulla ætas vacavit à culpa. Ad deteriora faciles sumus: quia nec dux potest, nec comes deesse: & res etiam ipsa sine ducē, sine comite procedit: non primum iter est tantum ad vitia, sed præcepta. Vitæ peccata delectant. Non gaudet navigio Gubernator everso, non gaudet ægro medicus elato, non gaudet orator, si patroni culpa reus cecidit: at contra, omnibus erimen suum voluptati est. Lætatur ille adulterio, in quod irritatus est in ipsa difficultate: lætatur ille circumscriptione furtoque: nec ante illi culpa, quam culpæ fortuna displicuit. *Ad Lucil. Epistol. XCVII.*

Omnes inconsulti & improvidi sumus, omnes incerti, queruli, ambitiosi. Quid levioribus verbis ulcus publicum abscondo? Omnes mali sumus. Quicquid itaque in alio reprehenditur, id unusquisque in suo sinu inveniet. Placidiores itaque invicem sumus. Malis inter malos vivimus. Una res nos facere potest quietos, mutuae felicitatis conventio. Ille mihi jam nocuit: ego illi nondum.

nondum. Sed jam aliquem fortasse non læsisti; sed lædes. Noli æstimari hanc horam, aut hunc diem: totum inspicere mentis tuæ habitum. Etiam si nihil mali fecisti, potes facere. *De tran. lib. III. Cap. XXVI, XXVII.*

Si volumus æqui omnium rerum iudices esse, hoc primum nobis suadeamus, Neminem nostrum esse sine culpa. Hinc maxima indignatio oritur. Nihil peccavi, nihil feci, imò nihil fateris. Indignamur aliquā admonitione aut coërcitione nos castigatos: cum illo ipso tempore peccemus, quo adijcimus malefactoris arrogantiam & contumaciam. Quis est iste, qui se proficitur omnibus legibus innocentem? *De tran. Lib. II. Cap. XXVII.*

Omnia sceleribus ac vitiis plena sunt.
De tran. Lib. II. Cap. VIII.

Quod momentum, quæso, est, quo non improbanda videamus? Quoties processerimus domo, per sceleratos nobis, avarosque, & prodigos, & impudentes, & ob ista sceleres, incedendum est. Nusquam oculi nostri flectentur, ut quod non indignantur, inveniant. Hæc tot millia ad Forum primâ luce properantia, quam turpes lites, quanto

quanto turpiores advocatos habent? Alius
 judicia patris accusat, quæ mereri satius
 fuit: alius cum matre confititur: alius dela-
 tor venit ejus criminis, ejus manifestior
 reus est, & iudex damnaturus, quæ fecit e-
 ligitur: & audientium corona pro mala
 causa, bona Patroni voce corrupta. Quid
 singula persequor? Cum videris Forum
 multitudine refertum, & septa concursu
 omnis frequentia plena, & illum circum,
 in quo maximam sui partem populus disten-
 dit: hoc scito, istis tantundem esse vitio-
 rum, quantum hominum. Inter istos,
 quos togatos vides, nulla pax est: alter in
 alterius exitum levi compendio ducitur;
 nec nisi ex alterius damno quaesitus est: for-
 licem oderunt, infelicem contemunt:
 majore gravantur, minori graves sunt: di-
 versis stimulantur cupiditatibus: omnia per-
 dita ob levem voluptatem praedamque cu-
 piunt. Non alia, quàm in ludo gladiato-
 rio vita est; cum iisdem viventium pugnā-
 tiūque. Perarum iste conventus est: ni-
 si quod illæ inter se plapidae sunt, morsu-
 que similitum abstinēt, hi nunquā lacerati-
 one satiantur. Hoc uno ab animalibus
 mutis differunt, quod illa mansuescunt a-
 lenribus, horum rabies ipsos, à quibus est
 nutrita, depascitur. Omnia sceleribus ac
 vitiis

vitis plena sunt. Plus committitur, quam quod coërcitione possit sanari. Certatur ingenti quodam nequitiae certamine: major quotidie peccandi cupiditas, minor verecundia est. Expulso melioris æquiorisque respectu, quocunque visum est, libido se impingit, nec furtiva jam scelera sunt, præter oculos eunt. Adeoque in publicum missa nequitia est, & in omnium pectoribus evaluit, ut innocentia non rara, sed nulla sit. Nunquid enim singuli, aut paucirupere legem? Undique velut signo dato, ad fas nefasque miscendum coorti sunt.

——— *Non hospes ab hospite tutus,
Non socer à genere: fratrum quoque gratia
rara est.*

*Imminet exitio vir conjugii; illa mariti.
Luxida terribiles miscent aconita novercæ.
Filius ante diem patrios inquirat in annos.*

Et quota pars ista scelerum est? Non descripsit castra ex una parte contraria, parentum liberorumque sacramenta diversa, subjectam patriæ civis manu flammam, & agmina infestorum equitum, ad conquiendas proscriptorum latebras, circumvolitantia, & violatos fontes venenis, & pestilentiam manufactam, & præductam obsessis paren-

parentibus fossam, plenos carceres & incendia totas urbes concremantia, dominationesque funestas, & regnorum publicorumque exitiorum clandestina consilia: & pro gloria habita, quæ quamdiu opprimi possunt, scelera sunt; raptus ac stupra, & ne os quidem libidini exceptum. Adde nunc publica perjurya gentium, & rupta fœdera, & in prædam validioris, quicquid non resistebat, abductum; circumscriptiones, furta, fraudes, inficiationes, quibus trina non sufficiunt Fora. (Scilicet, Romanum, Cæsaris, Augusti.) *Ibid.*

Everfi sunt ubique mores, regnat nequitia, in deterius res humanæ, & in omne nefas labuntur. Nunc in adulteria magis, quàm in alia peccatur, abrumpitque frænos pudicitia: nunc conviviorum viget furor, & foedissimum patrimoniorum exitium culina: nunc cultus corporum nimius, & formæ cura præ se ferens animi deformitatem: nunc in petulantiam & audaciam erumpit malè dispensata libertas: nunc in crudelitatem privatorum ac publicam itur, bellorumque civilium insaniam, quâ omne sanctum ac sacrum profanatur. Ebrietati habetur honos, & plurimum meri cepisse virtus est. Non expectant uno loco vitia: sed mobilia, & inter se differentia tumultuantur, pel-

F

lunt

lunt invicem, fuganturque. Hoc semper de nobis pronunciate debemus, Mali sumus, mali fuimus, mali futuri sumus. *De benefic. Libr. 1. Cap. X.*

Nulli scelerato non etiam inter tuta timor est. Ad Lucil. Epistol. XCVII. Sceleratis nunquam securitas contingit.

Securitatis magna portio est, nihil iniqui facere. Confusam vitam & perturbatam impotentes agunt: tantum metuunt, quantum nocent: nec ullo tempore vacant. Trepidant enim cum fecerunt, hærent, conscientia aliud agere non patitur, ac subinde respicere ad se cogit. Dat poenas, quisquis expectat: quisquis autem metuit, expectat. Tutum aliqua res in mala conscientia præstat, nulla securum. Putat enim se, etiamsi non deprehenditur, posse deprehendi: & inter somnos movetur, & quoties alicujus scelus loquitur, de suo cogitat. Non satis illi oblitteratum videtur, non satis tectum. Nocens habuit aliquando latendi fortunam, nunquam fiduciam. *Ad Lucil. Epist. CV.*

Tuta scelera esse possunt, secura non possunt. Prima enim & maxima peccantium est poena, peccasse. Nec ullum scelus, li-
cer

cet illud fortuna exornet muneribus suis,
 licet tueatur ac vindicet, impunitum est:
 quoniam sceleris in scelere supplicium est.
 Sed nihilominus, & hæc & illa secundæ pœ-
 næ premunt ac sequuntur: timere semper
 & expavescere & securitati diffidere. Mala
 facinora conscientia flagellantur, & pluri-
 mum illi tormentorum inest, eò quòd per-
 petuò illam sollicitudo urget ac verberat.
 Multos fortuna liberat pœnâ, metu nemi-
 nem. Quare? Quia infixæ nobis ejus aver-
 satio est, quam natura damnavit. Ideò
 nunquam fides latendi fit etiam latentibus:
 coarguit enim conscientia & ipsos sibi osten-
 dit. Proprium est autem nocentium trepi-
 dare. Malè de nobis actum erat, quod
 multa scelera legem & judicem effugiunt,
 & scripta supplicia: nisi illa naturalia &
 gravia de præsentibus solverent, & in lo-
 cum patientiæ timor cederet. *Ad Lucil.*
Epist. XCVII

D E CONVERSATIONE.

Tam bonorum, quàm malorum longa conversatio amorem inducit. De Tranquillit. anim. Cap. I.

Sumuntur à conversantibus mores. De Ir. Libr. III. Cap. VIII.

UT quædam incontactos corporis vitia transiliunt; ita animus mala sua proximis tradit. Ebriosus convictores in amorem vini traxit: impudicorum cœtus fortem quòque & filiceum virum emolliit: avaritia in proximos virus suum transtulit. Eadem ex diverso ratio virtutum est, ut omne, quod secum habent, mitigent. Nec tam valetudini profuit utilis regio & salubrius cœlum; quàm animis parùm firmis in turba meliorum versari. Quæ res, quantum possit, intelliges, si videris feras quòque convictu nostro mansuescere: nulloque immani bestię vim suam permanere, si hominis contubernium diu passa est. Retunditur

tunditur omnis asperitas, paulatimque inter placida dediscitur. *Ibid.*

Amicos, quantum fieri potest, à cupiditatibus vacuos eligamus. Serpunt enim vitia, & in proximum quémque transfiliunt, & contactu nocent. Itaque, ut in pestilentia cavendum, ne corruptis jam corporibus, & morbo flagrantibus, affideamus, quia pericula trahemus, afflatúque ipso laborabimus: ita in amicorum legendis animis operam dabimus, ut quàm minimè inquinatos assumamus. Initium morbi est ægris sana miscere. Nec hoc præceperim tibi, ut neminem nisi sapientem sequaris, aut attrahas. Ubi enim istum invenies, quem tot seculis quærimus? Pro optimo est minimè malus. *De Tranquillit. anim. Cap. VII.*

Inimica est multorum conversatio. Ad Lucil. Epist. VII.

Nemo non aliquod nobis vitium aut commendat, aut imprimit, aut nescientibus alijnt. Utique quo major est populus, cui commiscemur, hoc periculi plus est. Nihil est tam damnosum bonis moribus, quàm in aliquo spectaculo desidère. Tunc enim per voluptatem facilius vitia surrepunt. Subducendus populo est tener animus, &

parùm temax recti: facilè transitur ad plures. Socrati, Catoni & Lælio excutere mentem dissimilis multitudo potuisset: addè nemo nostrùm, qui cùm maximè concinnamus ingenium, ferre impetum viti-
orum tam magno comitatu venientium, potest. Unum exemplum aut luxuriæ, aut avaritiæ multum mali fecit: convictor delicatus paulatim enervat & emollit: vicinus dives cupiditatem irritat: malignus comes, quamvis candido & simplici rubiginem suam affricuit. Quid tu accidere his credis, in quos publicè factus est impet-
tus. Neceffe est, aut imiteris aut oderis. Utrumque autem devitandum est: ne vel similis malis fias, quia multi sunt: neve inimicus multis, quia dissimiles sunt. Recede in te ipsum, quantum potes. Cum his versare, qui te meliorem facturi sunt: illos admitte, quos tu potes facere meliores. Mureò ista fiunt, & homines, dum docent, discunt. *Ad Lucil. Ep. VII.*

*Animis parùm firmis in turba meliorum
versari profuit. De tran. Libr. III.
Cap. VIII. Animis dubiis & in pra-
vum inclinantibus bonorum virorum
conversatio utilis.*

Nulla res magis animis honesta induit,
dubiosque & in pravum inclinabiles revo-
cat ad rectum, quàm bonorum virorum
conversatio. Paulatim enim in pectora
descendit, & vim præceptorum obinet,
frequenter audiri, aspici frequenter. Oc-
cursus ipse Sapientum juvat: & est ali-
quid, quod ex magno viro, vel tacente
proficias. Nec tibi facile dixerim, quem-
admodum profit, sicut illud intelligam pro-
fuisse. Minuta quædam, ut ait Phædon a-
nimalia cum mordent, non sentiuntur: a-
dèd tenuis illis & fallens in periculum vis
est. Tumor indicat morsum, & in ipso
tumore nullum vulnus apparet. Idem tibi
in conversatione virorum Sapientium eve-
niet. Non deprehendes, quemadmodum
aut quando tibi profit, profuisse deprehen-
des. *Ad Lucil. Ep. XCIV.*

Eorum,

*Eorum, qui vitia gestant, sermo multum nocet. Ad Lucil. Ep. CXXIII.
Sermo improborum vitandus est. Ibid.*

Hi sunt, qui vitia tradunt, & aliò aliunde transferunt. Pessimum genus hominum videbatur, qui verba gestarent: sunt quidam, qui vitia gestant. Horum sermo multum nocet: nam etiamsi non statim officit. Sèmina in animo relinquit, sequiturque nos etiam cùm ab illis discesserimus, resurrecturum postea malum. Quenadmodum, qui audiverunt symphoniam, ferunt secum in auribus modulationem illam ac dulcedinem cantûs, quæ cogitationes impedit, nec ad seria patitur intendi: sic adulatorum & prava laudantium sermo diutius hæret, quàm auditur: nec facile est animo dulcem sonum excutere. Prosequitur & durat, & ex intervallo recurrit. Inde claudendæ sunt aures malis vocibus, & quidem primis. Nam cùm initium fecerunt, admissæque sunt, plus audent. *Ibid.*

D E A N I M O.

Magna & generosa res est humanus animus : nullos sibi nisi communes & cum Deo terminos patitur. Ad Lucil. Epistol. CII.

Primùm humilem non accipie patriam: Ephesum aut Alexandriam, aut si quod est etiamnum frequentius incolis, latius rectis solum. Illi patria est, quodcunque supra, & universa circuitu suo cingit: hoc si omne convexum, intra quod jacent maria cum terris, intra quod aër humanis divina secernens etiam conjungit: intra quod disposita tot numina in actus suos excubant. Deinde arctam ætatem sibi dari non finit. Omnes, inquit, anni mei sunt. Nullum seculum magnis ingenils clausum est: nullum non cogitationi pervium tempus. Cum venerit dies ille, qui mixtum hoc divini humanique secernat, corpus hoc, ubi inveni, relinquam: ipse me Deo reddam.

Nec

Nec nunc sine illo sum, sed gravi terreno-
 que detineor. Per has mortalis ævi moras,
 illi meliori vitæ longiorique proluditur.
 Quemadmodum novem mensibus nos te-
 net uterus maternus, & præparat non si-
 bi, sed illi loco, in quem videmur emitti,
 jam idonei spiritum trahere, & in aperto
 durare: si per hoc spatium, quod ab infan-
 tia patet in senecturem, in alium naturæ su-
 mimur partum. Alia origo nos expectat,
 alius rerum status. Nondum cœlum nisi
 ex intervallo pati possumus. Proinde in-
 trepidus illam horam decretoriam prospe-
 ce: non est animo suprema, sed corpori.
 Quicquid circa te jacet rerum, tanquam
 hospitalis loci sarcinas specta: transeun-
 dum est. Excutit redeuntem natura, sicut
 intransientem. Non licet plus efferre, quàm
 intuleris: imò etiam ex eo, quod in vitam
 attulisti, pars magna ponenda est. Detra-
 hetur tibi hæc circumjecta, novissimum ve-
 lamen tui, cutis, detrahetur caro, & sus-
 fusus sanguis discurrensque per totum: de-
 trahentur ossa nervique, firmamenta flui-
 dorum ac labentium. Dies iste, quem
 tanquam extremum reformidas, æterni
 natalis est. Depone onus, quid cuncta-
 ris, tanquam non prius quoque relicto, in
 quo latebas corpore exieris? Hæres & re-
 luctaris,

luctaris, tum quoque magno nisu matris
 expulsus es. Gemis, ploras, & hoc ipsum
 flere nascentis est. Sed tunc debebat
 ignosci. Rudis & impeirtus omnium vene-
 ras: ex maternorum viscerum calido mol-
 lique fomento emissum afflavit aura liberior.
 Deinde offendit duræ manûs tactus: te-
 nerque adhuc & nullius rei gnarus obstu-
 puisti inter ignota. Nunc tibi non est no-
 vum separari ab eo, cujus ante pars fueris:
 æquo animo jam membra supervacua di-
 mitte, & istud corpus inhabitatum diu po-
 ne. Scindetur, obruetur, abolebitur. Quid
 contristaris? Ita solet fieri. Pereunt sem-
 per velamenta nascentium. Quid ista sic
 diligis, quasi tua? Istis opertus es. Veniet,
 qui te revelet dies, & ex contubernio fœdi
 atque olidi ventris educat. Hinc nunc quo-
 que tu, quantum potes, subvola: utique
 etiam necessariis, quæ cohærebunt, alienus.
 Jam hinc altius aliquid, sublimiusque me-
 ditare. Aliquando naturæ tibi arcana rete-
 gentur, discutietur ista caligo, & lux undi-
 que clara percutiet. Imaginare tecum,
 quantus ille sit fulgor tot syderibus inter se
 lumen miscentibus. Nulla serenum umbra
 turbabit: æqualiter splendet omne cœli
 latus: dies & nox infimi aëris vices sunt.
 Tunc in tenebris, vixisse dices, cùm totam
 lucem

lucem totus aspexeris ; quam nunc per angustissimas oculorum vias obscurè intueris, & tamen admiraris tam procul. Quid tibi videbitur divina lux, eum illam suo loco videris ? Hæc cogitatio nihil sordidum animo subsidere finit, nihil humile, nihil crudele. Deum omnium rerum esse testem ait, illi nos approbari, illi in futurum parari jubet, & æternitatem proponere : quam qui mente concepit, nullos horret exercitus, non terretur tubâ, nullis ad timorem minis agitur. *Ad Lucil. Ep. CII.*

Animus est omnium dominus. Ad Lucil. Epistol. CIV.

Supra omnia est animus, nulli rei se submittit, nihil illi videtur grave, nihil asperum, quod virum incurvet.

Terribiles visu forma lætumque labesque.

Minimè quidem, si quis rectis oculis intueri illa possit, & tenebras percurrere. Multa per noctem habita terrori dies vertit ad risum.

Terri-

Terribiles visis forma letumque laborum.

*Egegit Virgilius noster. Non re: dixit
terribiles esse sed visu: id est, videri non
esse. Quid inquam, in istis est tam ter-
rendabile, quam fuma vulgare? Quid est,
obsecro, cur timeat laborem vir, mor-
tem homo? Toties mihi occurrunt isti,
qui non putant fieri posse, quicquid facere
non possunt, & aiunt nos loqui maiora,
quam quae natura humana sustineat. At
quanto ego de illis melius existimo? Ip-
si quoque haec possunt facere, sed nolunt.
Denique quem unquam ista destituere ten-
tarent? Cui non facillora apparere in
actu? Non quia difficilia sunt non aude-
mus: sed quia non audemus, difficilia sunt.
Si tamen exemplum desideratis, accipite
Socratem perperitum senem, per omnia
aspera iactatum; invictum tamen &
paupertate, quam graviores illi domestica
opera faciebant: & laboribus, quos mili-
tares quoque perculit, & quibus ille domi
exercebat. Sive uxorem eius spectes mori-
bus feram, lingua petulantem: sive liberos
indomiles, & avari quam patri familiares.
Sive ferè in bello, aut in tyrannide, aut in
libertate, bellis ac Tyrannis feriore. Vigin-*

ti & septem annis pugnatum est: post finita arma, triginta Tyrannis noxæ dedita est civitas, ex quibus plerique inimici erant. Novissima damnatio est, & religionum violatio, & juventutis corruptela, quam immittere in Deos; in Patres, in Remp. Scilicet est: post hæc carcer & vericulum. Hæc usque eò animum Socratis non moverunt, ut ne vultum quidem moverint. Illam mirabilem laudem & singularem usque ad extremum servavit: non hilariorem quisquam, non tristiorem Socratem vidit: æqualis fuit in tanta inæqualitate fortunæ.

Ad Lucil. Ep. CIV.

Indurandus est Animus, & à blandimentis voluptatum procul abstrahendus.

Ad Lucil. Ep. LI.

Una Hannibalem hyberna solverunt, & indomitum illum nivibus atque alpibus virum enervarunt fomenta Campaniæ. Armis vicit, vitiis victus est. Nobis quoque militandum est, & quidem genere militiæ, quo nunquam quies, nunquam otium datur. Debellandæ sunt imprimis voluptates, quæ, ut vides, sæva quoque ad se ingenia rapuerunt. Si quis sibi proposuerit, quantum operis aggressus sit, sci-

et

et nihil delicate, nihil molliter esse faciendum. Quid mihi cum istis calentibus stragis? Quid cum sudatoriis, in quæ siccus vapor corpora exhausturus. includitur? Omnis sudor per laborem exeat. Si faceremus, quod fecit Hannibal, ut interrupto cursu rerum, omissoque bello, fovendis corporibus operam daremus: nemo non intempestivam desidiam, victori quoque, nedum vincenti periculosam, merito reprehenderet. Minus nobis, quàm illis Punica signa sequentibus licet, plus periculi restat cedentibus, plus operis etiam perseverantibus. Fortuna mecum bella gerit, non sum imperata facturur. Jugum non recipio, imò quod maiore virtute faciendum est, excutio: non est emolliendus animus. Si voluptati cessero, cedendum est dolori, cedendum labori, cedendum est paupertati. Idem sibi in me juris esse volet & ambitio, & ira? Inter tot affectus distrahar, imò discerpar. Libertas proposita est: ad hoc præmiū laboratur. Quæ sit libertas, quæris? Nulli rei servire, nulli necessitati, nullis casibus: fortunam in æquum deducere. Quo die intellexero illam plus posse, nihil poterit. Ego illam animo forti feram: His cogitationibus intentum loca seria sanctæque eligere oportet.

ret. Effeminat animos antea nati iustitiae
nec dubie aliquid ad corrumpebendum vigor
rem potest regio. Quamlibet viam iustitiae
ta patiuntur; quorum durata in aspero con-
gula est: in molli palustrique pascuo fa-
ginata cito subteruntur. Est fortior miles
ex confragoso venit: segnis est urbanus
& verna. Nullum laborem recusant ma-
nus, quae ad arma ab aratro transferuntur:
in primo deficit pulvere: ille unctus & mol-
lidus. Severior loci disciplina firmat in-
genium, aptumque magnis conatibus red-
dit. *Ibid.*

*Animus labore die ac nocte exercendus
est: sic tamen, ut ei intervallum alibi
quod detur.*

Quicquid facies, cito redi à corpore ad
animum: illum diebus ac noctibus exerce.
Labore modico alitur ille. Hanc exerci-
tationem non frigus, non aestus impedit,
ne suspectus quidem. Id bonum cura, quod
veritate sit melius. Neque ego jubeo te
semper imminere libro, aut pugillaribus.
Dandum est aliquod intervallum animo:
ita tamen, ut non resolvatur, sed reman-
eat. *Ad Lucr. Ep. XV.*

Danda

*Danda est animis remissio, meliores acri-
oresque surgent.* De Tranquil. anim.
Cap. XV.

Ut fertilibus agris, non est imperandum:
cito enim exhauriet illos nunquam inter-
missa fecunditas: Ita animorum impetus,
afflictus labor frangit. Vires recipient
paululum resoluunt ac remissi. Nascitur ex
affiduitate laborum, animorum hebitatio
quædam & languor, nec ad hoc tanta homi-
num cupiditas tenderet, nisi naturalem
quandam voluptatem haberet lusus jocus-
que, quorum frequens usus omne animi pon-
dus, omnemque vim eripiet. Nam &
somens refectioni necessarius est; hunc ta-
men, si per diem noctemque continues,
mors erit. Multum interest, remittas ali-
quid an solvas. Legum conditores festos
instituerunt dies, ut ad hilaritatem homi-
nes publicè cogerentur, tanquam necessa-
rium laboribus interponentes temperamen-
tum. Et magni quidam viri menstruas si-
bi certis diebus ferias dabant; quidam nul-
lum non diem inter & orium & curas di-
videbant. Pollionem Asinium Oratorem
magnum nulla res ultra decimam retinuit:
ne Epistolas quidem post eam legebat, ne

quid novæ curæ nasceretur: sed totius diei lassitudinem duabus illis horis ponebat. Quidam medio die interjunxerunt, & in post meridianas horas aliquid levioris operæ distulerunt. Majores quoque nostri novam relationem post horam decimam in Senatu fieri vetabant. Miles vigilas dividit, & nox immunis est ab expeditione redeuntium. Indulgendum est animo, dandūque subinde otium, quod alimentum ac virium loco sit: & in ambulationibus apertis vagandum, ut cælo libero, & multo spiritu augeat astollatque se animus. Aliquando vectatio, iterque & mutata regio vigorem dabunt, convictusque, & liberalior potio. Eluit enim curas, & ab imo animum movet: & ut morbis quibusdam, ita tristitiæ medetur. *Ibid.*

Animus facit Nobilem. Ad Lucil. Ep. XLIV.

Plato ait, Neminem Regem non ex Servis esse oriundum, neminem non Servum ex Regibus. Omnia ista longa varietas miscuit, & sursum deorsum fortuna versavit. Quis ergo Generosus? Ad virtutem bene à natura compositus. Hoc unum est intuemdam. Alioqui si ad vetera revocas,

revocas, nemo non inde est, ante quod nihil est. A primo mundi ortu usque in hoc tempus perduxit nos ex splendidis sordidisque alternata series. Non facit nobilem atrium plenum fumosis imaginibus. Nemo in nostram gloriam vivit: nec quod ante nos fuit, nostrum est. Animus facit nobilem: cui ex quacunque conditione supra fortunam licet surgere. *Ibid.*

Animum mutare debes non coelum; si tristitiam gravitatemque mentis discutere voles.

Admiraris quasi rem novam, quod peregrinatione tam longâ, & tot locorum varietatibus non discussisti tristitiam gravitatemque mentis. Animum mutare debes non coelum. Licet vastum trajeceris mare, licet (ut ait Virgilius) terraeque urbesque recedant: sequentur te, quocunque perveneris, vitia. Hoc idem cuidam quzerenti Socrates ait: Quid miraris nihil tibi peregrinationes prodesse, cum te circumferas? Premit te eadem causa, quae expulit. Quid terrarum juvare novitas potest? Quid cognitio urbium aut locorum? In irritum cedit ista iactatio. Quare, quare te fuga ista non adjuvet?

adjuvet? Tecum fugis. Omnis animi depohendum est. Non ante tibi ullus placebit locus. Talem nunc esse habitum tuum cogita, qualem Virgilius noster Vatis inducit, jam concitatae & instigatae, multumque habentis in se spiritus non fuit.

*Bacchatur Vates magnitudo si pectore possit
Excussisse Deum.* —

Vadis huc, & illuc, ut exortas insidens pondus, quod ipsa fluctatione incommodius sit. Sicut in navi onera immota minus urgent: inæqualiter convoluta citius eam partem, in quam incubuere, demergunt. Quicquid facis, contra te facis, & mori ipso nocet tibi. Aegrum enim concutis. At cum istud exemeris malum, omnis mutatio loci jucunda fiet. In ulnas expellaris terras licebit, in quolibet Barbariae angulo colloceris, hospitalis tibi illa, quascunque sedes erit. *Ad Lucil. Epist. LXXVII.*

*Animus etiam in privato laere explicare
se potest, non solum in Republica. De
Fran. anim. Cap. III.*

Habet, ubi se etiam in privato laere explicet.

plicet inagis animus. Nec ut Leonum
 animaliumque imperus caveis coercetur,
 sic hominum, quorum maximè in seductu
 actiones sunt. Ita tamen delinquerit, ut
 ubicunque orationem suam absconderit, pro-
 desse velit & singulis & universis ingenio,
 voce, consilio. Nec enim is solus Reip.
 prodest, qui candidator extrahit, & tunc
 reus, & de pace belloque censet: sed
 qui juventutem exhortatur, qui in tanta ho-
 morum præceptorum inopia, virtute instru-
 it animos; qui ad pecuniam luxuriamque
 cursucentes prensat ac retrahit, & si ni-
 hil aliud, certe moratur, in privato pub-
 licum negotium agit. An ille plus præ-
 stat, qui inter peregrinos & cives, aut ur-
 banis Prætor adjuvantibus. Assessoris verba
 promittit, quam qui docet, quid sit ius-
 titia, quid pietas, quid patientia, quid
 fortitudo, quid mortis contemptus, quan-
 tum bonum sit conscientia? Ergo si tem-
 poris studia confectas, quod subduxeris of-
 ficiis, non deserueris, nec minus detracta-
 veris. Neque enim is solus militat, qui
 in acie stat, & cornu dexteram lævamque
 defendit: sed & qui portas tuetur, & sta-
 tione minùs periculosâ, non otiosâ tamen
 fungitur, vigiliasque servat, & armamen-
 tario præest. Quæ ministeria, quamvis
 incru-

incruenta sint, in numerum stipendiorum
veniunt. *Ibid.*

*Magni animi est magna contemnere, ac
mediocria malle, quàm nimia. Ad
Lucil. Ep. XXXIX.*

Mediocria enim utilia vitaliaque sunt: at
nimia, eò quòd superfluum, nocent. Sic
segetem nimia sternit ubertas: sic rami o-
nere franguntur: sic ad maturitatem non
pervenit nimia fecunditas. Idem animis
quoque evenit, quos immoderata sollicitas
rumpit: quàm non tantùm in aliorum ini-
uriam, sed etiam in suam utuntur. *Ibid.*

*Animus etiam inter superantia invictus
est. De Benefic. Libr. V. Cap. III.*

Virtus ac bona voluntas omnibus hoc
præstat, ne unquam vincantur. Idem ne-
mo trecentos Fabios victos dicit, sed non
cisos. Et Regulus captus, est à Pœnis, non
victus: & quisquis alius sævienti fortu-
næ vi ac pondere oppressus non submittit
animum. *Ibid.*

Quod

*Quodcunque animus sibi imperavit, ob-
tinuit. De tran. Libr. II. Cap. XII.*

Quidam, ne unquam riderent, conse-
cuti sunt, vix quidam, alii Venere, qui-
dam omni humore interdixere corporibus.
Alius contentus brevi somno, vigiliam in-
defatigabilem extendit: didicerunt alii te-
nuissimis & adversis funibus currere, &
ingentia, vixque humanis toleranda viribus
onera, portare, & in immensam altitudi-
nem mergi, ac sine ulla respirandi vice per-
peti maria. Mille sunt alia, in quibus
perstentia impedimentum omne transcen-
dit, ostenditque nihil esse, cuius sibi ipsa
mens patientia interdiceret. *Ibid.*

D E

I N G E N I O.

*Ingenia quò illustriora, eò breviora sunt.**Ad Marc. Cap. XXIII.**Ingenia præcoxia rariò vivaciora.*

Quid tu, Marcia, cum videras tantam
in juvene prudentiam, victorem om-
nium voluptatum animum, emendatum,
carentem vicio, divitiis sine avaritia, ho-
nores sine ambitione, volupantes sine luxu-
ria appetentem, diu tibi putabas illum so-
spitem posse contingere. Quicquid ad
summum pervenit, ad exitum properat.
Eripit se aufertque ex oculis perfecta vir-
tus: nec ultimum tempus expectant, quæ
in primo maturuerunt. Ignis, quo clarius
fulsit, citius extinguitur: vivacior est, qui
cum lentâ difficilique materiâ commissus,
fumoque demersus, ex sordido lucet. Ea-
dem enim detinet causa, quæ malignè a-
lit. Sic ingenia, quò illustriora, brevio-
ra sunt. Nam ubi incremento locus non
est,

est, vicinus occasus est. Fabianus ait, quod nostri quoque parentes vidēre puerum Romæ fuisse staturā ingentis viri : sed hic citō decessit, & moriturum brevi nemo non prudens dixit. Non poterat enim ad illam ætatem pervenire, quam præceperat. Ita est indicium imminētis exitiū maturitas, & appetit finis, ubi incrementa consumpta sunt. *Ibid.*

D E

C O R P O R E.

Corpori tantum indulgeas, quantum bona valetudini sat est. Ad Lucii Ep. VIII.

Dilruius tractandum corpus est, ne animo male pareat : cibus famem sedet : potio sitim exstinguat, vestis arceat frigus, domus munimentum sit adversus infesta corpori. Hanc utrum cespes erexerit, an varius lapis gentis alienæ, nihil interest : scito hominem tam bene culmo, quàm auro tegi. Contemne omnia, quæ supervacuis
H labor

labor velut ornamentum ac decus ponit.
Cogita in te præter animum nihil esse mi-
rabile: cui magno nihil magnum est. *I-
bid.*

*Corpori indulgendum, non serviendum
est. Ad Lucil. Ep. XIV.*

Multis serviet, qui corpori servit, qui pro
illo nimium timet, qui ad illud omnia refert.
Sic gerere nos debemus, non tanquam
propter corpus vivere debeamus, sed tan-
quam non possimus sine corpore. Hujus
nos nimius amor timoribus inquietat, soli-
citudinibus onerat, contumeliis objicit.
Honestum ei vile est, cui corpus nimis ca-
rum est. Agatur ejus diligentissime cura:
ita tamen, ut cum exigit ratio, cum di-
gnitas, cum fides, mittendum in ignem
sit. Nihilominus quantum possumus, e-
vitemus incommoda quoque, non tantum
pericula: & in tutum nos reducamus, ex-
cogitantes subinde, quibus possint ea, quæ
timentur, depelli. *Ibid.*

Multis

*Multi nos exagitat corpus hoc nostrum
incommodis.*

Non videmus, quàm multa nos incommoda exagitant, quàm malè nobis conveniat corpus? In hoc supplicia, in hoc latrocinia, in hoc morbi exercentur. Nunc de ventre, nunc de capite, nunc de pectore ac faucibus querimus: aliàs nervi nos, aliàs pedes vexant: nunc dejectio, nunc destillatio: aliquando superest sanguis, aliquando deest: hinc atque illinc tentamur & expellimur. *Ad Lucil. Ep. CXX
Ad Helviam. Cap. XI.*

DE

VOLUPTATE.

Periculosa voluptatis possessio est.

HI, qui se voluptati tradidère, non ipsi voluptatem, sed ipsos voluptas habet: cujus aut inopiâ torquentur aut copiâ strangulantur. Miseri, si deseruntur ab

illa, miseriae si obtrahuntur. Sicut de-
 prehensi in mari Syrtico, modo in sicco
 relinquuntur, modo torrente unda fluctu-
 antur. Evenit autem hoc nimia intempe-
 rantia, & amore cæco rei. Nam mala
 pro bonis petenti periculosum est assequi.
 Ut feras cum labore periculoque venantur,
 & captarum quoque illarum sollicita pos-
 sessio est: sæpe enim laniant dominos:
 ita habentes magnas voluptates, in ma-
 gnum malum evasere, captaeque cepere.
 Quæ quod plures majoresque sunt, eo ille
 minor ac plurium servus est, quem fœli-
 cem vulgus appellat. Permanere libet in
 hac etiam hujus rei imagine. Quem-
 admodum, qui bestiarum cubilia indagar,
 & laqueo captare feras magno æstimat,
 & magnos canibus circumdare saltus, ut
 illarum vestigia prethet, potiora deserit,
 multisque officiis renunciat: ita qui se-
 ctatur voluptatem, omnia postponit: & pri-
 mam libertatem negligit, ac pro ventre
 dependit: nec voluptates sibi emit, sed
 se voluptatibus vendit. *De vit. hom. Cap.*
III.

Adhortatio contra voluptates.

Dimitte voluptates turbidas magno ludentes. Non venturæ tantum, sed præteritæ nocent. Quemadmodum scelera etiam si non sint deprehensa, cum fierent, sollicitudo non cum ipsis abit : ita improbarum voluptatum, etiam post ipsas poenitentia est. Non sunt solidæ, non sunt fideles. Etiam si non nocent, fugiunt. *Ad Lucil. Ep. XXVII.*

D E

L U X U R I A.

Luxuria scenam desiderat. Ad Lucil. Ep. XCIV.

Luxuria ubi testis & spectator abscessit, subsidit, cujus monstrari & conspici fructus est. Quis eam, quam nulli ostenderet, induit purpuram? Quis posuit secretam in auro dapem? Quis sub alicujus rusticæ arboris projectus luxuriæ suæ pom-

partibus explicuit? Nemo oculis suis laus
 us est, ne paucorum quidem & familia-
 rium, sed apparatus vitiorum pro modo
 verba spectantis expandit. Itaque irrita-
 mentum est omnium, in quæ insanimus,
 admirator & conscius. *Ibid*

Reprehensio Luxuriæ

Nunc vobiscum loquor, quorum æquè
 spatiose luxuria, quàm aliorum avaritia
 diffunditur. Vobis dico, quousque mul-
 tus erit lacus, cui non villarum vestrarum
 fastigia immineant? Nullum flumen, cu-
 jus non ripas ædificia vestra prætexant?
 Ubique scatebunt aquarum calentium
 venæ, ibi nova diversoria luxuriæ excita-
 buntur. Ubique in aliquem sinum lit-
 tus curvabitur, vos protinus fundamenta
 jacies, nec contenti solo, nisi quod ma-
 nu feceritis, maria ageris introrsus. O-
 mnibus licet locis recta vestra splendeant, ali-
 cubi imposita montibus, in vastum terra-
 rum marisque prospectum, alicubi ex pla-
 no in altitudinem montium educta, cum
 multa ædificaveritis, cum ingenta, ramens
 & singula corpora estis, & parvula. Quid
 profunt multa cubicula? In uno jacetis.
 Non est vestrum ubicunque non estis.

Ad

Ad vos deinde transeo, quorum profunda
& insatiabilis gula, hinc maria scrutatur,
hinc terras. Alia hamis, alia laqueis, alia
retium variis generibus cum magno la-
bore persequitur: nullis animalibus, nisi
ex fastidio pax est. Quantum enim ex
istis epulis, quæ per tot comparatis manus,
fesso voluptatibus ore libatis? Quantum
ex ista fera periculose capta, dominus cru-
dit ac nauseans gustat? Quantum ex tot
conchyliis tam longe advectis, per istum,
stomachum inexplibilem labitur? Infœli-
ces etiam, quod non intelligitis: vos ma-
jorem famem habere, quam venirem. *Ad*
Lucil. Ep. LXXXII.

Ubi luxuriam late sollicitas fudit, cultus
primùm corporum esse diligentior incipit;
deinde suppellectili laboratur; deinde in ip-
sas domos impenditur cura, ut in dardatam
ruris excurrant, ut parietes advectis trans
maris marmoribus fulgeant, ut tecta va-
rientur auro, ut lacunaribus pavimentorum
respondeat nitor; deinde ad cœnas lautitia
transfertur; & illie commendatio ex novi-
tate & soliti ordinis commutatione captatur.
Istæ ea, quæ claudere cœnam solent, prima
ponantur, ut quæ ad clientibus dabantur,
excunibus dentur. *Ad Lucil. Ep. CXL.*

D E L I B I D I N E.

*Nulli turpius occupati sunt, quàm qui
nulli rei; nisi vino ac libidini va-
cant.* De brevit. vit. Cap. VI.

CÆteri etiam si vanæ gloriæ imagine te-
neantur, speciosè tamen errant. Li-
cet avaros mihi, licet vel iracundos enu-
meres, vel odia exercentes injusta, vel bel-
la: omnes isti viriliùs peccant. In venerem
ac libidinem projectorum inhonesta labes
est. Omnia istorum tempora excute. As-
pice quamdiu computent, quamdiu insi-
dientur, quamdiu timeant, quamdiu co-
lant, quamdiu colentur, quantum vadi-
monia sua atque aliena occupent, quantum
convivia, quæ jam ipsa officia sunt: vide-
bis, quemadmodum illos respirare non si-
nant, vel mala sua vel bona. Denique in-
ter omnes convenit nullam rem bene exer-
geri posse ad homine occupato libidine:
quando

quando adstrictus animus nihil altius recipit, sed omnia velut inculcata respuit.

Ibid.

DE

AMBITIONE.

Ambitio insatiabilis est.

Ambitio non patitur quenquam in ea mensura honorum conulescere, quæ quondam ejus fuit impudens votum. Nemo agit de Tribunatu gratias, sed queritur, quod non est ad præturam usque perductus: nec hæc grata est, si deest consularis. Ne hic quidem satiat, si unus est. Nunquam improbat spei, quod datur, satis est. Eo majora cupimus, quod majora venerunt. Cneus Lentulus Augur, cum omnia incrementa sua D. Augusto deberet, ad quem attulerat paupertatem, sub honore nobilitatis laborantem, Princeps jam civitatis & pecunia & gratia subinde Augusto solebat queri dicens, A studiis se abductum. Nil tantum in se congestum esse.

esse, quantum perdidisset, relicta eloquen-
tia. At illi inter alia hoc quoque Divus
Augustus præstiterat, quod illum desesu
ac labore irritò liberaverat. Non patitur
aviditas quenquam esse gratum. *De bene-
fic. Libr. II. Cap. XXVII.*

A V A R I T I A.

*Nulla avaritia sine pœna est, quoniam
satis sit ipsa pœnarum.* Ad Lucil. Ep.
CXV.

Quam lachrymarum, ô quantum
laborum avaritia exigit! Quam mi-
sera desideratis, quam misera partis est!
Adjice quotidianas sollicitudines, quæ pro
modo habendi quemque discruciant. Ma-
jore tormento pecunia possidetur, quam
quæritur. Quantum damnis ingemiscunt,
quæ & magna incidunt, & majora viden-
tur. Denique ut nihil illis fortuna detrahat,
quicquid non acquiritur, damnum est.
At foelicem illum homines & divitem vo-
cant

cant, & consequi oprant, quantum ille possidet. Fateor. Quid ergo? Tu illos esse conditionis peioris existimas, quàm qui habent & miseriam & invidiam? Utinam qui divitias appetituri essent, cum divitibus deliberarent! Utinam honores petituri cum ambiriosis & summum adeptis dignitatis statum! Profectò vota mutarent: cum interim nova suscipiunt, qui priora damnaverant. Nemo enim est, cui foelicitas sua etiamsi cursu venit, satisfaciat. Queruntur & de consiliis & de processibus suis: maluntque semper, quæ reliquerunt. *Ibid.*

Reprehensio Avaritiæ.

Quid agis avaritia? Nunc volo opes tuas cognoscere, laminas utriusque materiæ, ad quas cupiditas nostra caligat. At terra certè, quæ quicquid utile futurum nobis erat, protulit, aurum argentumque defodit & merfit, & ut noxiis rebus, ac malignorum in medium prodituris, toto pondere incubuit. Video ferrum ex iisdem tenebris esse prolatum, quibus aurum & argentum: ne aut instrumentum, in cædes mutuas deesset, aut pretium. Et adhuc ista aliquam materiam habent: est in quo errorem

errorem oculorum animus subsequi possit. Video istud & diplomata & syngraphas, & cautiones vacua habendi simulachra, umbras quasdam avaritiæ laborantis, per quas decipiant animum, inanium opinione gaudentem. Quid enim ista sunt? Quid fœnus & Calendarium, & usura, nisi humanæ cupiditatis extra naturam quæsitâ nomina? Possum de rerum natura queri, quod aurum argentumque non interius absconderit, quod non illis majus, quam quod detrahi posset, pondus injecerit. Quid sunt istæ tabulæ, quid computationes, & venale tempus, & sanguinolentæ centesimæ? Voluntaria mala ex constitutione nostra pendentia, in quibus nihil est, quod subijci oculis, quod teneri manu possit, inanis avaritiæ somnia. O miserum, si quem delectat sui patrimonii liber magnus, & vasta spatia terrarum colenda per vinctos, & immensi greges pecorum per provincias, ac regna pascendi, & familia bellicosarum nationibus major, & ædificia privata laxitatem urbium magnarum vincentia. Cum bene ista, per quæ divitias disposuit ac fudit, circumspexerit, superbumque se fecerit, si quicquid habet, ei, quod cupit, compareret, pauper est, *De beneficiis Labr.*
VII. Cap. X.

Aurum

Aurum quidem & argentum & propter ista nunquam pacem agens ferrum, quasi malè nobis committerentur, natura abscondit, nos in lucem, propter quæ pugnaremus, extulimus: nos & causas periculorum nostrorum & instrumenta, disiecto terrarum pondere, eruimus: nos fortunæ mala nostra tradidimus, nec erubescimus summa apud nos haberi, quæ fuerant ima terrarum. Vis scire, quàm falsus oculos tuos decipit fulgor? Nihil est istis, quamdiumersa & involuta cœno suo jacent, fœdus, nihil obscurius. Quidni? Quando per longissimorum cuniculorum tenebras extrahuntur, nihil est illis, dum fiunt, & à facie sua separantur, informis. Denique ipsos opifices intueri, per quorum manus, sterile terræ genus, & informe per-purgatur, videbis quantâ fuligine oblinantur. Atqui ista magis inquinant animos, quàm corpora, & in possessore eorum, quàm in-artifice, plus est sordium. *Ibid.*

D E
P E C U N I A,
P A T R I M O N I I S,
D I V I T I I S,
O P I B U S, &c.

Pecunia multorum malorum causa est.

De Ira, Libr. III. Cap. XXXII.

HÆc Fora defatigat, patres liberosque committit, venena miscet, gladios tam percussoribus, quàm legionibus, tradit. Hæc est sanguine nostro delibuta. Propter hanc, uxorum maritorumque noctes strepunt litibus, & tribunalia magistratuum premit turba: Reges sæviunt rapiuntque, & civitates longo seculorum labore constructas everrunt, ut aurum argentumque in cinere urbium scrutentur. Libet intueri fiscos in angulo jacentes. Hi sunt propter quos

quos oculi clamore exprimuntur: fremitu
 judiciorum Basilicæ resonant: evocati ex
 longinquis regionibus iudices sedent judica-
 turi, utrius justior avaritia sit. Quid si ne
 propter fiscum quidem, sed pugnam æris,
 aut imputatum à servo denarium, senex
 sine hærede moriturus stomacho dirumpi-
 tur? Quid si propter usuram valerudina-
 rius fornerator distortis pedibus & manibus
 ad computandum modò relictis, clamat,
 ac per vadimonia asses suos in ipsis morbi
 accessionibus vendicat? Si totam mihi ex
 omnibus metallis, quæ cum maximè de-
 promimus, pecuniam proferas, si in medi-
 um projicias, quicquid thesauri tegunt, a-
 varitiâ iterum sub terras referente, quæ
 malè egresserat, omnem istam congeriem
 dignam non putem, quæ frontem viri bo-
 ni contrahat. *Ibid. Cap. XXXII, XXXIII.*

*Neminem pecunia divitem fecit: imò
 contrà nulli non majorem sui cupidita-
 tem incussit. Ad Lucil. Ep. CXIX.*

Quæris, quæ sit hujus rei causa? Plus
 incipit habere posse, qui plus habet. Ad
 summam, quem voles mihi, ex his, quo-
 rum nomina cum Crasso Licinoque nume-
 rantur, in medium licet protrahas: afferat
 I 2 censum,

centum, & quicquid habet, & quicquid sperat, simul computes, iste, si mihi credis, pauper est, si tibi, potest esse. At hic, qui se ad id, quod natura exigit, composuit, non tantum extra sensum est paupertatis; sed extra metum. Sed ut scias, quam difficilis sit res suas ad naturalem modum coarctare, hic ipse, quem tu vocas pauperem, habet aliquid & supervacui. *Ibid.*

Optimus pecunie modus est, qui nec in pauperem cadit, nec procul à paupertate discedit. De Tranquil. anim. Cap. VIII.

Patrimonia, quæ angusta sunt, minus nos ad injurias fortunæ exponunt. Habiliora sunt corpora pusilla, quæ in arma sua contrahi possunt, quàm quæ superfundantur, & undique magnitudo sua vulneribus objecit. Optimus pecunie modus est, qui nec in pauperem cadit, nec procul à paupertate discedit. Placebit autem hæc nobis mensura, si prius parsimonia placuerit: sine quâ nec ullæ opes sufficiunt, nec ullæ non satis patent: præsertim cum in vicino remedium sit, & possit ipsa paupertas in divitias se, advocatâ frugalitate, con-

convertere. Affueſcamus à nobis remove-
re pompam, & uſu rerum ornamenta metiri.
Cibus famem domet, potio ſitim. Diſca-
mus membris noſtris inniti: cultum vi-
ctumque non ad nova exempla componere,
ſed ut majorum ſuadent mores. Diſca-
mus continentiam augere, luxuriam coër-
cere, gulam temperare, iracundiam lenire,
paupertatem æquis oculis aſpicere, fruga-
litate colere, etiamſi nos pudebit deſide-
riis naturalibus parvo parata remedia adhi-
bere: ſpes effrœnatas, & animum in futu-
ra eminentem velut ſub vinculis habere,
id agere, ut divitias à nobis potius, quàm
à fortuna petamus. *Ibid. Cap. VIII. & IX.*

*Patrimonia ſunt maxima humanarum
ærummarum materia. De Tranquil.
animi. Cap. VIII.*

Si omnia alia, quibus angimur, compa-
res, mortes, ægrorations, metus, deſi-
deria, dolorum laborumque patientiam,
cum iis, quæ mala pecunia noſtra exhibet:
hæc pars multum prægravabit. Itaque
cogitandum eſt, quanto levior dolor ſit,
non habere, quàm perdere: & intellige-
mus paupertati eò minorem tormentorum,
quò minorem damnorum eſſe materiam.

Erras enim, si putas animosius divites de-
trimenta ferre. Maximis minimisque cor-
poribus par est dolor vulneris. Bion ele-
ganter ait, *Non minus molestum esse calviti,*
quàm comati pilos velli. Idem scias, li-
cet de pauperibus locupleribusque par
illis esse tormentum: Utrisque enim pecu-
nia sua obhæsit, nec sine sensu à velli potest.
Tolerabilius autem est, ut dixi, facilius-
que non acquirere, quàm amittere. Ideo-
que lætiores videbimus, quos nunquam
fortuna respexit, quàm quos deseruit. *I-
bid.*

Divitiæ instabiles ac incertæ sunt.

Omnia ista, quæ vos tumidos & supra
humana elatos oblivisci cogunt vestræ fra-
gilitatis; quæ ferreis claustris custoditis
armati, quæ ex alieno sanguine rapta ve-
stro defenditis, propter quæ classes cruen-
taturas maria deducitis: propter quæ quas-
satis urbes, ignari quantum telorum in
adversos fortuna comparet: propter quæ
ruptis toties affinitatis, ethnicæ, collegii
fœderibus, inter contententes duos terra-
rum orbis elisus est, non sunt vestra. In-
depositi causa sunt, jam jamque ad aliū
dominum spectantia, aut hostis illa, aut
hostilis

Hostilis animi successor invadet. *De benef. Libr. VI. Cap. III.*

Vis divitiarum splendorem contemnere? Exitum specta. Attalum memini, cum magna admiratione omnium hæc dicere: Diu mihi, inquit, imposuere divitiarum. Stupebam, ubi aliquid ex illis alio atque alio loco fulserat: existimabam similia esse, quæ laterent, his, quæ ostenderentur. Sed in quodam apparatu vidi totas opes urbis, castas ex auro & argento, & his quæ pretium auri argentique vicerunt, exquisitos colores, & vestes ultra non tantum nostrum, sed ultra finem hostium advectas. Hinc puerorum perspicuos cultus atque formâ greges, hinc feminarum, & alia, quæ res suas recognoscens summi imperii fortuna protulerat. Quid hoc est, inquam, aliud, quam irritare cupiditates hominum per se incitatas? Quid tibi vult ista pecuniæ pompa? Ad discendam avaritiam convenimus. At certe minus cupiditatis istinc efferro, quam attuleram. Contempsi divitias non quia supervacuas, sed quia pusillæ sunt. Videffine, quam intra paucas horas ille ordo, quamvis lenius dispositusque transferit? Hoc totam vitam nostram occupabit, quod totum diem occupare non potuit? Accessit illud quoque. Tam supervacuas

pervacuæ mihi visæ sunt habentibus, quàm fuerant spectantibus. Hoc iraque ipsi mihi dico, quoties tale aliquid præstrinxerit oculos meos, quoties occurrit domus splendida, cohors culta servorum, lectica formosis imposita calonibus: Quid miraris? Quid stupes? Pompa est. Ostenduntur istæ res, non possidentur, & dum placent, transeunt. *Ad Lucil. Ep. CX.*

Divitiæ apud Sapientem in servitute sunt, apud stultum in imperio. De Vit. beat. Cap. XXVI.

Sapiens divitiis nihil permittit: vobis divitiæ omnia. Vos, tanquam aliquis vobis æternam possessionem earum promiserit, affuescitis illis & cohæretis: sapiens tunc maximè paupertatem meditatur, cum in mediis divitiis constitit. Nunquam Imperator ita paci credit, ut non se præparet bello, quod etiamsi non geritur, indictum est. Vos domus formosa, tanquam nec ardere, nec ruere possit, insolenter vos opes, tanquam periculum omne transcendere, majoresque sint, quàm quibus consumendis satis virium habeat fortuna, obstupefaciunt. Otiosi divitiis luditis, nec providetis illarum periculum. Sicut Barbari

bari plerumque inclusi & ignari machinarum, segnes laborem obsidentium spectant, nec quod illa pertineant, quæ ex longinquo instruuntur, intelligunt. Idem vobis evenit. Marceitis in vestris rebus: nec cogitatis quor casus undique immineant, jam jamque pretiosa spolia laturi. Sapienti quisquis abstulerit divitias, omnia illi sua relinquet: vivit enim presentibus lætus, futuri securus. *Ibid.*

Nemo istorum, quos divitiæ honoresque in altiori fastigio posuim, magnus est, sed videamr. Ad Lucil. Ep. LXXVI.

Non est magnus pumilio, licet in monte constiterit: Colossus magnitudinem suam servabit, etiamsi in puteo steterit. Hoc laboramus errore: sic nobis imponitur, quod neminem æstimamus eo, quo est, sed adjicimus illi, & ea, quibus adornatus est. Atqui, cum voles veram hominis æstimationem intrare, & scire, qualis sit, nudum inspicere. Ponat patrimonium, ponat honores, & alia fortunæ mendacia: corpus ipsum exuat: animum ipsum intueri, qualis quantusque sit, alieno an suo magnus. Si erectis oculis gladios micantes vider, & si ser suâ nihil interesse, utrum anima

anima per os, an per jugulum exeat: Si eum illi denunciata sunt corporis tormenta, & quæ casu veniunt, & quæ potenti-
oris injuriâ, si vincula, & exilia, & vanas
hominum formidines mentium securus ac
intrepidus audit, beatum voca. *Ibid.*

Ne invidemus altiùs stantibus. De
Tranquil. anim. Cap. X.

Quæ excelsa videntur, prærupta sunt.
Illi rursus, quos sors iniqua in ancipiti po-
suit, tutiores erunt superbiam detrahendo
rebus per se superbis, & fortunam suam,
quàm maximè poterunt, in planum defe-
rendo. Multi quidem sunt, quibus neces-
sariò hærendum sit in fastigio suo, ex quo
non possunt, nisi cadendo descendere: sed
hoc ipso testantur, maximum onus suum
esse, quòd aliis graves esse cogantur, nec
sublevatos se, sed suffixos: justitiâ, man-
suetudine, humanâ lege & benignâ manu
præparent multa ad sequentes casus præfi-
dia, quorum spe securius pendeant. Nihil
tamen æquè hos ab his animi fluctibus vin-
dicaverit, quàm semper aliquem incre-
mentis terminum figere, nec fortunæ ar-
bitrium definendi dare, sed seiplos multo
quidem citra extrema, horrentur confi-
stere.

stere. Sic & aliquæ cupiditates acuent animum, sed finitæ: non in immensum incertumque producent. *Ibid.*

D E
P A U P E R E
E T
P A U P E R T A T E.

Si ad naturam vixeris, nunquam eris pauper: si ad opinionem, nunquam dives. Ad Lucil. Ep. XVI.

EXiguum natura desiderat, opinio immensum. Congeratur in te, quicquid multi locupletes possederunt: ultra privatum pecuniæ modum fortuna te provehat, auro regat, purpura vestiat, & eò deliciarum opumque perducatur, ut terram marmoribus abscondas, & non tantum habere tibi liceat, sed calcare divitias: accedant statuæ & picturæ, & quicquid ars ulla luxuriæ laboravit: majora cupere ab his

his discas. Naturalia desideria finita sunt : ex falsa opinione nascentia, ubi desinant, non habent. Nullus enim terminus falso est. Viâ eunti aliquid extremum est : error immensus est. Retrahe te à vanis, & cùm voles scire, quod petis, utrum naturalem habeat, an cœtam cupiditatem, considera an possit alicubi consistere. Si longè progresso, semper aliquid longius restat, scito id naturale non esse. *Ibid.*

*Non qui parùm habet, sed qui plus cupit,
pauper est. Ad Lucil. Ep. XI.*

Quid refert, quantum illi, qui plus cupit, in arca, quantum in horreis jaceat, quantum pascat, aut fœneret, si alieno imminet, si non acquisita, sed acquirenda computat? Quis sit divitiarum modus, quæris? Primus habere, quod necesse est : proximus, quod sat est. *Ibid.*

*Pauper non est, cui nihil deest, quod
sat sit.*

Ita tu pauperem judicas, cui nihil deest? Suo, inquis, & patientiæ suæ beneficio non fortunæ. Ided ergo illum non judicas divitem, quia divitiæ ejus desinere non possunt?

possunt? Utrum malis habere multum, an satis? qui multum habet, plus cupit, quod est argumentum, nondum illum satis habere; qui satis habet, consecutus est, quod nunquam diviti contingit, finem. An has idem non putas esse divitias, quia propter illas nemo proscriptus est? quia propter illas, nulli venenum filius, nulli uxor impigit? Quia in bello tutæ sunt? Quia in pace otiosæ? Quia nec habere illas periculosum est, nec operosum disponere. An parum habet, qui tantum non alget, non esurit, non sirit? Nunquam parum est, quod satis est: nunquam multum est, quod satis non est. Post Darium & Indos pauper est Alexander Macedo: quærit, quod suum faciat: scrutatur maria ignota, in Oceanum classes mittit novas, & ut ita dicam, mundi claustra perrumpit. Quod naturæ satis est, homini non satis est. Inventus est, qui concupisceret aliquid post omnia. Tanta est cæcitas mentium, & tanta initiorum suorum unicuique, cum processit, oblivio. Ille modò ignobilis anguli non sine controversia dominus, de tantofine terrarum per suum rediturus orbem, tristis est. *Ad Lucil. Ep. CXIX.*

In paupertate nihil mali est. Ibid. Ep.
LXXX.

Si vis scire, quàm nihil in paupertate mali sit, compara inter se pauperum & divitum vultus: sæpius pauper & fidelius ridet: nulla sollicitudo in alto est, etiamsi qua incidit cura, velut nubes levis transir. Horum, qui felices vocantur, hilaritas ficta est, aut gravis, aut suppurata tristitia: & quidam gravior, quia interdum non licet palàm esse miseros: sed inter ærumnas cor ipsum exedentes, necesse est agere felices. *Ibid.*

In paupertate nihil esse mali, quisquis modò nondum pervenit in insaniam omnia subvertentis avaritiæ, atque luxuriæ, intelligit. Quantulum est enim, quod in tutelam homini necessarium est? Et cui, deesse hoc potest, ullam modò virtutem habenti? Corporis exigua desideria sunt: frigus submovere vult: alimentis famem, ac sitim extinguere: quicquid extra concupiscitur, vitiis non usibus laboratur. Noc est necesse omne perscrutari profundum, nec strage animalium ventrem onerare, nec conchylia ultimi maris ex ignoto littore eruere. Deus istos perdat, quorum

rum luxuria tam invidiosi imperii fines trans-
scendit. Ultra Phasin capi volunt, quod
ambitiosam popinam instruat: nec piget à
Parthis, à quibus nondum pœnas repeti-
mus, aves petere. Undique convehunt
omnia nota fastidienti gulæ. Quod disso-
lutus deliciis stomachus vix admittat, ab
ultimo portatur Oceano. Vomunt, ut e-
dant; edunt, ut vomant: & epulas, quas
toto orbe conquirunt, nec concoquere di-
gnantur. Ista, si quis despicit, quid illi
paupertas nocet? Si quis concupiscit, illi
paupertas etiam prodest. Invitus enim
sanatur, & si remedia, ne coactus quidem
recipit, interim certè, dum non potest, no-
lenti similis est. *Ad Helv. Cap. IX.*

*Nullum paupertas Exul incommodum
habet. Ad Helviam. Cap. XI.*

Nullum tam inops exilium est, quod non
alendo homini abundè fertile sit. At ve-
stem, an domum desideraturus est exul? Si
hæc quoque ad usum tantum desiderabit,
neque tectum ei deerit, neque velamen.
Æquè enim exiguo tegitur corpus, quàm
alitur. Nihil homini natura quod necessa-
rium faciebat, fecit operosum. Si desi-
derat saturatam multo conchylio purpuram,

intextam auro, variisque coloribus distin-
ctam, & artibus: non fortunæ iste vitio,
sed suo pauper est. Etiam si illi, quicquid
amiserit, restitueris, nihil ages. Plus enim
restituto deerit ex eo, quod cupit, quàm
exuli ex eo, quod habuit, si desiderat
atreis fulgentem vasis supellectilem, & an-
tiquis nominibus artificum argentum no-
bile, æs paucorum insaniâ pretiosum, &
fervorum turbam, quæ quamvis magnam
domum angustet, jumentorum corpora
differta, & coacta pinguescere, & natio-
num omnium lapides: ista congerantur
licet, nunquam explebunt inexplabilem
animum. Non magis, quàm ullus suffi-
ciet humor ad satiandum eum, ejus de-
siderium non ex inopia, sed ex æstu arden-
tium viscerum oritur. Non enim sitis illa,
sed morbus est. Nec hoc in pecunia tan-
tùm aut alimentis evenit: eadem natura
est in omni desiderio, quod non ex inopia,
sed ex vitio nascitur. Quicquid illi con-
gesseris, non finis erit cupiditatis sed gra-
dus. Qui continebit itaque se intra natura-
lem modum, paupertatem non sentiet: qui
naturalem modum excedet, eum in summis
opibus quoque paupertas sequetur. Ne-
cessariis rebus & exilia sufficiunt: superva-
cuis;

cuis nec regna. Animus est qui divites facit. Hic in exilia sequitur, & in solitudinibus asperrimis, cum quantum satis est, sufficiendo corpori, invenit, ipse boni: suis abundat & fruitur. *Ad Helv. Cap XI.*

Paupertas non timenda sed appetenda est.

Multis ad Philosophandum obstitere divitiarum: paupertas expedita est, secura est. Cum classicum cecinit, scit non se peti: cum aliqua conclamatio est, quomodo exeat, non quid efferat, quaerit. Si navigandum est, non perstrepunt portus, nec unus comitatu inquieta sunt littora: non circumstat illam turba servorum, ad quos pascendos transmarinarum regionum est optanda fertilitas. Facile est pascere paucos ventres, & bene institutos, & nihil aliud desiderantes quam impleri. Parvo fames constar, magno fastidium. Paupertas contenta est desideriis instantibus satisfacere. Quid ergo est, quare tu hanc recuses contubernalem, cujus mores sanus dives imitatur. Si vis vacare animo, aut pauper sis oportet, aut pauperi similis. Non potest studium salutare fieri sine frugalitatis cura: frugalitas autem paupertas voluntaria est. *Ad Lucil. Ep. XVII.*

D E I N J U R I A.

Injuriam Sapiens non potest affici.

EGO Sapiensem non imaginario honore verborum exornare constitui, sed eo loco ponere, quo nulla permittatur injuria: Quid ergo? Nemo erit, qui laceffat, qui tentet? Nihil in rerum natura tam sacrum est, quod sacrilegum non inveniatur: sed non ideo divina minus in sublimi sunt, si existunt, qui magnitudinem multum ultra se positam non icturi petant. Invulnerabile est, non quod feritur, sed quod non læditur. Ex hac tibi nota Sapiensem exhibeo. Numquid dubium est, quin certius robur sit, quod non vincitur, quam quod non laceffitur? Cum dubiæ sint vires inexpertæ: at merito certissima firmitas habeatur, quæ omnes incurfus respuit. Sic tu Sapiensem melioris scito esse naturæ, si nullius illi injuria nocet, quam si nulla sit. Et illum fortem virum dicam, quem bella

bella non subigunt, nec admota vis hosti-
 lis exterret: non cui pingue otium est in-
 ter desides populos. Hujusmodi igitur
 Sapientem nulli esse injuriæ obnoxium.
 Itaque non refert, quàm multa in illum
 conjiciantur tela, cùm sit nulli penetrabilis.
 Quomodo quorundam lapidum inexpugna-
 bilis ferro duritia est, nec secari adamas,
 aut cædi vel deteri potest; sed incurrentia
 ultrò retundit: quemadmodum quædam
 non possunt igne consumi, sed flammâ cir-
 cumfusâ rigorem suum habitumque con-
 servant: quemadmodum projecti in al-
 tum scopuli mare frangunt, nec ipsi ulli
 sævitiae vestigia tot verberati seculis osten-
 tant: ita Sapientis animus solidus est, &
 id roboris collegit, ut tam tutus sit ab in-
 juria, quàm illa, quæ retuli. Quid igi-
 tur? Non erit aliquis, qui Sapienti ten-
 tet facere injuriam? Tentabit, sed non
 penetrantem ad eum. Majore enim in-
 tervallo à contractu inferiorum abductus
 est, quàm ut ulla vis noxia usque ad illum
 vires suas perferat. Etiam cùm potentes
 & imperio editi, & consensu servientium
 validi nocere ei tentent: tam citrà sapi-
 entem omnes eorum impetus deficient,
 quàm quæ nervo tormentisque in altum
 exprimuntur, cùm extra visum exillerunt,
 citrà

citra cœlum tamen flectuntur. Quid tu putas cùm stolidus ille Rex multitudine re-
 lorum diem obscurâset, ullam sagittam
 in solem incidisse? aut demissis in pro-
 fundum catenis Neptunum potuisse contin-
 gi? Ut cœlestia humanas manus effugiunt,
 & ab his, qui templa diruunt, aut simu-
 laera conflant, nihil divinitati nocetur: ita
 quicquid fit in Sapientem, protervè, pe-
 tulanter, superbè tentatur. *De Constancia Sapientis. Cap. III.*

Injurias injuriis repensare honestum non est.

Non ut in beneficiis honestum est merita meritis repensare: ita injurias injuriis. Illic vinci turpe est, hic vincere. Inhumanum verbum est & quidem pro justo receptum, ultio, & à contumelia non differt nisi ordine. Qui dolorem regerit, tantum excusatus peccat. M. Catonem in Balneo quidam percussit imprudens. Quis enim illi sciens faceret injuriam? Pottea satisfaciens Cato, *Non memini*, inquit, *percussum me.* Melius putavit non agnoscere, quàm vindicare. *De Ira, Libr. II. Cap. XXXI.*

D'E

M A L I T I A

*Malitia ipsa maximam partem veneni
sui bibit.*

A Tralus Philosophus Stoicus dicebat,
*Malitia ipsa maximam partem ve-
neni sui bibit.* Illud venenum, quod ser-
pentes in alienam perniciem proferunt, sine
sua continent, non est huic simile: hoc
habentibus pessimum est. Torquet in-
gratus se & macerat: odit quæ accipit,
quia redditurus est, & extenuat: injurias
verò dilatat atque auget. Quid autem eo
miserius, cui beneficia excidunt, hærent
injuriæ? *Ad Lucil. Ep. LXXXI.*

DE

DE

I R A.

*Ira est affectus animi maxime rerum ac
rabilis. De Ira, Libr. I. Cap. I.*

Ceteris quidem affectibus aliquid quieti
placidiq[ue] inest: hic torus concitatus,
& in impetu doloris est: amorum sanguinis,
suppliciorum, minime humanam fervens cu-
pido: dum alteri noceat, sui negligens,
in ipsa irruens tela, & ultionis secum multa
tracturae avidus. Quidam itaque de Sapi-
entibus viris, *iram dixerant brevem insa-*
niam. Equè enim impotens sui est, de-
coris oblita, necessitudinum immemor,
in quod caput perit, & intentis, rati-
oni consiliisque præclusa variis agitata cau-
sis, ad dispectum æqui verique inhabilis,
ruinis similia, quæ super id, quod oppres-
sere, franguntur. Ut autem scias non esse
sanos, quos ira possedit, ipsum illorum
habitum intueri. Nam, ut furentium
certa indicia sunt, audax & minax vultus,
tristis

tristis frons, torva facies, citatus gradus, inquietæ manus, color versus, crebra & vehementius acta suspiria: ira irascentium eadem signa sunt. Flagrant, & micant oculi, multus ore toto rubor, exæstante ab imis præcordiis sanguine; labia quatuntur, dentes comprimuntur, horrent ac subriguntur capilli, spiritus coactus astringens, articulorum seipso torquentium sonus, gemitus, mugitusque, & parum explanatis vocibus sermo præruptus, & complosæ sæpius manus, & pulsata pedibus humus & totum concitum corpus, magnasque minas agens, foeda visu, & horrenda facies depravantium se, atque intumescientium. Nescias, utrum magis detestabile vitium sit, an deformè. Cætera licet abscondere, & in abdito alere: ira se profert, & in faciem exit: quantoque major est, hoc effervescit manifestius. Non vides, ut omnium animalium, cum simul ad nocendum insurrexerunt, procurrant notæ, ac tota corpora solitum quietumque egrediantur habitum, & feritatem suam exasperant? Spumant apris ora, dentes acuiuntur attritu, taurorum cornua instantur in vacuum, & arena pulsu pedum spargitur: leones fremunt, instantur iratis colla serpentibus, rabidorum capum tristis aspectus

aspectus est. Nullum est animal, tam horrendum tamque perniciosum naturâ, ut non appareat in illo, ubi ira invasit, nova feritatis accessio. Nec ignoro cæteros quoque affectus vix occultari, libidinem, metumque & audaciam dare sui signa, & posse prænosci. Neque enim ulla vehementior intra cogitatio est, quæ nihil moveat in vultu. Quid ergo interest? Quod alii affectus apparent, hic eminet. *Ibid.*

*Nulla pestis generi humano plura stetit,
quàm ira.*

Jam verò, si effectus iræ damnæque in-
rui velis, nulla pestis humano generi plu-
ris sitit. Videbis cædes ac venena, &
reorum mutuas sordes, & urbium clades,
& totarum exitia gentium, & principum
sub hasta civili capita venalia, & subjectas
tectis faces, nec intra mœnia coërcitos ig-
nes, sed ingentia spacia regionum hostili
flammâ relucencia. Aspice nobilissimarum
civitatum fundamenta vix notabilia: has
ira dejecit. Aspice solitudines per multa
millia sine habitatione desertas: has ira
exhaustit. Aspice memoriz proditos duces
mali exempla fati, alium ira in cubili suo
confodit, alium inter sacra mensæ ira per-
cussit,

cussit, alium inter leges, celebrisque spectaculum fori lancinavit, alium filii par-
ricidio dare sanguinem iussit, alium serviti
manu regalem aperire jugulum, alium in
cruces membra dividere. *Ibid.*

Crudelitatis ac feritatis origo ab ira est.
De Ira: Libr. II. Cap. V.

Ira, ubi frequenti exercitatione & sati-
etate in oblivionem clementiæ venit, &
omne scædus humanum ejecit animo, no-
vissimè in crudelitatem transit. Rident ita-
que gaudentque, & voluptate multâ per-
fruuntur, plurimùmque ab iratorum vultu
absunt per otium sævi. Hannibalem aiunt
dixisse, cùm fossam sanguine humano ple-
nam vidisset: ô formosum spectaculum!
Quandò pulchrius illi visum esset, si flu-
men aliquod lacumque complèsset? Quid
mirum, si hoc maximè spectaculo caperis
innatus sanguini, & ab infante cædibus ad-
motus? Sequetur te fortuna crudelitatis
tuæ per viginti annos secunda, dabitque
oculis tuis gratum ubique spectaculum.
Videbis istud & circa Trasimenum, & cir-
ca Cannas, & novissimè circa Carthaginem
tuam. Volesus nuper sub Divo Augusto
Proconsul Asiæ, cùm eec unâ die securi
L per-

percuſſiſſet, incedens inter cadavera vultu ſuperbo, quaſi magnificum quiddam conſpiciendumque feciſſet, Græcè proclamavit: O rem regiam! Quid hic Rex feciſſet? Non fuit hæc ira; ſed majus malum, & inſanabile. *Ibid.*

Cauſa iracundiæ opinio injuriæ eſt.

Opinionem injuriæ, quæ cauſa eſt iracundiæ, non facilè credendum eſt, nec apertis maniſeſtisque ſtatim accedendum. Quædam enim falſa veri ſpeciem ferunt. Dandum ſemper eſt tempus: veritatem dies aperit. Ne ſint aures criminationibus faciles. Hoc humanæ naturæ vitium ſuſpectum, notumque nobis ſit: quod quæ inviti audimus, libenter credimus: & antequam judicemus, irascimur. Quid, quod non criminationibus tantum, ſed ſuſpicionibus impellimur, & ex vultu riſuque alieno pejora interpretati innocentibus irascimur? Itaque agenda eſt contra ſe cauſa abſentis, & in ſuſpenſo retinenda. Poſteſt enim poena dilata exigi, non poſteſt exacta revocari. Notus eſt ille Tyrannicida, qui imperfecto opere comprehenſus, & ab Hippia tortus, ut conſcios indicarer, circumſtantes amicos Tyranni nominavit, quibus

quibus quàm maximè caram salutem ejus sciebat. Et cum ille singulos, ut nominati erant, occidi jussisset, interrogavit, equis superesset? Tu, inquit, solus: neminem enim alium, cui carus esses, reliqui. Effecit ira, ut Tyrannus Tyrannicidæ manus commodaret, & præsidia sua gladio suo caderet. Quantò animosius Alexander? Qui cum legisset Epistolam matris, quâ admonebatur, ut à veneno Philippi medici caveret, acceptam portionem non deterritus bibit. Plus sibi de amico suo credidit. Dignus fuit, qui innocentem haberet, dignus, qui faceret. Hoc eo magis in Alexandro laudo, quia nemo tam obnoxius iræ fuit. Quo rarior autem moderatio in Regibus, hoc laudanda magis est. Fecit hoc & C. Cæsar ille, qui victoriâ civili clementissimè usus est. Cum scrinia deprehendisset Epistolarum ad Pompeium missarum ab iis, qui videbantur aut in adversis, aut in neutris fuisse partibus, combussit: quamvis enim moderatè soleret irasci, maluit tamen se non posse. Gratissimum putavit genus veniæ nescire, quid quisque peccasset. *De Ira, Libr. II. Cap. XXII*

Remedia Iræ.

Maximum remedium iræ dilatio est: ut primis ejus fervor relanguescat, & caligo, quæ premit mentem, aut residat, aut minus densa sit. *Ibid. Libr. III. Cap. XII.*

Quædam ex his, quæ te præcipitem ferebant, hora non tantum dies molliet, quædam ex toto evanescent. Si in hoc erit petita advocatio, apparebit jam judicium esse, non iram. Quicquid voles, quæle sit, seire, tempori trade. Nihil diligenter in fluctu cernitur. Non potuit impetrare Plato à se tempus, cum servo suo irascere-
tur; sed ponere illum statim tunicam, & præbere scapulas verberibus jussit, suâ manu ipse percussurus. Postquam intellexit irasci se, sicut sustulerat manum, suspensam detinebat, & stabat percussuro similis. Interrogatus deinde ab amico, qui fortè intervenerat, quid ageret? Exigo, inquit, pœnas ab homine iracundo velut stupens, gestum illum sævituri deformem sapienti viro servabat oblitus jam servi: quia alium, quem potius castigaret, invenerat. Itaque abstulit sibi in suos potestatem, & ob peccatum quoddam commotior, Tu, inquit, Speusippe servulum istum verberibus ob-
iurga: nam ego irascor. Ob hoc non ce-
cidit,

cldir, propter quod alius cecidisset. Irascor, inquit, plus faciam, quàm oportet: libentiùs faciam. Non sit iste servus in ejus potestate, qui in sua non est. Aliquis vult irato committi ultionem, cùm Plato sibi ipsi imperium abrogaverit? Nihil tibi liceat, dum irasceris. Quare? Quia vis omnia licere. Pugna tecum ipse. Si iram vincere non potes, illa te incipit vincere. Si absconditur, si illi exitus non datur, signa ejus obruamus, & illam quantum fieri potest, occultam secretamque teneamus. Cum magna id nostra molestia fiet. Cupit enim exilire, & incendere oculos, & mutare faciem; sed si eminere illi extra nos licuit, supra nos est. In imo pectoris secessu recondatur, feraturque, non ferat, imò in contraria omnia ejus indicia flectamus. Vultus remittatur, vox lenior sit, gradus lentior: paulatim cum exterioribus interiora formentur. In Socrate iræ signum erat, vocem submittere, loqui parcius. Apparebat tunc illum sibi obstare. Deprehendebatur itaque à familiaribus & coarguebatur: nec erat illi exprobratio latitantis iræ ingrata. Quidni gauderet, quòd iram suam multi intelligerent, nemo sentiret? Sensisset autem, nisi jus amicis objurgandi se dedisset, sicut

ipse sibi in amicos sumpterat. Quanto magis hoc nobis faciendum est? Rogemus amicissimum quemque, ut tunc maxime adversus nos libertate utatur, cum minime illam pati poterimus, nec assentiatur iræ nostræ. Contra potens malum, & apud nos gratiosum, dum conspiciamus, dum nostri sumus, advocemus. *Ibid.*

Nulla res magis proderit ad removendam iram, quàm mortalitatis cogitatio. De Ir. Libr. III. Cap. XLII.

Sibi quisque, ut alteri dicat: Quid juvat, tanquam in æternum genitos iras indicere, & brevissimam ætatem dissipare? Quid juvat dies, quos in voluptatem honestam impendere licet, in dolorem alicujus tormentumque transferre? Non capiunt res istæ jacturam, nec tempus vacat perdere. Quid ruimus in pugnam? Quid certamina nobis accersimus? Quid imbecilitatis obliti ingentia odia suscipimus, & ad frangendum fragiles confurgimus. Jam istas inimicitias, quas implacabili gerimus animo, febris aut a iud malum corporis vetabit geri. Jam par acerrimum media mors dirimet. Quid tumultuatur & vitam seditiosi conturbamus? Stat super caput fatum, & pereuntis dies imputat, propiusque ac propius

propiùs accedit. Istud tempus, quod alienæ destinās morti, fortasse citra tuam est. Quin. potiùs vitam brevem colligis, placidamque & tibi & cæteris præstas, quin potiùs amabilem te, dum vivis, omnibus desiderabilem, cùm excesseris, reddis? Et quid illum nimis ex alto tecum agentem detrudere cupis? Quid illum oblatrantem tibi, humilem quidem & contemptum, sed superioribus acidum ac molestum, exterrere viribus tuis tentas? Quid servo, quid domino, quid regi, quid clienti tuo irasceris? Sustine paulùm, venit ecce mors, quæ nos pares faciat. *Ibid.*

Curiositas inquirendi, quid in se iocose vel malignè, etiam secretò dictum sit, iracundiæ, ac seipsum inquietandi causa est.

Non vis esse iracundus? Ne sis curiosus. Qui inquit, quid in se dictum sit, qui malignos sermones, etiamsi secretò habiti sint, eruit, se ipse inquietat. Quædam enim interpretatio eò perducit, ut videantur injuriæ. Itaque alia differenda sunt, alia deridenda, alia donanda, circumscribenda multis modis ira est. Pleraque in lusum jocumque vertantur. Socratem aiunt colapho.

Iapho percussum nihil amplius dixisse, quàm
molestum esse quòd nescirent homines, quan-
do cum galea prodire deberent. Non quem-
 admodum facta sit injuria, refert, sed quem-
 admodum lata. Nec video, quare diffi-
 cilis sit moderatio, cùm sciam Tyrannorum
 quoque tumida & fortunâ & licentiâ inge-
 nia familiarem sibi sævitiam repressisse.
 Pisistratum certè, Atheniensium Tyrannum
 memoriæ proditur, cùm multa in crudeli-
 tatem ejus ebrius conviva dixisset, nec de-
 essent, qui vellent manus ei commodare,
 & alius hinc, alius illinc faces subderent,
 placido animo tulisse, & hoc irritantibus
 respondisse. Non magis illi se succensere,
 quàm si quis obligatis oculis in se incurri-
 set. Quid facilius fuit Antigono, quàm
 duos manipulares duci jubere, qui incum-
 bentes Regio Tabernaculo faciebant, quod
 homines & periculosissimè, & libentissimè
 faciunt, de Rege suo malè existimantes? Au-
 dierat enim Antigonus, utpote cùm inter di-
 centes & audientem palla interesset: quàm
 ille leniter commovit, & longiùs, inquit, disce-
 dite, ne vos Rex audiat. Idem quidam
 nocte, cùm quosdam ex militibus exau-
 divisset omnia mala imprecantes Regi, qui
 ipsos in illud iter & inextricabile lutum
 deduxisset, accessit ad eos, qui maximè la-
 borabant,

borabant, & cūm ignorantes, à quo adjuvarentur, explicuisset. Nunc, inquit, maledicite Antigono, cujus vitio in has miserrimas incidistis: ei autem bene optate, qui vos ex hac voragine eduxit. Idem tam miti animo hostium suorum maledicta, quàm civitum tulit. Itaque cūm in parvulo quodam castello Græci obsiderentur, & fiducia loci contemnentes hostem, multa in deformitatem Antigoni jocarentur, & nunc staturam humilem, nunc collisum nasum deriderent: Gaudeo, inquit, & aliquid boni spero, si in castris meīs Silenum habeo. Cūm hos dicaces fame domuisset, captis sic usus est, ut eos qui militiæ utiles erant, in cohortes describeret, cæteros præconi subjiceret: id quoque se negavit facturum fuisse, nisi expediret his dominum habere, qui tam malam haberent linguam. Hujus nepos fuit Alexander, qui lanceam in convivas suos torquebat, qui ex duobus amicis alterum feræ objecit, alterum sibi. Non habuit hoc avitum ille vitium, ne paternum quidem. Nam siqua alia in Philippo virtus fuit, & contumeliarum patientia, ingens instrumentum ad tutelam regni. Demochares ad illum. Parrhesiastes ob nimiam & procacem linguam appellatus, inter alios Atheniensium Legatos venerat: auditâ benignè

nignè legatione Philippus, *Dicite, inquit, mihi, facere quid possum, quod sit Atheniensibus gratum?* Excepit Demochares, *Te, inquit, suspendere.* Indignatio circumstantium ad tam inhumanum responsum exorta est, quo Philippus conticescere iussit, & Therpsitem illum salvum & incolumem dimittere. At vos, inquit, cæteri Legati nunciate Atheniensibus, multò superbiores esse, qui ista dicunt, quam qui impunè dicta audiunt. Multa & Divus Augustus digna memoriâ fecit, dixitque, quibus appareat illi iram non imperâsse. Timagenes Historiarum Scriptor, quædam in ipsum, quædam in uxorem ejus, & in totam domum dixerat, nec perdiderat dicta. Magis enim circumfertur & in ore hominum est temeraria urbanitas. Sæpe illum Cæsar monuit, ut moderatius linguâ uteretur, perseveranti domo suâ interdixit. Postea Timagenes in contubernio Pollionis Asinii consenuit, ac totâ civitate dilectus est. Nul- lum illi limen præclusa Cæsar's domus abstulit. Historias postea, quas scripserat, recitavit, & combussit, & libros acta Cæsar's Augusti continentes in ignem posuit. Inimicitias gessit cum Cæsare. Nemo amicitiam ejus extimuit, nemo quasi fulguritum refugit: fuit, qui præberet tam altè cadenti.

cadenti sinum. Tulit hoc, ut dixi, Cæsar
 patienter, nec eo quidem motus, quod lau-
 dibus suis rebusque gestis manus attulerat.
 Nunquam cum hospite inimici sui questus est.
 Hoc duntaxat Pollioni Asinio dixit *Senectus*.
Paranti demum excusationem, ob-
stitit. Fruere, inquit, mi Pollio, frueri. Et
cùm Pollio diceret, Si jubes, Cæsar, statim
illi domo meâ interdicam. Hoc me, inquit,
putas facturum, cùm ego vos in gratiam
reducerim? Fuerat enim aliquando Tima-
 geni Pollio iratus, nec ullam habuerat cau-
 sam definendi, quàm quòd Cæsar cœperat.
 Dicat itaque quisque sibi, quoties laessitur;
 Numquid potentior sum Philippo? Illi ta-
 men maledictum est. Numquid in domo
 meâ plus possum, quàm toto orbe terra-
 rum Divus Augustus potuit? Ille tamen
 contentus fuit à convitiatore suo secedere.
 Quid est, quare ego, servi mei hilarius re-
 sponsum & contumaciorem vultum, & non
 pervenientem usque ad me murmurationem,
 flagellis & compedibus expiem? Quis sum,
 cujus aures lædi nefas sit? Ignoverunt
 multi hostibus: ego non ignoscam pigris,
 negligentibus, garrulis? Puerum ætas ex-
 cuset, foeminam sexus, extraneum libertas,
 domesticum familiaritas. Nunc primùm
 offendit? Cogitemus quamdiu placuerit.

Sæpe

Sæpe & aliàs offendit? Feramus, quod diu-
tulimus. Amicus est? fecit quod noluit.
Inimicus est? Fecit, quod debuit. Pru-
dentiori cedamus, stultiori remittamus.
Pro quocunque illud respondeamus nobis,
Sapientissimos quoque viros multa delin-
quere: neminem esse tam circumspectum,
cujus non deligentia aliquando sibi ipsi ex-
cidat: neminem tam maturum, cuius non
gravitatem in aliquod fervidius factum ca-
sus impingat: neminem tam timidum offen-
sarum, qui non in illas; dum vitat inci-
dat. Quomodo hominì pusillo solatium in
malis fuit, etiam magnorum virorum titu-
bare fortunam, & æquiore animo filium
in angulo flevit, qui vidit acerba funera
etiam ex regia duci: sic animo æquiore fe-
ret ab aliquo lædi, ab aliquo contemnì, cui-
cunque venit in mentem, nullam esse tan-
tam potentiam, in quam non incurrat in-
iuria. Quod si etiam prudentissimi pec-
cant, cuius non error bonam causam ha-
bet? Respiciamus, quoties adolescentia no-
stra in officio parùm diligens fuerit, in ser-
mone parùm modesta, in vino parùm tem-
perans. Si iratus est, demus illi spatium,
quo despicere, quid fecerit, possit, se ipse
castigabit. Denique dabit pœnas, non est,
quod cum illo paria faciamus. Illud non
venit

venit in dadium, quin se exemerit turbæ,
 & altiùs steterit, quisquis despexit laceffen-
 tes. Proprium est magnitudinis veræ, non
 se sentire percussum. Sic immanis fera ad
 larratum canum lenta respexit: sic irritus
 ingenti scopulo fluctus assultat. Qui non
 irascitur, inconcussus injuriâ perstitit: qui
 irascitur, motus est. At ille, quem modò
 altioreni omni incommodo posui, tenet
 quodam amplexu summum bonum. Nec
 homini tantùm, sed ipsi fortunæ responder:
 omnia licet facias, minor es, quàm ut se-
 renitatem meam obducas. Verat. hoc ra-
 rio, cui vitam regendam dedi. Plus mihi no-
 citura est ira, quàm injuria. Quidni plus?
 Illius modus certus est: ista quousque me
 latura sit, incertum est. *De Ira, Libr. III.*
Cap. XI.

Iracundis cum simplicibus, facilibus, mo-
 deratis, qui iram non evocent, sed ferant,
 & qui vultum sermonemque sequantur,
 versandum est. *De Ira, Libr. III. Cap.*
VIII.

Cœlium Oratorem fuisse iracundissimum
 constat. Cum quo, ut aiunt, coenabat in
 cubiculo lectæ patientiæ Cliens: sed difficile
 erat illi in crapulam coniecto, rixam ejus,
 cum quo edebat, effugere. Optimum ju-
 dicavit, quicquid dixisset, sequi & secun-

das agere. Non tulit Cœlius assentientem, sed exclamavit. Dic aliquid contra, ut duo simus. Sed ille quoque, quod non irasceretur, iratus citò sine adversario desit. *Ibid.*

Nulla res homini alienor, quàm ira & vis nocendi.

Illud ante omnia cogita scdam esse & execrabilem vim nocendi, & alienissimam homini, cujus beneficio etiam feræ mansuescunt. Aspice Elephantorum jugo colla submissa, taurorum pueris pariter ac foeminis persultantibus terga impunè calcata, & repentes inter pocula sinusque innoxio lapsu dracones, & intra domum urforum leonúmque ora placida tractantibus, adulantes dominum feras: pudebit cum animalibus permutasse mores. Nefas est nocere patriæ: ergo civi quoque. Nam hic pars patriæ est. Sanctæ partes sunt, si universum venerabile est: ergo & homo homini. Nam hic in majore tibi urbe civis est. Quid si nocere velint manus pedibus? manibus oculi? Ut omnia inter se membra consentiant, quia singula servari totius interest: ita homines singulis parcent, quia ad cœtum geniti sumus. Salva autem esse societas;

societas; nisi amore & custodiâ partium non potest. Ne viperas quidem & natrices, & si qua morsu aut ictu nocent, effligere-
mus, si ut reliqua mansuefacere possemus, aut efficere, ne nobis aliisque periculo es-
sent. Ergo ne homini quidem nocebimus, quia peccavit: sed ne peccet, nec unquam ad præteritum, sed ad futurum pœna refe-
retur. Non enim irascitur, sed cavet. Nam si puniendus est, cuicunque pravum male-
ficumque ingenium est, pœna neminem excipiet. *De Ira, Libr. II. Cap. XXXI.*

Non decet Regem seiva & inexorabilis ira. De Clement. Libr. I.

Non multum enim supra Regem errinet, cui se irascendo exæquat: at si dat vitam, si dat dignitatem periclitantibus & meritis amittere, facit, quod nulli nisi rerum potenti licet. Vita enim etiam superiori eripitur, nunquam nisi inferiori datur. Servare proprium est excellentis fortunæ: quæ nunquam magis suspici debet, quàm cum illi contigit idem posse, quod Deo, cujus beneficio in lucem edimur tam boni, quàm mali. Dei itaque sibi animum asserens Princeps, alios ex civibus suis, quia utiles bonique sunt, libens videat, alios in numerum relinquat: quosdam esse gaudeat, quosdam

M. 2

patiatur.

patiat. Cogita, quanta solitudo & vasti-
 tas futura sit, si nihil relinquatur ; nisi quod
 iudex severus absolverit. Quotusquisque
 ex Quæstoribus est, qui non eâ ipsâ lege te-
 neatur, quâ quærit ? Quotusque accusator
 vacat à culpa ? Et nescio, an nemo ad dan-
 dam veniam difficilior sit, quàm qui petere
 sæpius meruit. Peccavimus omnes, alii
 gravia, alii leviora, alii ex destinato, alii
 fortè impuls, aut alienâ nequitia ablati :
 alii in bonis consiliis parum fortiter steti-
 mus, & innocentiam inviti ac resistentes
 perdidimus. Nec delinquimus tantum, sed
 usque ad extremum ævi delinquimus. Eti-
 am si quis tam bene purgavit animum, ut
 nihil obturbare eum amplius possit, ac fal-
 lere, ad innocentiam tamen peccando per-
 venit. Quoniam Dei mentionem feci, o-
 ptimè hoc exemplum Principi constituam,
 ad quod formetur, ut se talem esse civibus,
 qualem sibi Deum velit. Expedit ergo,
 habere inexorabile peccatis atque erroribus
 Numen ? Expedit usque ad ultimam infe-
 stum perniciem ? Quod si Deus placibilis
 & æquus delicta potentium non statim ful-
 mine persequitur : quantò æquius est, ho-
 minem hominibus præpositum, miti ani-
 mo exercere imperium, & cogitare, utrum
 mundi status gratior oculis pulchriorque sit
 sereno

sereno & puro die, an cùm fragoribus crebris omnia quatuntur, & ignes hinc atque illinc micant? Atqui non alia facies est quieti moderatæque imperii, quàm sereni cœli & nitentis. Crudele regnum turbidum tenebrisque obscurum, inter trementes, & ad repentinum sonitum expavescentes, nec eo quidem, qui omnia turbat, inconcussio. *Ibid.*

Ira & invisa est, & contemptui exposita:
De Irâ, Libr. II. Cap. XI.

Primum ira, si quantum minatur, valet, ob hoc ipsum, quia terribilis est, & invisa est. Periculosius est autem timeri, quàm despici. Si verò sine viribus est, magis exposita contemptui est, & derisum non effugit. Quid enim est iracundiâ in supervacuum tumultuante frigidius? Deinde non idè quædam, quia terribiliora, potiora sunt: nec hoc sapientis dici velim, quòd feræ quoque telum est timeri. Quid? Non timeatur febris, podagra, ulcus malum? Numquid idè quicquam in istis boni est? an contra omnia despecta & fœda, & turpia, ipso, quo timeantur, sunt? Ira per se deformis est, & minimè metuenda: at timeatur à pluribus sicut deformis persona ab in-

fantibus. Quid quod semper in auctores
redundat timor, nec quisquam metuitur ip-
se securus. Occurrat hoc loco tibi Labe-
rianus ille versus, qui medio civili bello in
theatro dictus, totum in se populum non
aliter convertit, quàm si missa esset vox
publici affectus.

*Neceffe est multos timeat, quem multi ti-
ment.*

Ita natura constituit, ut quod alieno me-
tu magnum est, à suo non vacet. Leoni,
quàm pavida sunt ad levissimos strepitus
pectora? Acerrimas feras, umbra, vox &
odor insolitus exagitat. Quicquid terret,
& trepidat. Nec ideo iram magnum quid
quisquam putet, quia formidini est, quoni-
am quædam etiam contemptissima timen-
tur: venena & ossa mortifera, & morsus.
Non est mirum, cùm maximos ferarum
greges, linea pennis distincta contineat, &
in insidias agat: ab ipso effectu dicta for-
mido. Vanis enim vana terrori sunt. Cur-
riculi motus, rotarumque versata facies,
Leones redigit in caveam. Elephantes por-
cina vox terret. Sic itaque ira metuitur,
quomodo umbra ab infantibus, à feris ru-
bens pinna. Non ipsa in se quicquam ha-
bet.

bet firmum aut forte, sed vanos animos
mover. *Ibid.*

DE

CLEMENTIA.

*Nullum Clementia ex omnibus hominibus
magis, quàm Regem decet. De Cle-
mentia. Libr. I. Cap. III.*

ITa virtutes magnis viris decori gloriae-
que sunt, si illis salutaris potentia est.
Nam pestifera vis est valere ad nocendum.
Illius demum magnitudo stabilis fundata-
que est, quem omnes, tam supra se esse,
quàm pro se sciunt, cuius curam excubare
pro salute singulorum, atque universorum;
quotidie experiuntur, quo procedente, non
tànquam malum aliquod, aut noxium ani-
mal è cubili profilierit, diffugiunt, sed tan-
quam, ad clarum ac beneficum sydus, cer-
tatim advolant, objicere se, pro illo mu-
cronibus insidiantium, paratissimi, & sub-
sternere corpora sua, si per stragem illi hu-
manam, iter ad salutem struendum sit.

Somnum

Somnum eius nocturnis excubiis muniunt :
 latera objecti circumfusique defendunt: in-
 currentibus periculis se opponunt. Non
 est hic sine ratione populis urbibusque con-
 sensus sic protegendis amandique Reges, &
 se suaque jactandi, quocunque desiderave-
 rit imperantis salus. Nec hæc vilitas sui
 est, aut dementia, pro uno capite tot millia
 excipere ferrum, ac multis mortibus, unam
 animam redimere, nonnunquam senis &
 invalidi. Quemadmodum totum corpus
 animo deservit, & cum hoc tantò majus,
 tantoque speciosius sit, ille in occulto ma-
 neat tenuis, & in qua sede latitet incertus :
 tamen manus, pedes, oculi negotium illi
 gerunt, illum hæc cutis munit, illius jussu
 jacemus, aut inquieti discurremus; cum
 ille imperavit, sive avarus dominus est,
 mare lucri causâ scrutamur, sive ambitio-
 sus jamdudum dextram flammis objeci-
 mus, aut voluntariè subiluimus: si hæc
 immensa multitudo, unius animæ circum-
 data, illius spiritu regitur, illius ratione
 flectitur pressura se, ac fractura viribus
 suis, nisi consilio sustineretur. Suam ita-
 que incolumitatem amant, cum, pro uno
 homine denas legiones in aciem deducant,
 cum in prima fronte procurrun, & ad-
 versa vulneribus pectora ferunt, ne Impe-
 ratoris

ratoris sui signa vertantur. Ille est enim
vinculum, per quod Resp. cohereret: ille
spiritus vitalis, quem hæc tot millia tra-
hant: nihil ipsa per se futura, nisi onus &
præda, si mens illa Imperii subtrahatur.

— *Rege incolumi mens omnibus una,
Amisso rupere fidem.* —

Hic casus Romanæ pacis exitium, hic
tanti fortunam populi in ruinas aget. Tam
diu ab isto periculo aberit hic populus,
quàm diu sciet ferre frænos: quos si quan-
do abruperit, vel aliquo casu discussos re-
poni sibi passus non erit, hæc unitas, &
hic maximi imperii contextus in partes
multas diffiliet: idemque huic urbi domi-
nandi finis erit, qui parendi fuerit. Ided
Principes Regesque, & quocunque alio
nomine sunt tutores statûs publici, non est
mirum amari ultrà privatas etiam necessi-
tudines. Nam si sanis hominibus publica
privatis potiora sunt: sequitur, ut is quo-
que carior sit, in quem se Resp. convertit.
Olim enim ita se induit Reip. Cæsar, ut di-
duci alterum non possit, sine utriusque per-
niciæ. Nam, ut illi viribus opus est, ita
& huic capite. *Ibid. Cap. III. IV.*

Exco-

Excogitare nemo quicquam poterit, quod magis decorum sit regenti, quàm Clementia: quocunque modo is, & quocunque jure præpositus cæteris erit. Eò scilicet formosius id esse, magnificentiusque fatebimur: quod in majore præstabitur potestate: quàm non oportet noxiam esse, si ad naturæ legem componitur. Natura enim commenta est Regem: quod & ex aliis animalibus licet cognoscere, & ex apibus: quarum regi amplissimum cubile est, medioque ac tutissimo loco. Præterea onere vacat exactor alienorum operum: & amisso rege totum dilabitur examen. Nec unquam plus unum patiuntur melioremque pugnâ quærunt. Præterea insignis regi forma est, dissimilisque cæteris, tum magnitudine, tum nitore, hoc tamen maxime distinguitur. Iracundissimæ, ac pro corporis captu pugnacissimæ sunt apes, & aculeos in vulnere relinquunt: Rex ipse sine aculeo est. Noluit illum natura, nec sævum esse, nec ultionem magno constituram petere: telumque detrahit, & iram ejus inermem relinquit. Exemplar hoc magnis Regibus ingens est. Est enim illi mos exercere se in parvis, & ingentium rerum documenta minima agere.

re. Pudeat ab exiguis animalibus non trahere mores: cùm tantò hominum moderatioꝝ esse animus debeat, quantò vehementiùs nocet. Utinam quidem, eadem homini lex esset, & ira cum telo suo frangeretur: nec sæpius liceret nocere, quàm semel, nec alienis viribus exercere odia! Facile enim lassaretur furor, si per se sibi satisfaceret, & si mortis periculo vim suam effunderet. Sed ne nunc quidem illi cursus tutus est. Tantum enim necesse est, timeat, quantum timeri voluit: & manus omnium observe, & eo quoque tempore, quo non captatur, peti se iudicet, nullumque momentum immune à metu habeat. Hanc aliquis ægram vitam sustinet, cùm liceat innoxium, atque ob hoc securum, salutare potentiaꝝ jus, lætis omnibus tractare? Errat enim, si quis existimat tutum esse ibi Regem, ubi nihil à Rege tutum est. Securitas securitate mutuâ paciscenda est. Non opus est instruere in altum editas arces, nec in ascensum arduos colles emunire, nec latera montium abscindere, multiplicibus se muris, turribusque sepire: saluum Regem in aperto clementia præstabit. *Unum est inexpugnabile munimentum, amor civium.* Quid

Quid pulchrius est, quàm vivere optantibus cunctis, & vota non sub custode nuncupantibus? Si paululum valetudo ritubavit, non spem hominum excitari, sed metum? Nihil esse cuiquam tam pretiosum, quod non pro salute præsidiis sui commutatum velit? Omne, quod illi contingit, sibi quoque evenire deputer? In hoc assiduis bonitatis argumentis probavit, non Remp. suam esse, sed se Reipublicæ. Quis huic audeat struere aliquod periculum? Quis ab hoc non, si possit, fortunam quoque avertere velit, sub quo iustitia, pax, pudicitia, securitas, dignitas florent? Sub quo opulenta civitas, copiâ bonorum omnium abundat? Nec alio animo rectorem suum intuetur, quàm si Deus immortalis potestatem visendi sui faciat: intueremur venerantes cœlentesque. Quid autem non proximum illi locum tenet is, qui se ex Dei natura gerit, beneficus ac largus, & in melius potens? Hæc affectare, hæc imitari decet: maximum ita haberi, ut optimus simul habeatur. *De Clement. Libr. I. Cap. XIX.*

Regibus certior est ex mansuetudine securitas.

Ibid. Cap. 8.

Vindicta frequens paucorum odium re-
primit, omnium irritat : voluntas oportet ante saviendi, quàm causa deficiat. Alioquin quemadmodum præcisæ arbores plurimis ramis repullulant, & multa fatorum genera, ut densiora surgant, reciduntur : ita regia crudelitas auget inimicorum numerum, tollendo. Parentes enim liberique eorum, qui interfecti sunt, & propinqui, & amici in locum singulorum succedunt. Hoc quàm verum sit, admonere te exemplo domestico volo. Divus Augustus fuit mitis Princeps. Is cùm annum quadragesimum transisset, & in Gallia moraretur, delatum est ad eum indicium, L. Cinnam stolidi ingenii virum insidias ei frueri. Dictum est, & ubi, & quando, & quemadmodum aggredi vellet. Unus ex consciis deferebat. Constituit se ab eo vindicare : consilium amicorum advocari iussit. Nox illi inquieta erat, cùm cogitaret adolescentem nobilem, hoc detractò, integrum Cn. Pompeii nepotem damnandum. Jam unum occidere non poterat : cùm M. Antonio proscriptionis e-

N

dictum

dictum inter coenam dictarat. Gemens subinde voces emittebat varias, & inter se contrarias. Quid ergo? Ego percussorem meum securum ambulare patiar, me sollicito? Ergo non dabit poenas, qui tot civilibus bellis frustra petrum caput, tot navalibus procellis incolume, postquam terra marique pax parta est, non occidere constituit, sed immolare? Nam sacrificantem placuerat adorari. Rursus silentio interposito maiore multo voce, sibi quam illi irascebatur. Quid vivis, si perire te tam multorum interest? Quis finis erit suppliciorum? Quis sanguinis? Ego sum nobilibus adolescentulis expositum caput, in quod mucrones acuant. Non est tanti vita, si ut ego non peream, tam multa perdenda sunt. Interpellavit tandem illum Livia uxor: &, Admittis, inquit, muliebri consilium? Fac, quod medici solent: qui, ubi usitata remedia non procedunt, tentant contraria. Severitate nihil adhuc profecisti. Salvidienum Lepidus secutus, Lepidum Muræna, Murænam Cæpio, Cæpionem Egnatius, ut alios taceam, quos tantum ausos pudet: nunc tenta, quomodo tibi cedit clementia. Ignosce L. Cinna. Deprehensus est: jam nocere tibi non potest, prodesse famæ tuæ potest.

potest. Gavissus sibi, quod advocatum invenerat, uxori quidem gratias egit : renuntiari autem extemplo amicis, quos in consilium rogaverat, imperavit, & Cinna unum ad se accersit : dimissisque omnibus è cubiculo, cum alteram Cinnae poni cathedram jussisset. Hoc, inquit, primum à te peto, ne me loquentem interpelles, ne meo sermone medio proclames : dabitur tibi loquendi liberum tempus. Ego te, Cinna, cum in hostium castris invenissem, non factum tantum mihi inimicum, sed natum servavi, patrimonium tibi omne concessi. Hodie tam scelix es, & tam dives, ut victo victores invideant. Sacerdotium tibi petenti præteritis compluribus, quorum parentes mecum militaverant, dedi. Cum sic de te meruerim, occidere me constituisti. Cum ad hanc vocem exclamasset, procul hanc ab se abesse dementiam : Non præstas, inquit, fidem, Cinna : convenerat, ne interloquereris. Occidere, inquam, me paras. Adjecit locum, socios, diem, ordinem insidiarum, cui commissum esset ferrum. Et cum defixum videret, nec ex conventionem jam, sed ex conscientia tacentem. Quo, inquit, hoc animo facis ? Ut ipse sis Princeps ? Malè cum Rep. agitur, si tibi ad impe-

randum nihil præter me obstat. Domum
 zueri tuam non potes. Nuper libertini ho-
 minis gratiâ in privato iudicio superatus
 es. Aded nihil facilius potes, quàm con-
 tra Cæsarem advocare? Cedo, si spes tu-
 as solus impedio. Paulusne te, & Fabius
 Maximus, & Cossi, & servilii ferent, tan-
 tumque agmen nobilium, non inania no-
 mina præferentium, sed eorum, qui ima-
 ginibus suis decori sunt? Ne totam ejus
 orationem repetendo, magnam partem vo-
 luminis occupem: diutius enim, quàm du-
 abus horis locutum esse constat, cum hanc
 poenam, quâ solâ erat contentus futurus,
 extenderet: Vitam, tibi, inquit, Cinna,
 iterum do, prius hosti, nunc insidiatori
 ac parricidæ. Ex hodierno die inter nos
 amicitia incipiat: contendamus, utrùm e-
 go meliore fide, vitam dederim, an tu de-
 beas. Posthæc detulit ultrò consulatum,
 questus, quòd non auderet petere: ami-
 cissimum fidelissimumque habuit, hæres so-
 lus fuit illi: nullis amplius insidiis ab illo
 petitus est. *Ibid. Cap. 8, 9.*

Clementia in Regia quò rarior, eò mirabilior. Ibid. Cap 5.

Quid enim est mirabilius, quàm eum, cujus iræ nihil obstat, cujus graviore sententiæ, ipsi, qui pereunt, assentiantur, quem nemo interrogaturus est, imò si vehementius excanduit, nec deprecaturus quidem, ipsum sibi manum injicere, & potestate suâ in me ius placidiusque uti? Hoc ipsum cogitantem: Occidere contra legem nemo non potest: Servare nemo præter me. Magnam fortunam magnus animus decet. Qui nisi se ad illam extulit, & altior fletit, illam quoq; infra deducit. Magni autem animi est proprium placidum esse tranquillumq; & injurias atq; offensiones superne despiciere. Muliebre est furere in irâ: ferarum verò, nec generosarum quidem, præmordere & urgere projectos. Elephantes Leonesque transeunt, quæ impulerunt: ignobilis bestię pertinacia est. *Ibid. Cap. 5.*

D E CRUDELITATE.

Crudelitas minimè humanum malum est, indignum tam mihi animo. Ib. Cap. 24.

FErina ista rabies est, sanguine gaudere, ac vulneribus, & abjecto homine, in sylvestre animal transire. Quid enim interest, oro te, Alexander, Leoni Lyfimachum, objicias, an ipse laceres dentibus tuis? Tuum illud os est, tua illa feritas. O quàm cuperes tibi potius ungues esse, tibi rictum illum edendorum hominem capace! Non exigimus à te, ut manus ista, exitium familiare certissimum, ulli salutaris sit, ut iste animus ferox, insatiabile gentium malum, citrà sanguinem cædemq; satietur: clementia vocetur, si ad occidendum amicum, carnifex inter homines eligitur. Hoc est, quare, vel maximè abominanda sit sævitia, quòd excedit fines, primum solitos, deinde humanos. Nova
sup

supplicia conquirat, ingenium advocat, instrumenta excogitat, per quæ varietur, atq; extendatur dolor, & delectatur malis hominum. Tunc ille ditus animi morbus, ad insaniam, pervenit, ultimam, cum crudelitas verſa eſt in voluptatem: & jam occidere hominem juvat. Nam talem virum à tergo ſequitur everſio, odia, venena, gladii. Tam multis periculis petitur, quam multorum ipſe periculum eſt, privatisq; nonnunquam conciliis, alias verò conſternatione publicâ circumvenitur. . Levis enim & privata pernicies non totas urbes movet: quod late furere cœpit, & omnes appetit, undiq; configitur. Serpentes parvulæ fallunt, nec publicè conſequuntur: ubi aliqua ſolitam menſuram tranſiit, & in monſtrum excrevit, ubi fontes potu infe- cit, & ſufflatu deurit, obteritq; quacunq; inceſſit, balliſtis petitur. Poſſant verba dare, & evadere puſilla mala: ingentibus obviam itur. Sic unus æger, nec domum quidem perturbat: at ubi crebris mortibus peſtilentiam eſſe apparuit, conclamatio civitatis, ac fuga eſt, & Deo ipſi manus intenduntur. Sub uno aliquo teſto flamma apparuit: familia, yicinique aquam ingerunt. At incendium vaſtum, & multas jam domos depaſtum, parte urbis obruitur.

Crudelitatem privatorum serviles quoque manus sub certo crucis periculo ultæ sunt. Tyrannorum gentes populiq; & quorum erat malum, & hi, quibus imminabat, exscindere aggressi sunt. Aliquando sua præsidia in ipsos consurrexerunt, perfidiamq; & impietatem, & feritatem, & quicquid ab illis didicerant, in ipsos exercuerunt. Quid enim potest ab eo quisquam sperare, quem malum esse docuit? Non diù paret nequitia, nec quantum jubetur, peccat. *Ibid. Cap. 24, 25.*

Crudelitas regnum turbidum & confusum est.

Putas crudelitatem esse tutam : quale ejus regnum est? Non aliud, quàm captarum urbium forma, & terribiles facies publici metus. Omnia mœstia, turbida & confusa : voluptates ipsæ timentur. Non convivia secura inveniunt, in quibus lingua sollicitè etiam ebriis custodienda est, non spectacula, ex quibus materia criminis, ac periculi quæritur. Apparentur licet magnâ impensâ, & regis opibus, & artificum exquisitis nominibus : quem tamen è ludo in carcerem ire juret? Quid istud, Deus bone, malum est, occidere, sævire, delictari

Etari sono catenarum, & civium capita de-
 cidere, quocunq; ventum est, multum
 sanguinis effundere, aspectu suo terrere ac
 fugare? Quæ alia vita esset, si Leones Ur-
 sique regnarent? Si Serpentibus in nos, ac
 noxissimo cuiq; animali daretur potestas?
 Illa rationis expertia, & à nobis humanita-
 tis crimine damnata, abstinent suis, & tu-
 ta est etiam inter feras similitudo: apud
 homines tantum, nec à necessariis quidem
 rabies temperat sibi, sed externa suaq; in
 æquo habet, quod possit exercitior la sing-
 gulorum cædibus, deinde in exitia gentium
 serpere. Et injicere tectis ignem, aratrum
 vetustis urbibus inducere, potentiam pu-
 tat: & unum occidi habere aut alterum,
 parum imperatorum credit: nisi eodem
 tempore grex miserorum subiectus stetit,
 crudelitatem suam in ordinem coactam pu-
 tat. Felicitas illa multis salutem dare, &
 ad vitam ab ipsa morte revocare, & mereri
 clementiâ civicam. Nullum ornamentum
 Principis fastigio dignius pulchriusque est,
 quàm illa corona ob Cives servatos. Non
 hostilia arma detracta victis, non currus
 barbarorum sanguine cruenti, non parta
 bello spolia. Hæc divina potentia est,
 gregatim ac publicè servare: multos au-
 tem occidere, & indiscretos, incendii ac ruinæ
 potentia est. *Id. c. ult.*

Cru-

*Crudelis sepe ad perducitur, ut non licet
illi mutare mores. Ib. Cap. 1.*

Hoc inter cætera, vel pessimum habet
crudelitas, quod perseverandum est, nec
ad meliora patet regressus. Scelera enim
sceleribus tuenda sunt. Quid autem eo
infelicius, cui jam esse malo necesse est?
O miserabilem illum sibi certe! Nam cæ-
teris, misereri ejus, nefas sit, qui cadibus
ac rapinis potentiam exercuit, qui suspe-
cta cuncta sibi reddidit tam externa,
quam domestica: cum arma metuat ad
arma confugiens: non amicorum fidei
credens, non liberorum pietati. Qui,
ubi circumspexit, quæque fecit, quæque
facturus est, & conscientiam suam sceleri-
bus ac tormentis adaperuit: sepe mortem
timet, sepius optat, invisior sibi, quam
servientibus. *Ibid.*

D E

D E A M I C I T I A.

Amicitiae laus.

Nihil æquè oblectat animum, quàm
amicitia fidelis & dulcis. Quantum
bonum est, ubi sunt præparata pectora,
in quæ tuto omne secretum descendat,
quorum conscientiam minus, quàm tuam
timeas, quorum sermo sollicitudinem leni-
at, sententia consilium expediat, hilaritas
tristitiam dissipet, conspectus ipse delectet?
Quos scilicet vacuos, quantum fieri pote-
rit, à cupiditatibus eligemus. Serpunt
enim vitia, & in proximum quemque
transiliunt, & contactu nocent. *De Tran-*
quillit. anim. Cap. 6.

D E S O C I E T A T E.

Societatis commoda.

Nulla res nos magis contrà injurias tu-
tos reddit, quam humana societas :
hac unà instructior vita, contraq; incur-
siones subitas munitior est. Fac nos sin-
gulos : quid sumus ? Præda animalium &
victimæ, ac vilissimus & facillimus sanguis.
Quoniam cæteris animalibus in tutelam sui
satis virium est. Quæcunq; vaga nascuntur,
& actura vitam segregem, armata sunt :
hominem imbecillitas cingit : non un-
guium vis, non dentium, terribilem cæte-
ris fecit : nudum & infirmum societas mu-
nit. Hæc illi dominium omnium animalium
dedit : hæc terris genitum in alienæ
naturæ imperium transimisit, & domina-
ri etiam in mari jussit. Hæc morborum
impetus arcuit, senectuti adminicula pro-
spexit, solatia contrà dolores dedit : hæc
fortes nos facit, quod licet contrà fortunam
ad-

advocare. Hanc tolle : & unitatem generis humani, quâ vita sustinetur, scindes:
De Benefic. lib. 4. Cap. 18.

D E F O R T U N A.

Fortuna magna, servitus magna.

O LIM te in altiore[m] ordinem, & amor Cæsaris extulit, & tua studia deduxerunt : nihil te plebeium decet, nihil humile. Non licet tibi flere immodicè : nec hoc tantummodò non licet, nec somnum quidem extendere in partem diei licet, aut à tumultu rerum in otium ruris gratiâ quietis confugere, aut assiduâ laboriosi officii statione fatigatum corpus, voluntariâ peregrinatione recreare, aut spectaculorum varietate animum detinere, aut ex tuo arbitrio diem disponere. Multa tibi non licent, quæ humillimis, & in angulo jacentibus licent. Magna servitus est,
O
mag-

magna fortuna. Non licet tibi quicquam arbitrio tuo facere. Audienda sunt tot hominum millia, tot disponendi libelli, tantus rerum, ex orbe toto, accurrentium congestus. Ut possit per ordinem suum Principis maximi officium geri, quieti animi est. Non licet tibi, inquam, flere, ut multos flentes audire possis: ut periclitantium, & ad misericordiam mitissimi Cæsaris pervenire cupientium lachrymæ profint, tibi tuæ assiccandæ sunt. Cæsari quoque ipsi, cui omnia licent, propter hoc ipsum multa non licent. Omnium domos illius vigilia defendit, omnium otium illius labor, omnium delicias illius industria, omnium vacationem illius occupatio. Ex quo se Cæsar orbi Terrarum dedicavit, sibi eripuit: & syderum modo, quæ irrequieta semper cursus suos explicant, nunquam illi licet, nec subsistere, nec quicquam suum facere. Ad quendam itaque modum tibi quoque eadem necessitas iungitur: non licet tibi ad utilitates tuas, ad studia tua respicere. Cæsare orbem terrarum possidente, impartiri te nec voluntati, nec dolori, nec ulli rei potes: totum te Cæsari debes. *Ad Polybium. Cap. 25, 26.*

Fortuna ignavissimum quemque refugit.

Quid ego istum mihi, fortuna inquit, adversarium assumam, cui nihil unquam evenit adversi? Non licuit se illi experiri, statim arma submitter. Non opus est in illum totâ potentia meâ: levi comminatione pelletur. Non potest sustinere vultum meum. Alius circumspiciatur, cum quo conferre possimus manum: pudet congregari cum homine vinci parato. Ignominiam indicat. Gladiator cum inferiore componi: & scit eum sine gloria vinci, qui sine periculo vincitur. Idem facit fortuna, fortissimos sibi pares quærit, quosdam fastidio transiit. Centumacissimum quemque & rectissimum aggreditur, adversus quem vim suam intendat. Ignem experitur in Mucio, paupertatem in Fabricio, exilium in Rutilio, tormenta in Regulo, venenum in Socrate, mortem in Catone. *De Providenti. Cap. 3.*

Munera fortunæ aura mobilius fluunt.

Nihil stabile à fortuna datum est, omnia ejus *dona* aurâ mobilius fluunt. Nescit enim quiescere, gaudet lætis tristitia substituere, & utraque miscere. Itaque in secundis nemo confidat, in adversis nemo deficiat. Alternæ sunt vices rerum. Quid exultas? Ista, quibus veheris in summum, nescis ubi te relictura sint: habebunt suum, non tuum finem. Quid jaces? Ad imum delatus es: nunc est resurgendi locus. In melius adversa, in deterius optata flectuntur. Ità concipienda est animo varietas, non privatarum tantum domuum, quas levis casus impellit, sed etiam publicarum. Regna ex infimo coorta supra imperantes jacuerunt. Vetera imperia in ipso flore ceciderunt. Iniri non potest numerus, quàm multa ab aliis fracta sint. Nunc cum maximè Deus alia exaltat, alia submittit, nec molliter ponit, sed ex fastigio suo nullas habitura reliquias jactat. Magna ista, quia parvisumus, credimus. Multis rebus non ex natura,

naturâ, sed ex humilitate nostrâ magnitudo est. *Natural. Quæstion. Lib. 3.*

Ludit in rebus fortuna humanis.

Hanc imaginem animo tuo proponere, ludo facere fortunam, & in hunc mortaliū cœtum honores, divitiās, grātiā excutere : quorum alia inter diripientium manus, scissa sunt, alia infidâ societate divisa, alia magno detrimento eorum, in quos devenerant, presa : ex quibus quædam aliud agentibus inciderunt, quædam, quia nimis captabantur, amissa, & dum avide rapiuntur, excussa sunt. Nulli vero, cui etiam rapina sceleriter cessit, gaudium rapti duravit in posterum. Itaque prudentissimus quisque eum primū induci videt munuscula, a theatro fugit, & scit magno parva constare. Nemo manum conferit cum excedente, nemo exeuntem ferit : circa præmium rixa est. Idem in his evenit, quæ fortuna desuper jactat. Æstuamus miseri, distringimur, multas habere cupimus manus : modò in hanc, modò in illam respicimus : nimis tardè nobis mitti videntur, quæ cupiditates nostras irritant, ad paucos perventura, expectata omnibus.

Ire obviam cadentibus cupimus, gaude-
mus, si quid invasimus: invidentque alii,
quos spes vana delusit. Vilem prædam
magno aliquo incommodo luimus, aut in-
de fallimur. Secedamus itaque ab istis lu-
dis & demus raptoribus locum. Illi spe-
tent bona ista pendentia, & ipsi magis
pendeant. *Ad Lucil. Ep. 74.*

Munera fortunæ vitanda sunt.

Vitate quæcunque vulgo placent, quæ
casus attribuit: ad omne fortuitum bo-
num suspiciosi pavidique subsistite. Et fe-
ra, & pisces spe aliquâ oblectante decipi-
tûr. Munera ista fortunæ putatis? Insi-
diæ sunt. Quisquis nostrum tutam a-
gere vitam volet, quantum plurimum po-
test, ista viscata beneficia devitet; in qui-
bus hoc quoque miserrimi fallimur;
habere nos putamus, habemur. *Ad Lucil.
Ep. 8.*

*Nihil nobis de Fortunæ fide pro-
mittendum.*

Qui multa agit, sæpe fortunæ potesta-
tem sui facit, quàm tutissimum est rarò
experiri, cæterum semper de illa cogitare,
&

& sibi nihil de fide ejus promittere. Navigabo, nisi si quid inciderit : & Prætor fiam, nisi si quid obstiterit : & negotiatio mihi respondebit, nisi si quid intervenierit. Hoc est, quare sapienti nihil contra opinionem dicamus accidere. Non illum casibus hominum excepimus, sed erroribus : nec illi omnia, ut voluit, cedunt, sed ut cogitavit. Imprimis autem cogitavit aliquid posse propositis suis resistere. Necessè est autem levius ad animum pervenire destitutæ cupiditatis dolorem, cui successum utique non promiseris. *De Tranquillis. anim. Cap. 13.*

Fortuna optimis iniqua per solvit præmia. Seu, Bonorum exitus mali sunt.

Socrates cogitur in carcere mori : Rutilius in exilio vivere : Pompeius & Cicero Clientibus suis præbere cervicem. Cato ille virtutum vera imago incumbens gladio simul de se ac Rep. palam facere. Necessè est torqueri tam iniqua præmia fortunam persolvere. Et quid sibi quisque tunc speret, cum videat pessima optimos pati ? Quid ergo est ? Vide, quomodo quisque illorum tulerit : & si fortes fuerunt, ipsos
animos

animos desilera, si muliebriter & ignavè
 perièrè, nihil periit. Aut digni sunt,
 quorum virtus tibi placeat, aut indigni,
 quorum desideretur ignaviâ. Quid enim
 est turpius, quàm si maximi viri timidos
 fortiter moriendo faciunt? Laudemus to-
 ties dignum laudibus & dicamus: Tanto
 fortior tanto fœlicior! Humanos effugisti
 casus, livorem, morbum: existi e custodia:
 non tu dignus malâ fortunâ Deo visus es,
 sed indignus, in quem jam aliquid fortuna
 posset. Subducentibus verò se, & in ipsa
 morte ad vitam respectantibus, manûs in-
 jiciendæ sunt. Neminem flebo lætum, ne-
 minem flentem. Ille lachrymas meas ipse
 absterfit, hic suis lachrymis efficit, ne ullis
 dignus sit. Ego Herculem fleam, quòd
 vivus uritur: aut Regulûm, quot tot cla-
 vis configitur: aut Catonem, quòd vulne-
 ra sua fortiter tulit? Omnes isti levi tem-
 poris impensa invenerunt, quomodo æterni
 fierent: ad immortalitatem moriendo ve-
 nerunt. *De Tranquil. anim. Cap. 15.*

DE
MALO
ET
MALIS
FORTUITIS.

Mali commodis fruuntur propter bonos.

DEUS multa ingratis quoque tribuit, sed illa bonis paraverat. Contingunt etiam malis propter bonos, quia separari non possunt. Satius est autem prodesse etiam malis propter bonos, quàm bonis deesse, propter malos. Rex honores dignis dat, congiarium & indignis. Fru-
mentum

mentum publicum tam fur, quam perjurus & adulter accipiunt, & sine delectu morum, quisquis civis est. Cum aliquid est, quod tanquam civi; non tanquam bono datur; ex æquo boni ac mali ferunt. Deus quoque quædam in universum generi humano dedit, à quibus excluditur nemo. Nec enim poterat fieri, ut ventus bonis viris secundus esset, contrarius malis: commune autem bonum erat patere commercium maris, & regnum humani generis relaxari. Non poterat lex casuris imbribus dici, ne in malorum improborumque; rura defluerent. Quædam in medio ponuntur. Tam bonis quam malis conduntur urbes: monumenta ingeniorum, & ad indignos perventura, publicavit editio: Medicina & sceleratis opem ministrat. Compositiones remediorum salutarium nemo suppressit, ne sanarentur indigæ. In his exige censuram, & personæ æstimationem, quæ separatim tanquam digno dantur: non in his, quæ promiscue turbam admittunt. Multum enim refert, utrum aliquem non excludas, an eligas. Jus fori omnibus dicitur: pæce etiam homicidæ fruuntur: sua repetunt, etiam qui aliena rapuerunt. Percussores & domi ferrum exercentes murus ab hoste defendit: legum

gum præsidio, qui plurimum in illas peccaverunt, proteguntur. Quædam non poterant certis contingere, nisi universis darentur. *De benefic. Lib. 4. Cap. 28.*

Malus nemo est animi causa.

Non tantum quisquam à naturali lege descivit, & hominem exuit, ut animi causâ malus sit. Dic enim cuilibet ex istis, qui raptò vivunt, an ad illa, quæ latrocinis & furtis consequuntur, malint ratione bonâ pervenire? Optabit ille, cui grassari, & transeuntes percutere, quæstus est, potius illa invenire, quam eripere. Neminem reperies, qui non nequitia præmiis sine nequitia frui malit. Maximum hoc habemus naturæ meritum, quod virtus in omnium, animos lumen suum præmittit, etiam qui non sequuntur, illam vident. *De Benefic. Lib. 4. Cap. 17.*

Ma-

Malis etiam aliquid honesti inest. Insitum est etiam malis probare meliora.

Virtus suapte naturâ placet, adeoque gratiosa est, ut insitum sit etiam malis probare meliora. Quis est, qui non beneficis videri vult? Qui non inter scelera & injurias opinionem bonitatis affectet? Qui non ipsis, quæ impotentissimè fecit, speciem aliquam induat recti? Velit quoque, & iis beneficium dedisse, quos læsit? Gratias itaque agi sibi ab his, quos afflixere, patiuntur, bonosque se, ac liberales fingunt, quia præstare non possunt. Quod non facerent, nisi illos honesti, & per se expetendi amor cogeret, moribus suis opinionem contrariam quærere, & nequitiam abdere; cujus fructus concupiscitur, ipsa verò odio pudoriquè est. *De Benefic. Lib 4. Cap. 17.*

Mala

Mala interdum boni speciem offerunt.

Dicam, quod mirum fortasse videatur : mala interdum speciem honesti obtulerunt, & optimum ex contrario enituit. Sunt enim, ut scis, vitia virtutibus confinia, & perditis quoque ac turpibus recti similitudo est. Sic mentitur prodigus liberalem : cum plurimam interit, utram quis dare sciat, an servare nesciat. Multi, inquam, sunt, qui non donant, sed projiciunt. Non voco ego liberalem, sed pecunie suae iratum. Imitatur negligentia facilitatem, temeritas fortitudinem. Hæc nos similitudo coegit attendere, & distinguere specie quidem vicina, re autem plurimam inter se dissidentia. *Ad Lucil. Ep. 120.*

*Mala naturalia minus terribilia,
quam quæ ex aliena potentia
pendunt.*

Evitemus, quantum possumus, incommoda quoque, non tantum pericula : & in
p tutum

tutum nos reducamus excogitantes subinde, quibus possint timenda depelli. Quorum tria, ni fallor, genera sunt. Timetur inopia, timentur morbi, timentur, quæ per vim potentioris eveniunt. Ex his omnibus nihil magis nos concutit, quàm quòd ex alienà potentia impendet. Magno enim strepitu & tumultu venit. Naturalia mala, quæ retuli, inopiæ, atque morbi silentio subeunt, nec auribus quicquam terroris incutiunt : ingens alterius mali pompa est, ferrum circà se & ignes habet, & catenas, & turbam ferarum, quam in viscera immittat humana. Cogita hoc loco carcerem, & cruces, & eculeos, & uncum, & adactum per medium hominem, qui per os emergat, stipitem ; & distracta in diversum actis curribus membra, illam tunicam alimentis ignium & illitam & intexam ; quicquid aliud præter hæc, commenta sævitia est. Non est itaq; mirum, si maximus hujus rei timor est, cujus & varietas magna, & apparatus terribilis est. Nam quemadmodum plus agit tortor, quo plura instrumenta doloris exposuit (specie enim vincuntur qui patientiâ restitissent :) ità ex his, quæ animos nostros subigunt, & domant, plus proficiunt, quæ habent, quod

quod ostendant. Illæ pestes non minùs graves sunt, famem dico & sitim, & præcordiorum suppurationes, & febrem viscera ipsa torrentem: sed latent. Nihil habent, quod intentent, quod præferant: hæc ut magna bella aspectu apparatuque vicerunt. *Ad Lucil. Epist. 14.*

Mala fortuita præmeditando molliuntur.

Animi robore præstandum est, ne quid ex his, quæ eveniunt, subitum sit. Quicquid enim fieri potest, quasi futurum prospiciendo omnium malorum impetus molliet. Qui ad præparatos expectantesque nihil afferunt novi: Securis & beata tantum spectantibus, graves eveniunt. Morbus enim, captivitas, ruina, ignis, nihil horum repentinum est. Sciebam, in quam tumultuosum me contubernium natura clusisset. Toties in vicinia mea conclamatum est, toties præter limen immaturas exequias fax cereusque præcessit: sæpè altius ruentis ædificii fragor sonuit: multos ex his, quos forum, curia, sermo, mecum contraxerat, nox abstulit,

& vinctas ad sodalitium manus copulatas
intercidit. Mirer aliquando ad me peri-
cula accessisse, quæ circa me semper erra-
verunt? Magna pars hominum est, quæ
navigatura de tempestate non cogitat.
De Tranquil. anim. Cap. 11.

*Mala opinione vulgi solum terribilia
sunt.*

In illis, quæ mala vocantur, nihil tam
terribile ac durum invenio, quàm vulgi
opinio minatur. Verbum quidem ipsum,
persuasione quadam & consensu jam aspe-
rius ad aures venit, & audientes tanquam
triste & execrabile ferit: ità enim popu-
lus iussit: sed populi scita ex magna
parte sapientes abrogant. *Ad Helviam,
Cap. 5.*

Unum

*Unum est levamentum malorum
ingentium pati, & necessitati-
bus suis obsequi. De Ir. Lib. 3.
Cap. 16.*

Omnis enim indignatio in tormentum
suum proficit, & imperia graviora sen-
tit, quò contumacius patitur. Sic la-
queos fera, dum jactat, adstringit; sic
aves viscum, dum trepidantes excutiunt,
plumis omnibus illinunt. Nullum tam
arctum est jugum, quod non minùs
lædat ducentem, quàm repugnantem.
Ibid.

*Stultum est malorum venientium
metu torqueri.*

Solicitem te esse, scribis, de judicii
eventu, quod tibi furor inimici denun-
ciat, & existimas me suasurum, ut meli-
ora tibi ipsi proponas, & acquiescas spei
blandæ. Quid enim necesse est mala ac-
cersere, & satis citò patiendâ, cum ve-
nerint,

merint, præsumere, ac præsens tempus
 futuri metu perdere? Est sine dubio
 stultum, quia, quandoque sis futurus
 miser, esse jam miserum: sed ego aliâ te
 ad securitatem viâ ducam. Si vis om-
 nem sollicitudinem exuere, quicquid ve-
 reris, ne eveniat, eventurem utique
 propone: & quodcumque illud est malum,
 tecum ipse metire, ac timorum tuum
 taxa. Intelliges profectò, aut non ma-
 gnum, aut non longum esse, quod me-
 tuis. Nec diu exempla, quibus confir-
 meris, colligenda sunt: omnis illa ætas
 tulit. In quamcunque partem rerum,
 vel civilium, vel externarum memori-
 am miseris, occurrent tibi ingenia, aut
 profectûs aut impetûs magni. Num-
 quid accidere tibi, si damneris, potest
 diutius, quàm ut mittaris in exilium?
 Ut ducaris in carcerem? Numquid ultra
 quicquam timendum est ulli, quàm ut
 uratur? Quàm ut pereat? Singula ista
 constitue, & contemptores eorum cita,
 qui non quærendi, sed eligendi sunt.
 Damnationem suam Rutilius sic tulit, tan-
 quam illi nihil molestum esset aliud, quàm
 quòd malè judicaretur. Exilium Me-
 tellus fortitèr tulit, Rutilius etiam li-
 benter.

benter. Alter ut rediret, Reipublicæ præstitit, alter reditum suum Syllæ negavit, cui nihil tunc negabatur. In carcere Socrates disputavit, & exire (cùm essent, qui promitterent fugam) noluit, remansitq; ut duarum rerum gravissimarum hominibus metum demeret, mortis & carceris. Mucius ignibus manum imposuit. Acerbum est uri: quanto acerbius, si id te patiente patiaris? Vides hominem, non eruditum, nec ullis præceptis contra mortem aut dolorem subornatum, militari tantum robore instructum, poenas à se irriti conatus exigentem. Spectator destillantis in hostili foculo dextræ stetit, nec ante removit nudis ossibus fluentem manum, quàm ignis illi ab hoste subductus est. *Ad Lucil.*
Ep. 24.

Remedia contra metum malorum fortuitorum.

Illud tibi præcipio, ne sis miser ante tempus: cùm illa, quæ velut imminetia expavisti, fortassè nunquam ventura sunt, certe

certè nondum venerunt. Quædam ergè nos magis torquent, quam debeant. Quædam ante torquent quam debeant: quædam torquent, cum omninò non debeant. Aut augemus dolorem, aut fingimus, aut præcipimus. Primum illud, quia res in controversia est, & litem contestatam habemus, in præsentia differatur. Quod ego leve dixero, tu gravissimum esse contendes, scio alios inter flagella ridere, alios gemere sub colapho. Postea videbimus, utrùm ista suis viribus valeant, an imbecillitate nostrà: illud præsta mihi, ut quoties circumsteterint, qui tibi miserum esse persuadent, non quid audias, sed quid sentias, cogites. Et cum patientia tuâ deliberes, ac te ipse interroges, qui tua optimè nôsti: Quid est, quare isti me complorent? Quid est, quòd trepident, quod contagium quoque mei timeant, quasi transilire calamitas possit? Est aliquid istic mali? An res ista magis infamis, quam mala? Ipse te interroga. Numquid sine causâ crucior, & mœreo, & quod non est malum, facio? Quomodo inquis intelligam, vana sint an vera; quibus angor? Accipe hujus rei regulam. Aut præsentibus torquemur, aut futuris,
aut

aut utrisque. De præsentibus facile est
 judicium. Si corpus tuum liberum est,
 sanum est, nec ullus ex injuria dolor est :
 videbimus, quid futurum sit, hodie nihil
 negotii habet. At enim futurum est.
 Primum despice, an certa argumenta sint
 venturi mali : plerumque enim suspicioni-
 bus laboramus, & illudit nobis illa, quæ
 conficere bellum solet, fama, multo au-
 tem magis singulos conficit. Ita est, mî
 Lucili, citò accedimus opinioni : non
 coarguimus illa, quæ nos in metum addu-
 cunt, nec excutimus, sed trepidamus : &
 sic vertimus terga, quemadmodum illi, quos
 pulvis motus fugâ pecorum exiit castris, aut
 quos aliqua fabula sine auctore sparsa conter-
 ruit Nescio quomodo magis vanaperturbant.
 Vera enim modum suum habent : quic-
 quid ex incerto venit, conjecturæ & li-
 centiæ paventis animi traditur. Nulli ita-
 que tam perniciosi, tam irrevocabiles,
 quàm lymphatici metus sunt. Cæteri non
 sine ratione, hi sine mente sunt. Inqui-
 ram itaque in rem diligenter. Verisimi-
 le est aliquid futurum mali ? Non statim
 verum est. Quàm multa non expectata
 venerunt, quàm multa expectata nun-
 quam comparuerunt ? Etiam si futurum
 est,

est, quid juvat dolori suo occurrere? Satis citò dolebis, cùm venerit: interim tibi meliora promitte. Quid facies lucri? Tempus. Multa interveniunt, quibus vicinum periculum vel propè admotum, aut subsistat, aut definat, aut in alienum caput transeat. Incendium ad fugam pavuit: quosdã molliter ruina deposuit: aliquandò gladius ab ipsa cervice revocatus est: aliquis carnifici suo superstes fuit. Habet etiam malà fortuna levitatem. Fortassè erit, fortassè non erit, interim dum non est, meliora propone. Nonnunquam nullis apparentibus signis, quæ mali aliquid pronunciet, animus sibi falsas imagines fingit, aut verbum aliquod dubiæ significationis detorquet in pejus, aut majorem sibi offensam proponit alicujus, quàm est, & cogitat, non quantùm iratus ille sit, sed quantum liceat irato. Nulla autem causà vitæ est, nullus miseriarum modus, si timetur, quantum potest. Hic prudentia profit, hinc robore animi evidentem quoque metum respue: si minus, vitium vitio repelle, scilicet metum tempera. Nihil tam certum est ex his, quæ timentur, ut non certius sit, & formidatà subsidere, & sperata decipere. Ergo
&

& spem ac metum exanima, & quoties incerta erunt omnia, tibi fave, crede, quod mavis. Si plures habebis sententias metus, nihilominus in hanc partem potius inclina, & perturbare te desine. Ac subindè hoc in animo volve, majorem partem mortalium, cum illi, nec sit quicquam mali, nec pro certo futurum sit, æstuarè ac discurrere. Nemo enim resistit sibi, cum cœperit impelli, nec timorem suum redigit ad verum. Nemo dicit, vanus auctor est, vanus aut finxit, aut credidit. Damus nos referentibus, expavescimus dubia pro certis, non servamus modum certum, statim in timorem venit scrupulus. Pudet me sic tecum loqui, & tam levibus remediis te focillare. Alius dicat, fortassè hoc non veniet, tu dic. Quid porro si veniet? Videbimus, utrum veniet: fortassè pro me veniet, & mors ista vitam honestabit. *Ad Lucil.*
Ep. 15.

Malum

*Malum est ad exempla vivere, &
consuetudine abduci.*

Inter causas malorum nostrorum est,
quod vivamus ad exempla, neque rati-
one componimur, sed consuetudine abdu-
cimur. Quod si pauci facerent, nolle-
mus imitari, cum plures facere coepe-
runt, quasi honestius sit, quia frequen-
tius, sequimur, & recti apud nos locum
tenet error, ubi publicus factus est. *Ad
Lucil. Epistol. 123.*

D E S A P I E N T E.

*Sapiens nihil perdet, quod perire sensurus sit.
Vaius enim in possessione Virtutis est; ex qua
depelli nunquam potest. De Constantia
Sapientis. Cap. V.*

MEgara Demetrius ceperat, cui cognomen Poliorcetes fuit. Ab hoc Stilpon Philosophus interrogatus numquid perdidisset? Nihil, inquit: omnia namq; mea mecum sunt. Atqui & patrimonium in prædâ cesserat, & filias rapuerat hostis & patriam. At, ille victoriam illi excussit, & se urbe captâ non invictum tantum, sed indemnem esse testatus est. Habebat enim locum vera bona, in quæ manus non est injectio. At ea, quæ dissipata & dispersa ferebantur, non indicabat sua, sed adventitia, & nutum fortunæ sequentia. Ideo non ut propria dilexerat. Omnium enim extrinsecus affluentium lubrica & incerta possessio est. *Ibid.*

D E
MAGNITUDE
V E R A
A N I M I.

*Nullum est argumentum magnitudinis certius,
quàm nihil posse, quo instigeris, accideres.*

De Ir. lib. 3. : Cap. VI.

PARS superior mundi & ordinatior, ac
propinqua Syderibus, nec in nubem
cogitur, nec in tempestatem impellitur,
nec versatur in turbinem, omni tumultu ca-
ret. Inferiora fulminant. Eodem modo
sublimis animus, quietus semper, & in sta-
tione tranquilla collocatus, intra se premens,
quibus ira contrahitur, modestus ac vene-
rabilis est, & compositus : quorum nihil
invenies in irato. Quis enim traditus do-
lori & furens non primam rejecit verecun-
diam ?

diam? Quis impetu turbidus, & in aliquem ruens, non quicquid in se verectandi habuit, abiecit? Cui officiorum numerus aut ordo constitit incitato? Quis linguæ temperavit? Quis ullam partem corporis tenuit? Quis se regere potuit? In immensum proderit nobis illud Democriti salutare præceptum, quo monstratur tranquillitas, si *neque privatim, neque publicè multa aut majora viribus nostris egerimus*. Nunquam tam foeliciter in multa discurrenti negotia dies transit, ut non aut ex homine, aut ex re offensa nascatur, quæ animum in iras paret. Quemadmodum per frequentia urbis loca properanti in multos incurfitandum est, & alicubi labi necesse est, alicubi retineri, alicubi respergi: ita in hoc actu vitæ dissipato & vago, multa impedimenta, multæ querelæ incidunt. Alius spem nostram fefellit, alius distulit, alius interceptit. Non ex destinato proposita fluxerunt. Nulli fortuna tam dedita est, ut multa tentanti ubiq; respondeat. Sequitur ergo, ut is, cui contra, quam proposuerat, aliqua cesserunt, impatiens hominum rerumq; sit; ex levissimis causis irascatur, nunc personæ, nunc negotio, nunc loco, nunc fortunæ, nunc sibi. Itaque, ut quietus possit esse animus, non est iactandus, nec multa-

rum, ut dixi, rerum actu fatigandus, nec
 magnarum supraque vires appetitarum.
Ibid.

DE
 LIBRIS
 EORUMQUE
 LECTIONE.

Libris non multis, sed bonis opus est.

Non refert, quàm multos, sed quàm
 bonos habeas libros. Lectio certa
 prodest, varia delectat. Qui quò destina-
 vit, pervenire vult, unam sequatur viam,
 non per multas vagetur. Non ire istud,
 sed errare est. *Ad Lucil. Ep. 45.*

Librorum multorum lectio pernicioſa eſt.

Lectio multorum Authorum, & omnis generis voluminum habet aliquid vagum; & inſtabile. Certis ingeniis immorari, & innutriti oportet, ſi velis aliquid trahere, quod in animo fideliter ſedeat. Nuſquam eſt, qui ubiq; eſt. In perigrinatione vitam agentibus hoc evenit, ut multa hoſpitia habeant, nullas amicitias. Idem accidar, neceſſe eſt, qui nullius ſe ingenio familiariter applicant, ſed omnia curſim & properantes tranſmittunt. Non prodeſt ci- bus, nec corpori accedit, qui ſtatim ſumptus emittitur. Nihil æque ſanitatem impedit, quàm remediorum crebra mutatio. Non venit vulnus ad cicatricem, in quo crebrò medicamenta tentantur. Non conva- leſcit planta, quæ ſæpe transfertur. Ni- hil tam utile eſt, quod in tranſitu proſit. Diſtrahit animum librorum multitudo. Itaq; cùm legere non poſſis, quantum ha- bueris, ſat eſt habere, quantum legas. Sed modò, inquis, hunc librum evolvere volo, modò illum. Faſtidientis ſtomachi eſt mul- ta deguſtare: quæ ubi varia ſunt & di- verſa, inquinant, non alunt. Probatos

itaque semper lege: & si quando ad alios
divertere libuerit, ad priores redi. *Ad*
Lucil. Ep. 2.

*Librorum multitudo onerat discentem
non instruit.*

Studiorum, quæ liberalissima impensa,
est, tam diu rationem habebō, quā diu
modum. Quō mihi innumerabiles Libros
& Bibliothecas, quarum dominus vix totā
vitā suā indices perlegit? Onerat discentem
turba, non instruit: multoq; satius est
paucis te Authoribus tradere, quā errare
per multos. Quadraginta millia librorum
Alexandriæ arserunt, pulcherrimum regiæ
opulentiae monumentum. Alius laudave-
rit, sicut Livius, qui *elegantiae regum curæq;*
egregium id opus ait fuisse. Non fuit ele-
gantia illud, aut cura, sed fastidiosa luxu-
ria: imō ne studiosa quidem. Quoniam
non in studium, sed in spectaculum compa-
raverat: sicut plerisq; ignaris etiam servi-
lium literarum, libri non studiorum instru-
menta, sed cœnationum ornamenta sunt.
Paretur itaq; librorum quantum satis sit,
nihil in apparatus. Honestius, inquis,
in hos, quā in Corynthia, pictasque ta-
bular

bulas effuderim. Vitiosum est ubique, quod nimium est. Quid habes, cur minus ignoscas nomen marmore atq; ebore captanti, quàm opera conquirenti, aut ignotorum Authorum, aut improbatorum, & inter tot millia librorum oscitanti? Cui voluminum suorum frontes maximè placent titulique. Apud desidiosissimos ergo videbis, quicquid orationum historiarumque est, & testis tenns exstructa loculamenta. Jam enim inter Balnearia & Thermas, Bibliotheca quoque, ut necessarium domus ornamentum expolitur. Ignoscerem planè, si è studiorum nimia cupidine oriretur: nunc ista exquisita, & cum imaginibus suis descripta factorum opera ingeniorum in speciem & cultum parietum comparantur. *De Tranquillitat. anim. Cap. 9.*

D E
L O C O.

Non tantum corpori, sed etiam moribus salubrem locum eligere debemus. Ad Lucil. Ep. LI.

Quemadmodum inter Tortores habitare nolim, sic nec inter popinas quidem. Videre ebrios per littora errantes, & comestiones navigantium, & symphoniarum cantibus perstreptentes lacus, & alia, quæ velut soluta legibus luxuria non tantum peccat, sed publicat, quid necesse est? Id agere debemus, ut irritamenta vitiorum, quam longissime profugiamus. Indurandus est animus, & à blandimentis voluptatum procul abstrahendus. Una Hannibalem hyberna solverunt, & indomitum illum nivibus atq; alpibus virum enervarunt fomenta Campaniæ. Armis vicit, vitiis victus est. Nobis quoque militandum est, & quidem genere militiæ, quo nunquam quies, nunquam otium datur.

tur. Debellandæ sunt imprimis voluptates,
quæ (ut vides) sæva quôq; ingenia ad se
rapuerunt. *Ibid.*

D E N A T U R A.

*Lex naturæ, quos terminos in vivendo nobis
statuat?*

Magnæ divitiæ sunt, lege naturæ com-
posita paupertas, Lex autem illa
naturæ, scis, quos nobis terminos statuit.
Non esurire, non sitire, non algere. Ut
famem sitimque depellas, non est necesse
superbis assidere liminibus, nec supercilium
grave, & contumeliosam etiam humani-
tatem pati: non est necesse maria tentare,
nec sequi castra. Parabile est, quod na-
tura desiderat, & expositum: ad super-
vacua sudatur. Illa sunt, quæ togam con-
terunt, quæ nos senescere sub tentorio co-
gunt, quæ in aliena litora impingunt. Ad
manum est, quod satis est. *Ad Lucil. Ep.*
IV.

Nulla

*Nulla sapientia naturalia corporis aut animi
vitia ponuntur. Naturalia vitia arte vinci
nequeunt.*

Quicquid infixum & ingenitum est, lenitur arte, non vincitur. Quibusdam etiam constantissimis in conspectu Populi sudor erumpit, non aliter, quàm fatigatis, & æstuantibus solet: quibusdam tremunt genua dicturis: quorundam dentes colliduntur, lingua titubat, labra concurrunt. Hæc nec disciplina, nec usus unquam excutit: sed natura vim suam exercet, & illos vitii sui etiam robustissimos admonet. Inter hæc & ruborem esse scio, qui gravissimis quoque viris subitus offunditur. Magis quidem in juvenibus apparet, quibus & plus caloris est, & tenera frons: Nihilominus veteranos & senes tangit. Quidam nunquam magis, quàm cum erubuerint, timendi sunt: quasi omnem verecundiam effuderint. Sylla tunc erat violentissimus, cum faciem ejus sanguis invaserat. Nihil erat mollius ore Pompeii. Nunquam non coram pluribus erubuit: utique in concionibus. Fabianum, cum in Senatum testis esset inductus, erubuisse memini: & hic mirè illum pudor decuit. Non accidit hoc
ad

ab infirmitate mentis, sed à novitate rei: quæ inexercitatos etsi non concutit, movet, naturali in hoc facilitate corporis pronos. Nam ut quidam boni sanguinis sunt, ita quidam incitati & mobilis, & citò in os prodeuntis. Hæc, ut dixi, nulla sapientia abigit: Alioquin haberet rerum naturam sub imperio, si omnia eraderet vitia. Quæcûq; attribuit conditio nascendi, & corporis temperatura, cum multum se diuq; animus composuerit, hærebunt. Nihil horum vitari potest, non magis, quàm accersit. Artifices scænici, qui imitantur affectus, qui metum & trepidationem exprimunt, qui tristitiam repræsentant, hoc indicio imitantur verecundiam, dejiciunt vultum, verba submittunt, figunt in terram oculos & deprimunt, ruborem sibi exprimere non possunt. Nec prohibetur hic, nec adducitur. Nihil adversus hæc sapientia promittit, nihil proficit: sui juris sunt, injussa veniunt, injussa discedunt. *Ad Lucil.*

Ep. XI.

Ep. XII.

DE
SENECTUTE.

*Senectus plena est voluptatis, si sciamus illa
uti.*

Complectamur senectutem & amemus:
plena est voluptatis, si illa scias uti.
Gratissima sunt poma, cum fugiunt: Pueri-
tiae maximus in exitu decus est: deditos
vino potatio extrema delectat, illa, quae
mergit, quae ebrietati, suaviorem manum
imponit. Quod in se iucundissimum omnis
voluptas habet, in finem sui differt. Ju-
cundissima est aetas de vera iam, non tamen
praecepta: & illam quoque in extrema re-
gula stantem, iudico habere suas volu-
ptates: aut hoc ipsum succedit in locum
voluptatis, nullis egere. Quàm dulce est
cupiditates fugasse ac reliquisse? *Ad Lucil.
Ep. XII.*

DE
SERVIS
ET
SERVITUTE.

Servi omnes sumus.

Ostende, quis non fit servus? Alius libidini servit, alius avaritiæ, alius ambitioni, omnes timori. Dabo Consularem aniculæ fervientem; dabo ancillulæ divitem: ostendam nobilissimos juvenes, mancipia Pantomimorum. Nulla servitus turpior est, quàm voluntaria. Quare, non est, quod fastidiosi te deterreant, quò minùs servis hilarem te præstes, & non superbè superiorem. Sic cum inferiore vivas, quemadmodum tecum velles vivere superiorem. Quoties in mentem venerit, quantum tibi in servum liceat, veniat in
R mentem.

mentem, tantundem in te domino tuo
licere. At ego, inquis, nullum habeo do-
minum. Bona ætas est. Forsitan habebis.
Nescis, quâ ætate Hecuba servire cæperit,
quâ Cræsus, quâ Darii mater, quâ Pla-
to, quâ Diogenes? Marianâ clade, quàm
multos splendidissimè natos, Senatorium
per militiam auspicantes gradum fortuna
depressit? Alium ex illis pastorem, alium
custodem casæ fecit. Vive cum servo cle-
menter: comiter quóque, & in sermonem
admitte, & in consilium, & in convicium.
Ad Lucil. Ep. XLVII.

D E
N O C E N T E.
E T
N O C I T U R O.

Nocens fit aliquis etiam non nocendo.

POtest aliquis nocens fieri, quamvis non
nocuerit. Si quis cum uxore tanquam
cum aliena concumbat, adulter erit, quam-
vis

vis illa adultera non sit. Aliquis mihi venenum dedit, sed vim suam remixtum cibo perdidit: venenum illud dando scelere se obligavit, etiamsi non nocuit. Non minùs latro est, cujus telum oppositâ veste elusum est. Omnia scelera etiam ante effectum operis, quantum culpæ satis est, perfecta sunt. *De Constantia Sapientis, Cap. VII.*

Nocitura petentibus neganda sunt.

Sunt quædam nocitura im petrantibus, quæ non dare sed negare beneficium est. Æstimabimus itaq; utilitatem potius, quàm voluptatem petentium. Sæpe enim noxia concupiscimus, nec despicere, quàm perniciofa sint, licet: quia Judicium interpellat affectus. Sed cùm subsedit cupiditas, cùm impetus ille flagrantis animi, qui consilium fugat, cecidit; detestamur perniciosos malorum munerum auctores. Ut frigidam ægris negamus, ac lugentibus, & sibi iratis ferrum, aut amantibus quicquid contra se usus ardor petit: sic ea, quæ nocitura sunt, impense ac submisse, nonnunquam etiam miserabiliter rogantibus perseverabimus non dare. Tunc initia beneficiorum suorum spectare, tum etiam exitus decet:

& ea dare, quæ non tantum accipere; sed etiam accepisse delectat. Multi sunt, qui dicant, *Scio hoc illi non profuturum, sed quid faciam? Regat, resistere precibus ejus non possum. Viderit de se, non de me queretur.* Falsum est: imò de te, & meritò quidem: cum ad mentem bonam redierit, cum accessio illa, quæ animum inflammabat, se remiserit. Quidni eum oderit, à quo in damnum ac periculum suum adjutus est? Exorari in perniciem rogantium sæva bonitas est. Quemadmodum pulcherrimum opus est etiam invitos nolentesque servare: ita rogantibus pestifera largiri blandum & affabile odium. Beneficium demus, quod usu magis ac magis placeat, quod nunquam in malum vertat. Pecuniam non dabo, quam numeraturum adulteræ sciam. Ne in societate turpis facti aut consilii inveniar. Si potero, revocabo; sin minus, non adjuvabo scelus. *De benefc. lib. XI. Cap. xv.*

D E
M E T U
E T
T I M O R E, &c.

Periculosius est timeri, quam despici.

TImor redundat semper in Authores :
nec quisquam metuitur ipse securus.
Occurrat hoc loco tibi Laberianus ille ver-
sus, qui medio civili bello in theatrō dictus
totum in se populum non aliter convertit,
quàm si missa esset vox publici affectus :

Necesse est multos timeat, quem multi timent.

Ita natura constituit, ut quod alieno metu
magnum est, à suo non vacet. Leoni
quàm pavida sunt, ad levissimos strepitus,
pectora ? Acerrimas feras, umbra, vox,
& odor insolitus exagitat. Quicquid terret,

& trepidat. Non est ergo, quare concupiscat quisquam sapiens timeri. *De Ira. Lib. II. Cap. II.*

Timeri tam domi molestum est, quam foris: Tam à servis, quam à liberis. Nulli non ad nocendum satis virium est. Adjice nunc, quòd *qui timetur, timer.* Nemo potuit terribilis esse securé. *Ad Lucil. Ep. CV.*

Ante omnia memento demere rebus tumultum, ac videre, quid in quaq; re sit: scies nihil esse in istis terribile, nisi ipsum timorem. *Ad Lucil. Ep. XXIV.*

Quod vides accidere pueris, hoc nobis quoque majusculis pueris evenit. Illi, quos amant, quibus assueverunt, cum quibus ludunt, si personatos vident, expavescunt: non hominibus tantum, sed & rebus persona demenda est, & reddenda facies sua. Quid mihi gladios & ignes ostendis, & turbam carnificum circa te frementium? Tolle istam pompam, sub qua lates & stultos ter-
ritas. Mors es, quam nuper servus meus, quam ancilla contempsit. Quid tu rursus mihi flagella. & eculeos magno apparatu explicas? Quid singulis articulis singula machinamenta, quibus extorqueantur, aptata, & mille alia instrumenta excarnificandi particulatim hominis? Pone ista,
quæ

quæ nos obstupesciunt : Jube contiscere gemitus & exclamationes, & vocum inter lacerationem elisarum acerbiter. Nempe dolor, quem podagricus ille contemnit, quem stomachicus ille in ipsis deliciis perfert, quem in puerperio puella perpetitur. Levis est, si ferre possum, brevis est, si ferre non possum. *Ibid.*

Ex istis, quæ terribilia, & speciosa videntur, nihil est invictum. Ad Lucil. Ep. XCVIII.

Singula jam vicere multi: Ignem Mucius, crucem Regulus, Venenum Socrates, exilium Rutilius, mortem ferro adactam Cato: & nos vincamus aliquid. Rursus ista, quæ ut speciosa, & foelicia trahunt vulgus, à multis, & sæpe contempta sunt. Fabricius divitias Imperator rejecit, Censor notavit; Tubero paupertatem & se dignam, & Capitolio judicavit, cum fœtilibus in publica cœna usus ostendit debere his hominem esse contentum. Honores repulit Sextius, qui ita natus, ut Remp. deberet capeffere, latum clavum Divo Julio dante, non recepit. Intelligebat enim, quod dari posset, & eripi posse. Nos quoque aliquid ipsi faciamus animosè: fimus inter exempla. Quare de-

deficimus? Quare desperamus? Quicquid
fieri potuit, potest. *Ibid.*

D E
O T I O.
E T
O T I O S O.

*Nihil est tam certum, quam otii vitia negotio
discuti. Ad Lucil. Ep. LVI.*

QUoties nos malè habet inertia sui im-
patiens, toties ad rerum actus ex-
citandi, ac tractatione bonarum ar-
tium occupandi sumus. Magni Imperato-
res cùm malè parere militem vident, aliquo
labore compescunt, & expeditionibus deti-
nent. Nunquam vacat lascivire districtis,
nihilque tam certum est, quàm otii vitia
negotio discuti.

Otiiosa

Otiosus quis est ?

Ille otiosus est, cui otii sui sensus est : hic verò semivivus, cui ad intelligendos sensus indice opus est. Audio quendam ex delicatis (si modò deliciae vocandæ sint, vitam & consuetudinem humanam dediscere) cum ex balneo inter manus elatus, & in sella positus esset, dixisse interrogando, jam sedeo ? Hunc tu ignorantem, an se-deat, putas scire, an vivat, an videat, an otiosus sit ? Non facile dixerim, utrùm magis miserear, si hoc ignoravit, an, si se ignorare finxit. *De brevitas.*

Otiosus, qui vulgo vocatur.

Otiosum hominem, seductum existimat vulgus & securum, & se contentum, sibiq; viventem : quorum nihil ulli contingere, nisi sapienti pòtest. Ille quidem nullà re sollicitus scit sibi vivere. Ille enim (quod est primum) scit vivere. Nam qui res & homines fugit, quem cupiditatum suarum infœlicitas relegavit, qui alios feliciores videre non potuit, qui velut tinnium, atque iners animal metu obticuit, ille sibi non vivit, sed, (quod est turpissimum) ventri,

ventri, somno, libidini. Non continuò sibi vivit, qui nemini vivit. Adèd tamen magna res est constantia, ut habeat auctoritatem inertia quoq; pertinax. *Ad Lucil. Ep. 55.*

Soli Sapientes sunt otiosi.

Soli omnium otiosi sunt, qui Sapientiæ vacant: soli vivunt: nec suam tantùm ætatem benè tuentur: omne ævum suo adjiciunt. Quicquid annorum ante illos actum est, illis acquisitum est. Nisi ingratissimi sumus, illi clarissimi sacrarum opinionum conditores, nobis nati sunt, nobis vitam præparaverunt. Ad res pulcherrimas ex tenebris erutas, alieno labore deducimur: nullo nobis seculo interdictum est: in omnia admittimur: & si magnitudine animi egredi humanæ imbecillitatis angustias libet, multum, per quod spatiemur, temporis est. Disputare cum Socrate licet, dubitare cum Carneade, cum Epicuro quiescere, hominis naturam cum Stoicis vincere, cum Cynicis excedere, cum rerum natura in consortium omnis ævi patiter incedere. *Ibid. Cap. 14.*

DE
LABORE
ET
OPERA, &c.

Labor optimus citat. De Provid. Cap. V.

V Ide nunc fortes viros arma sumere,
& in castris pernoctare, & pro val-
lo obligatis stare vulneribus : interim in
urbe, securos esse præcisos, & profectos im-
pudicitiam. Senatus per totum diem sæpe
consultitur : cùm illo tempore vilissimus
quisq; aut in campo otium suum oblectet,
aut in popina lateat, aut tempus in aliquo
circulo terat. *Ibid.*

Nihil

*Nihil est, quod non expugnet pertinax opera,
& intenta ac diligens cura. Ad Lucil.
Ep. L.*

Robora in rectum, quamvis flexa, revo-
cabis: curvatas trabes calor explicat, & ali-
ter natæ in id finguntur, quod usus noster
exigit. *Ibid.*

D E

P A T I E N T I A.

*Ad contemnendum malorum potentiam animus
patientia pervenit. De Provid. Cap. V.*

Quid in nobis patientia perficere pos-
sit, scies, si aspexeris, quantum na-
tionibus nudis & inopiâ fortioribus labor
præstet. Omnes considera gentes, in qui-
bus Romana pax desinit, Germanos dico,
& quicquid circa Istrum vagarum gentium
occurrat: Perpetua illos hyems, triste cœ-
lum premit, malignè solum steride susten-
tat, imbrem culmo aut fronde defendunt,
super

super indurata glacie stagna persultant, in alimentum feras captant. Miseri tibi videntur? Nihil miserum est, quod in naturam consuetudo perduxit. Paulatim enim voluptati sunt, quæ necessitate cœperunt. Nulla illis domicilia, nullæ sedes sunt; nisi quas lassitudo in diem posuit; vilis & hic quærendus manu victus; horrenda iniquitas cœli, infecta corpora: hoc, quod tibi calamitas videtur, tot gentium vita est. *Ibid.*

D E P A R V O.

Parvo assuescendum est.

NEcessarium est parvo assuescere. Multæ difficultates locorum, multæ temporum etiam locupletibus & instructis, à Deo optantem prohibent & occurrunt. Quicquid vult, habere nemo potest: illud potest, nolle quod non habet: rebus oblati hilaris uti. Magna pars libertatis est bene moratus venter, & contumeliæ patiens. *Ad Lucil. Ep. 123.*

S

De

De Parsimonia.

Parsimonia est scientia vitandi sumptus supervacuos; aut ars re familiari moderatè utendi.

Laus Parsimoniæ.

Optimus pecuniæ modus est, qui nec in paupertatem, cadit nec procul a paupertate discedit. Placebit autem nobis mensura, si priùs parsimonia placuerit: sine qua, nec ullæ opes sufficiunt, nec ullæ non satis patient, præsertim, cùm in vicino remedium sit, & possit ipsa paupertas in divitias se advocatâ frugalitate convertere. Affuescamus à nobis remove pomparam, & usu rerum ornamenta metiri. Cibus famem domet, potio sitim. Discamus membris nostris inniti: cultum victumque non ad nova exempla componere; sed ut majorum suadent mores. Discamus continentiam augere, luxuriam coercere, gulam temperare, iracundiam lenire, paupertatem æquis oculis aspicere, frugalitatem colere, etiamsi nos pudebit desideriiis naturalibus parvo parata remedia adhibere, spes effrænatas, & animum in futura eminentem, velut

velut sub vinculis habere, id agere, ut divitias à potius nobis, quàm à fortuna petamus.

De Tranquillit. anim. Cap. 8. & 9.

D E

S I M I L I.

Nullus semper idem ac similis sibi est.

Nemo non quotidie & consilium mutat, & vorum: modò uxorem vult habere, modò amicam: modò id agit, ne quis sit officiosior servus: modò dilatat se usque ad invidiam; modo subsidit & contrahitur infra humilitatem verè jacentium, nunc pecuniam spargit, nunc rapit. Sic maxime coarguitur animus imprudens: alius prodit atq; alius, & (quo turpius nihil indico) impar sibi est. Magnam rem puta unum hominem agere. Præter sapientem autem nemo unum agit: cæteri multiformes sumus. Modò frugi tibi videbimur & graves, modò prodigi & vani. Mutamus subinde personam, & contrariam ei sumimus, quam exuimus. Hoc ergo à te

exige, ut qualem institueris præstare te, talem usque ad exitum serves. Effice, ut possis laudari: sin minus, ut agnosci. De aliquo, quem vidisti heri, meritò dici potest. Hic quis est? Tanta mutatio est. *Ad Lucil. Ep. 120.*

DE
ORATIONE.

Oratio vultus animi est. Ad Lucil. Ep. 115.

Ratio si circumtonsa est, & fucata, & manufacta, ostendit illum quod non esse sincerum, & habere aliquid fracti. Non est ornamentum virile concinnitas. *Ibid.*

Talis hominibus oratio est, qualis vita. Ibid.
Epist. 114.

• Quemadmodum uniuscujusque actio
• dicenti similis est, sic genus dicendi ali-
• quando imitatur publicos mores. Si disci-
• plina civitatis laboravit, & se in delicias
dedit,

' dedit, argumentum est luxuriæ publicæ,
 ' orationis lascivia. Si modò non in uno,
 ' aut in altero fuit, sed approbata est, &
 ' recepta. Non potest alius esse ingenio,
 ' alius animo color. Si hic sanus est, si
 ' compositus, gravis, temperans, ingeni-
 ' um quoq; siccum ac sobrium est: illo
 ' vitiato, hoc quoque afflatur. *Ibid.*

D E

F O E L I C I T A T E.

Res inquieta felicitas est.

' Ipsa se exagitat, movet cerebrum non
 ' in uno genere. Alios in cultum irritat,
 ' alios in potentiam, alios inflat, alios
 ' mollit. *In excerptis.*

Periculosa res est felicitas.

Ipsa felicitas, se nisi temperat, premit:
 si fugacissimis bonis credidit, citò deseritur,
 & ut non deseratur, affligitur. Paucis de-
 ponere felicitatem molliter licuit: cæteri

cum his, inter quæ eminuere, labuntur, & illos degravant ipsa, quæ extulerant. Ideò adhibeitur prudentia, quæ modum illis, ac parsimoniam imponat. Quoniam quidem licentia opes suas præcipitat atq; urget: nec unquam immodica durarunt; nisi illa moderatrix ratio compescuit. Hoc multarum tibi urbium ostendet eventus, quarum in ipso flore luxuriosa imperia ceciderunt, & quicquid virtute erat paratum, intemperantiâ corrui. *Ad Lucil. Ep. 74.*

Omnium istorum, quos incedere altos vides, bracteata foelicitas est. Inspice, & disces sub ista tenui membrana dignitatis, quantum mali lateat. Hæc ipsa res tot Magistratus, tot iudices detinet, quæ magistratus & iudices facit pecunia, quæ ex quo in honore esse cœpit, verus rerum honos cecidit: mercatoresque & venales invicem facti, quærimus, non quale sit quid, sed quanti. Ad mercedem pii sumus, ad mercedem impii. Honeſta, quamdiu aliqua illis spes inest, sequimur: in contrarium transaturi, si plus scelera promittant. *Ad Lucil. Ep. 115.*

Felicitas iracundiam nutrit. De Ir. l. 2. c. 21.

Non vides, ut majorem quamq; fortunam major iracundia comitetur? In divitibus Nobilibusq; & Magistratibus præcipuè apparet, cum quicquid leve & inane in animo erat, secundâ se aurâ sustulit. Fœlicitas iracundiam nutrit, ubi aures superbas assentatorum turba circumstetit. Tibi enim respondeat: Non pro fastigio tuo te metiris ipse, te projicis, & alia, quibus vix sanæ, & ab initio bene fundatæ mentes refriterint. *Ibid.*

D E
I N F O E L I C I
E T
I N F O E L I C I T A T E .

Nihil est infœlicius eo, cui nihil unquam evenit adversi. De Provid. Cap. 3.

Non enim licuit se illi experiri. Ut ex voto illi fluxerint omnia, ut ante votum, malè tamen de eo deus judicavit. Indignus

nus visus est, à quo vinceretur aliquando fortuna, quæ ignavissimum quemq; refugit, quasi dicat: Quid ego istum mihi adversarium assumam? Statim arma submitet. Non opus est in illum totâ potentiâ meâ: levi comminatione pelletur. Non potest sustinere vultum meum. Alius circumspiciatur, cum quo conferre possimus manum. pudet congredi cum homine vinci parato. Ignominiam indicat Gladiator cum inferiore componi, & scit eum sine gloria vinci, qui sine periculo vincitur. Idem facit fortuna, fortissimos sibi pares quærit, quosdam fastidio transit. Contumacissimum quemq; & rectissimum aggreditur, adversus quem vim suam intendat. *ibid.*

J. B. J. B.

DE GAUDIO.

Caudere non potest, nisi bonus & sapiens.
Ad Lucil. Ep. 59.

AD gaudium cupis pervenire, sed erras, qui inter divitias te illuc venturum esse speras. Inter honores gaudium, id est, inter sollicitudines quæris? Ista, quæ sic petis, tanquam datura lætitiâ ac voluptatem, causæ dolorum sunt. Omnes inquam illi tendunt ad gaudium : sed unde stabile magnumq; consequantur, ignorant. Ille ex conviviis & luxuria : ille ex ambitione, & circumfusa Clientium turbâ : ille ex amica : alius ex studiorum liberalium vana ostentatione, & nihil facientibus literis. Omnes istos oblectamenta fallacia, & brevia decipiunt, sicut ebrietas, quæ unius horæ hilarem insaniam longi temporis tædio pensat. Sicut plausus & acclamationis secundæ favor, qui magnâ soli-

solicitudine & partus est, & expiandus. Hoc ergo cogita, hunc esse sapientiæ effectum, gaudii æqualitatem. Talis est sapientis animus, qualis mundi status super Lunam. Semper illic serenum est. Habes ergo, quare velis sapiens esse: Quia nunquam sine gaudio est. Gaudium hoc non nascitur, nisi ex virtutum conscientia. Non potest gaudere, nisi fortis, nisi iustus, nisi temperans. Quid ergo, inquis? Stulti ac mali non gaudent? Non magis, quàm prædam nacti Leones. Cùm fatigaverunt se vino ac libidinibus, cùm illos nox inter vina defecit, cùm voluptates angusto corpori ultra, quàm capiebat, ingestæ, suppurare cœperunt, tunc exclamant miseri Virgilianum illum versum,

*Namque ut supremam falsa inter gaudia noctem,
Egerimus, nosti —————*

Omnem luxuriosi noctem inter falsa gaudia, & quidem tanquam supremam agunt.
Ibid.

D E
P A T R I A.

Patria carere intolerabile non est. Ipsa loci commutatio nil acerbi affert. Ad Helv.
Cap. VI.

A Spice agendum hanc frequentiam, cui vix urbis immensæ testæ sufficiunt. Maxima pars illius turbæ patriâ caret: ex mancipiis & coloniis suis, ex toto deniq; orbe terrarum confluxerunt. Alios adducit ambitio, alios necessitas officii publici, alios imposita legatio, alios luxuria, opulentum & opporunum vitiis locum quærens: alios liberalium studiorum cupiditas, alios spectacula: quosdam traxit amicitia, quosdam industria, latam ostendendæ virtutis nacta materiam: quidam venalem formam attulerunt, quidam venalem eloquentiam. Nullum non hominum genus concurrat in urbem, & virtutibus & vitiis magna pretia ponentem. Jube omnes istos
ad

ad nomen citari, & unde domo quisque sit, quære: Videbis majorem partem esse, quæ relictis sedibus suis, venerit in maximam quidem ac pulcherrimam urbem, non tamen suam. Deinde ab hac civitate discede, quæ velut communis patria dici potest, & omnes urbes circumi. Nulla est, abi magnam partem peregrinæ multitudinis non invenias. Nunc transi ab iis; quantum amœna positio & opportunitas regionis plures allicit: deserta loca & asperrimas insulas Sciathum & Seriphum, Gyarum & Cosuram pete. Nullum invenies exilium, in quo non aliquis animi causâ moretur. Quid tam nudum inveniri potest, quid tam abruptum undique, quàm hoc saxum? Quid ad copias respicienti jejunius? Quid ad homines immanfuetius? Quid ad ipsum loci situm horridius? Quid ad cœli naturam intemperantius? Plures tamen hic peregrini, quàm cives consistunt. Usque eò ergo commutatio ipsa locorum gravis non est, ut hic quoque à patria quosdam abduxerit. Invenio, qui dicant, inesse naturalem quandam animi irritationem commutandi sedes, & transferendi domicilia. Mobilis enim & inquieta mens homini data est; nunquam se tenet; spargitur & cogitationes suas in omnia nota atq; ignota dimittit,

dimittit, vaga & quietis impatiens, & novitate rerum lætissima. Quod non miraberis, si primam ejus originem adspexeris. Non est ex terreno & gravi concreta corpore: ex illo cœlesti spiritu descendit. Cœlestium autem natura semper in motu est: Fugit, & velocissimo cursu agitur. Adspice sydera mundum illustrantia: nullum eorum perstat, labitur assidue, & locum ex loco mutat, quamvis cum universo vertatur, in contrarium nihilominus ipsi mundo refertur: per omnes signorum partes discurret perpetua ejus agitatio, & aliunde aliò commigratio est. Omnia voluntur semper, in transitu sunt, & ut lex, & naturæ necessitas ordinavit, aliunde aliò deferuntur. Cum per certa annorum spatia, orbes suos explicuerint, iterum ibunt, per quæ venerunt. I nunc, & animum humanum, ex iisdem, quibus divina constant, compositum feminibus, moleste ferre puta transitum & migrationem: cum Dei natura, assiduâ & citatissimâ commutatione, vel delectet se, vel conservet. A cœlestibus agendum, te ad humana convertè. Videbis gentes populosq; mutasse sedem. Quid sibi volunt in mediis Barbarorum regionibus Græcæ urbes? Quid inter Indos Persasq; Macedonicus sermo? Scythia, & totus ille ferarum indo-

mitarumque gentium tractus, civitates Achai-
 æ Ponticis impositas littoribus ostentat.
 Non perpetuæ hyemis sævitia, non homi-
 num ingenia ad similitudinem cœli sui hor-
 rentia transferentibus domus suas obstipe-
 runt. Athenicæ in Asia turba est. Mi-
 letus LXXV. orbium populum in diversa
 effudit: totum Italiæ latus, quod infero
 mari alluitur, major Græcia fuit. Tuscos
 Asia sibi vindicat: Tyrii Africam incolunt:
 Hispaniam Poeni: Græci se in Galliam im-
 miserunt, in Græciam Galli: Pyrenæus
 Germanorum transitus non inhibuit: per
 iavia, per incognita versavit se humana le-
 vitas. Liberos, conjugesq; & graves senio
 parentes traxerunt. Alii longo errore
 jactati non judicio elegerunt locum, sed
 lassitudine proximam occupaverunt: alii
 armis sibi jus in aliena terra fecerunt:
 quædam gentes, cum ignota peterent, mare
 hæsit: quædam sibi confederunt, ubi illas
 rerum inopia deposuit. Nec omnibus ba-
 dona causa relinquendi quæressidiq; patriam
 fuit. Alios exordia urbium, furum, hosti-
 libus atque clapsis in aliena, spoliatos suis,
 expulerunt: alios domestica seditio sum-
 movit: alios nimia superfluentis populi
 frequentia ad exonerandas vires, emisit:
 alios pestilentia, aut frequens terrarum hi-
 atus, aut aliqua intoleranda infestis soli-
 cje-

eiecerunt: quosdam fertilis ora, & in
 majus laudata fama corrupit: alios alia
 causa, exivis domibus suis. Illud itaque
 manifestum est, nihil eodem loco mansisse,
 quo genitum est. Assiduus generis huma-
 ni discursus est. Quotidie aliquid in tam
 magno orbe mutatur. Nova urbium fun-
 damenta jaciunt: nova gentium nomina,
 extinctis prioribus, aut in accessionem va-
 lidioris conversis, oriuntur. Omnes au-
 tem istarum populorum transportationes, quid
 aliud, quam exilia sunt? Quid tam longo
 circuitu te traho? Quid interest enumerare
 Antenorem Patavii conditorem, & Evan-
 drum in ripa Tiberis regna Arcadium collo-
 cantem? Quid Diomedem, aliosque, quos
 Trojanum bellum victos simul victoresque
 per alienas terras dissipavit? Romanum
 imperium nempe Auctorem exulem respi-
 cit: quem profugum captâ patriâ, exi-
 gnis reliquiis trahentem, necessitas & vi-
 ctoris metus, longinqua querentem, in Ita-
 liam detulit. Hic deinde populus, quot
 colonias in omnes provincias misit? Ubi-
 cunque; vicit Romanus, habitat: Ad hanc
 commutationem locorum libenter nomina
 dabat, & relictis aris suis trans maria se-
 quebatur colonus senex. Res quidem non
 desiderat plurimum enumerationem, unum

tamen adjiciam, quod in oculos se ingerit. Hæc ipsa Insula *Corfica* sæpe jam cultores mutavit. Ut antiquiora, quæ vetustas obduxit, transeam, Phocide relictâ, Graji, qui nunc Massiliam colunt, prius in hac Insula confederunt. Ex qua quid eos fugaverit, incertum est: utrum coeli gravitas, an præpotentis Italiæ conspectus, an natura importuosi maris. Nam in causa non fuisse feritatem accolarum, eò apparet, quod maximè tunc trucibus & inconditis Galliæ populis se interposuerunt. Transierunt deinde Ligures in eam, transierunt & Hispani, quod ex similitudine rictus apparet. Eadem enim tegumenta capitum, idemq; genus calceamenti; quod Cantabris est, & verba quædam. Nam totus sermo conversatione Græcorum Ligurumque à patrio descivit. Deductæ deinde sunt duæ civium Romanorum coloniae: altera à Mario, altera à Sylla. Toties hujus aridi & spinosi saxi mutatus est populus. Vix deniq; invenies ullam terram, quam etiam nunc indigenæ colant. Permixta omnia & insititia sunt: alius alii successit. Hic concupivit, quod alii fastidio fuit: Ille, unde expulerat, ejectus est. Ita fato placuit, nullius rei eodem semper loco stare fortunam. *Ad Helv. Cap. 6, 7, 8.*

D E B E N E F I C I I S H O M I N U M .

Quid est Beneficium ?

Beneficium est benevola actio tribuens gaudium, capiensque tribuendo, in id, quod facit, prona & sponte suâ parata. Itaq; non quid fiat, aut quid detur, refert, sed quâ mente. *De Benefic. Lib. 1. Cap. 6.*

Beneficium non in eo, quod fit aut datur, consistit; sed in ipso dantis aut facientis animo.

Magnum esse inter ista discrimen, vel ex hoc intelligas, licet, quod beneficium utiq; bonum est: id autem, quod fit aut datur, nec bonum, nec malum est: Animus est, qui parva extollit, fœdida illustrat, magna & in pretio habita dehonestat: ipsa, quæ appetuntur, neutram naturam habent,

nec boni, nec mali, id refert, quo illa rector animus impellat, à quo forma datur rebus. Non est ergo beneficium ipsum, quod numeratur aut traditur. Sic nec in victimis licet optimæ sint, auroque præfulgeant, Dei est honos ; sed pià ac rectà voluntate venerantium. Itaque boni etiam farre ac fritillà religiosi sunt, mali rursus non effugiunt impietatem, quamvis aras sanguine multo cruentaverint. Si beneficia non ipsà benefaciendi voluntate consistèrent, eò majora essent, quò majora sunt, quæ accepimus. Id autem falsum est. Nonnunquam enim magis nos obligat, qui dedit parva magnifice : qui Regum æquavit opes animo : qui exiguum tribuit, sed libenter : qui paupertatis suæ oblitus est, dum meam respicit : qui non voluntatem tantùm juvandi habuit, sed cupiditatem : qui accipere se putavit beneficium, cum daret : qui dedit tanquam non recepturus, recepit, tanquam non dedisset : qui occasionem, quâ prodesset, & occupavit, & quæsiivit. Contra ingrata sunt (ut dixi) licet re ac specie magna videantur, quæ danti aut extorquentur, aut excidunt : multoq; gratius venit, quod facili, quàm quod plena manu datur. Exiguum est, quod in me contulit, sed amplius non potuit.

tuit. At hic, quod dedit, magnum est, sed dubitavit, sed distulit, sed cum daret, gemit, sed superbè dedit, sed circumtulit, & placere non ei, cui præstabat, voluit, ambitioni dedit non mihi. Socrati cum multa multi pro suis quisque facultatibus offerrent: Æschines pauper auditor, Nihil, inquit, dignum te, quod dare possim, invenio: Et hoc uno modo pauperem me esse sentio. Itaq; dono tibi, quod unum habeo, Me ipsum. Hoc munus rogo, quaecumq; est, boni consulas, cogitesque alios, cum multum tibi darent, plus sibi reliquisse. Cui Socrates, Quidni tu, inquit, mihi magnum munus dederis; nisi forte parvo te æstimas? Habebo itaq; curæ, ut te meliorem tibi reddam, quam accepi. Vicit Æschines hoc munere Alcibiadis parem divitiis animum, & omnem juvenum opulentorum munificentiam. Vides, quomodo animus inveniat liberalitatis materiam etiam inter angustias. *Ibid. Cap. 6, 7, 8, 9.*

Quemadmodum dandum sit beneficium?

Sic demus beneficium, quomodo vellemus accipere. Ante omnia libenter, citò, sine ulla dubitatione. Ingratum est beneficium, quod diu inter manus datis hæsit, quod

quod quis ægre dimittere visus est, & sic
 tanquam sibi præriperet. Etiam si quid
 mora intervenit, evitemus omni modo, ne
 deliberasse videamur. Proximus est à ne-
 gante, qui dubitavit, nullamq; meretur
 gratiam. Nam cum in beneficio jucundis-
 sima sit tribuentis voluntas, qui nolentem
 se tribuisse ipsa cunctatione testatus est,
 non dedit, sed adversus ducentem male re-
 tinuit. Multi autem sunt, quos liberales
 facit frontis infirmitas. Gratissima sunt
 beneficia, parata, facile occurrentia, ubi
 nulla mora tuit, nisi in accipientis vere-
 cundia. Primum est antecedere desiderium
 cujusq; proximum sequi. Illud melius, oc-
 cupare, antequam rogemur: quia cum
 homini probo ad rogandum os concurrat;
 & suffundatur rubor, qui hoc tormentum
 remittit, multiplicat manus suam. Non
 tulit gratis, qui cum rogasset, accepit.
 Quoniam quidem, ut majoribus nostris,
 gravissimis viris visum est, nulla res carius
 constat, quam quæ precibus empta est.
 Vota homines parcius facerent, si palam
 facienda essent. Adeo etiam Deum, cui
 honestissime supplicamus, tacite malumus,
 & intra nosmet ipsos precari. Molestum
 verbum est, onerosum, & demisso vultu
 dicendum, Rogo. Hujus facienda est gra-
 tia

tia amico, & cuicumq; quem amicum sis
 promerendo facturus. Properet licet :
 serò beneficium dedit, qui roganti dedit.
 Ideò divinanda cujusq; voluntas, & cùm in-
 tellecta est, necessitate gravissimà rogandi
 liberanda est. Illud beneficium jucundum,
 victurumq; in animo scias, quòd obviam
 venit. Si non contingit prævenire, plura
 rogantis verba intercidamus, nè rogari
 videamur : sed certiores facti statim pro-
 mittamus, facturosq; nos etiam, antequam
 interpellaremur, ipsà festinatione appro-
 bemus. Quemadmodum in ægris oppor-
 tunitas cibi salutaris est, & aqua tempe-
 stivè data remedii locum obtinuit ; ita
 quamvis leve & vulgare beneficium sit, si
 præstò fuerit, si proximam quamq; horam
 non perdidit, multum sibi adjicit, gratiam-
 que pretiosi, sed lenti & diu cogitati mu-
 neris vincit. Qui tam paratè fecit, non
 est dubium, quin libenter faciat. Itaq;
 lætus facit, & induit sibi animi sui vultum.
 Ingentia quorundam beneficia silentium
 aut loquendi tarditas, imitata gravitatem
 & tristitiam, corrumpit, cùm promitterent
 vultu negantium. Quanto melius adjicere
 bona verba bonis rebus, & prædicatione
 humanà benignaq; commendare, quæ præ-
 stes ? Ut ille se castiget, quòd tardior in

rogando fuit. Adicias licet familiarem querelam: Insuper tibi, quod cum aliquid desiderasses, non alim scire me voluisti, quod iam diligenter rogasti, quod quonquam adhibuisti. Ego uero gratulor tibi, quod experiri animum tibi: postea quicquid desiderabis, tuo jure exiges. Semel rusticitati tua ignoscitur. Sic efficies, ut animum tuum pluris æstimes, quam illud, quicquid est, ad quod petendum venerat. Tunc est summa virtus tribuentis, tunc benignitas, ubi ille, qui discessit, dicet tibi, Magnum bono tuum feci. Malo, quod illum satem inveni, quam si multiplicationem hoc ad me alia via pervenisse. Huic ejus animo nunquam parem re'eram gratiam. At plerique sunt, qui beneficia asperitate verborum, & supercilio in odium adducunt, eo sermone usi, eâ superbiâ, ut impetrasse poeniteat. Aliæ deinde post rem promissam sequuntur moræ. Nihil autem est acerbius, quam ubi quoque, cum impetrâsti, rogandum est. Representanda sunt beneficia, quæ à quibusdam accipere difficilius est, quam impetrare. Hic rogandus est, ut admoneat, ille ut sumat. Sic unum munus per multorum teritur manus, ex quo gratia minimum apud promittentem remanet: quia auctori detrahit, quisquis post illum rogandus est. Hæc ita-

itaque cura habebis, si gratè estimari,
 quæ præstabis, votes, ut beneficia tua
 integra, ut integra ad eos, quibus promif-
 sa sunt, perveniant sine ulla, ut aiunt, de-
 ductione. Nemo illa interceptat, nemo
 detinent; nemo in eo, quod daturus es,
 gratiam suam facere potest, ut non tuam
 minuat. Nihil æquè amarum, quàm diu
 pendere. Alioquid quidem animo ferunt
 prædidi spem suam, quàm trahi. Plerisq;
 hoc vitium est, ambitione prava differendi
 promissa, ne minor sit rogantium turba.
 Quales regis potentie ministri sunt, quos
 delectat superbiae suae longum spectaculum;
 minusque se iudicare posse; nisi diu mul-
 tumq; singulis, quid possint, ostendant.
 Nihil confestim, nihil semel faciunt. In-
 juriae illorum præcipites, lenta beneficia
 sunt. Quare verissimum existima, quod
 ille Comicus dixit: Quid? tu non intelli-
 gis, Tantum te gratiae demere, quantum more
 adjici? Unde illæ voces, quas ingenuus do-
 lor exprimit. *Pau, si quid facis: Quis tibi
 est vni? Nihil mihi iam reges: ubi in tedi-
 um adductus animus incipit beneficium
 odire, dum expectat. Potest ob id ingra-
 tus esse. Quenquammodum acerbissima cru-
 delitas est, quæ trahit pecuniam: & misere-
 cordiae genus est, citò occidere* (quia to-
 mentum

mentum ultimum finem sui secum affert ; quod antecedit tempus, maxima venturi supplicii pars est) ita major est muneris gratia, quò minus diu pependit. Est enim bonarum etiam rerum sollicita expectatio : & cum plurima beneficia remedium alicujus rei afferant, qui aut diutius torqueri patitur, quem protinus potest liberare, aut gaudere tardius beneficio suo manus affert. Omnis benignitas properat : & proprium est libenter facientis citò facere. Qui tardè, & diem de die extrahens profuit, non ex animo fecit. Ita duas res maximas perdidit, & tempus, & argumentum amicæ voluntatis. Tardè velle nolentis est. *Ibid. Lib. 2. Cap. 1, 2, 3, 4, 5.*

Corripere eum, cui cum maximè aliquid praestes, dementia est, & inferere contumeliam meritis. Ibid.

Beneficia non sunt exasperanda, nec quicquam illis triste miscendum. Etiam si quid erit, de quo velis admonere, aliud tempus eligit. Fabius Verrucosus beneficium ab homine duro asperè datum, *Panem lapidum* vocabat : quem esurienti accipere necessarium sit, esse acerbum. *Ibid. Cap. 7.*

*Beneficia quædam palàm , quædam secretò
tribuenda sunt. Ib. Cap. 9.*

Omnes Sapientiæ Auctores præcipiunt,
quædam beneficia palàm danda, quædam
secretò. Palàm, quæ consequi gloriosum
est: ut militaria dona, & honores, & quic-
quid aliud notitiâ pulchrius sit. Rursus,
quæ non producant, nec honestiorem faci-
unt, sed occurrunt infirmitati, egestati,
ignominia, tacitè danda sunt, ut nota sint
solis, quibus profunt. Interdum & ipse
qui juvatur, fallendus est: ut habeat, nec
à quo acceperit, sciat. Arcesilaus, ut
aiunt, amico pauperi & paupertatem suam,
dissimulanti, ægro autem, & ne hoc qui-
dem confitenti deesse sibi in sumptum ad
necessarios usus, cùm clàm succurrendum
judicasset, pulvino ejus ignorantis sacculum
subjecit, ut homo inutiliter verecundus
quod desiderabat, inveniret potius, quàm
acciperet. *Ibid. Cap. 9, 10.*

*Lacerat animum & premit frequens merito-
rum commemoratio. Ibid. Cap. 10.*

Libet exclamare, quod ille triumvirali
proscriptione servatus à quodam Cæsaris
u amico

amico exclamavit, cum superbiam ejus ferre non posset: *Redde me Cæsari*, Quousque dices: *Ego te servavi, ego te eripui morti?* Illud, si meo arbitrio memini, vita est; si tuo, mors est. Nihil tibi debeo, si me servasti, ut haberes, quem ostenderes. Quousque me circumducis? Quousque oblivisci fortunæ meæ non finis? Semel in triumpho ductus essem. *Ibid.*

Beneficium à se datum, non narrandum sed tacendum.

Qui dedit beneficium, taceat: narret, qui accepit. Dicetur enim, quod ille ubique jactanti beneficium suum: *Num negabis*, inquit, *te recepisse?* Et cum respondisset, *Quando?* *Sæpe quidem*, inquit, & multis locis: *id est, quoties & ubicunque narrasti.* Quid opus est te loqui? Quid alienum occupare officium? Est qui istud honestius facere possit: quo narrante & hoc laudabitur, quod ipse non narras. Ingratum me judicas, si istud te tacente nemo sciturus est? Quod adeò non est committendum, ut etiam si quis coram nobis narrabit, ei respondendum sit: *Dignissimus quidem ille est majoribus beneficiis, quæ ego magis velle me scio præstare, quàm posse.* Et hæc ipsa non

non vernititer nec eâ figurâ, quâ quidam rejiciunt, quæ magis ad se volunt attrahere: deinde adjicienda omnis humanitas. Perdet agricola, quod sparsit, si labores suos destituet in semine. Multâ curâ sata perducuntur ad segetem. Nihil in fructum pervenit, quod non à primo usque ad extremum æqualis cultura prosequitur: eadem beneficiorum est conditio. Numquid ulla majora esse possunt, quàm quæ in liberos Patres conferunt? Nec tamen tuta sunt, si in infantia deserantur; nisi longa pietas munus suum nutriat. Eadem cæterorum beneficiorum conditio est: nisi illa adjuveris, perdes: parùm est dedisse, fovenda sũnt. Si gratos vis habere, quos obligas, non tantùm des oportet, beneficia, sed ames. Præcipuè ut dixi, parcamus auribus. Admonitio tædium facit, exprobatio odium. *Ibid. Cap. XI.*

Beneficium non est superbe dandum.

Nihil æquè in beneficio dando vitandum est, quàm superbia. Quid opus arrogantia vultûs? quid tumore verborum? ipsa res te extollit. Detrahenda est inanis jactatio: res loquentur nobis tacentibus. Non tantùm ingratum, sed invisum est

U 2

bene.

beneficium, superbè datum. Cæsar dedit vitam Pompejo Penno, si dat, qui non aufert: Deinde absoluto & agenti gratias, porrexit osculandum finistrum pedem. O superbia magnæ fortunæ! O stultissimum malum! Ut à te nihil accipere juvat? Ut omne beneficium in injuriam convertis? Ut te omnia nimia delectant! ut te omnia decent? Quoque altiùs te sublevasti, hoc depressior es, ostendisque te non agnoscere ista bona, quibus tantùm inflaris. Quicquid das, corrumpis. Libet itaque te interrogare, quid tantopere te supinet? quid vultum habitumque, oris pervertat, ut malis habere personam, quàm faciem? Jucunda sunt, quæ humanâ fronte, certè leni, placidaque tribuuntur: quæ cum daret mihi superior, non exultavit supra me, sed quàm potuit, benignissimus fuit, descenditque in æquum, & detraxit muneri suo pompam. Observavit idoneum tempus, ut in occasione potius, quàm in necessitate succurreret. Uno modo istis persuadebimus, ne beneficia suâ insolentiâ perdant, si ostenderimus, non idèò videri majora, quò tumultuosius data sunt: ne ipsos quidem ob id cuiquam posse majores videri. Vanam esse superbiæ magnitudinem, & quæ in odium etiam amanda perducant. *Ibid.*
Cap. XI, XII, XIII. Be.

Beneficia impetrantibus nocitura, neganda sunt.

Sunt quædam nocitura impetrantibus : quæ non dare, sed negare beneficium est.
Ibid. Cap. XIV.

Æstimabimus itaque utilitatem potius, quam voluntatem petentium. Sæpe enim noxia concupiscimus, nec dispicere, quàm perniciofa sint, licet: quia iudicium interpellat affectus. Sed cùm subsedit cupiditas, cùm impetus ille flagrantis animi, qui consilium fugat, cecidit, detestamur perniciosos malorum munerum auctores. Ut frigidam ægris negamus, & lugentibus ac sibi iratis ferrum, aut amantibus quicquid contra se usurus ardor petit: sic ea, quæ nocitura sunt, impense ac submissè, nonnunquam etiam miserabiliter rogantibus perseverabimus non dare. Tum initia beneficiorum suorum spectare; tum etiam exitus decet: & ea dare, quæ non tantùm accipere; sed etiam accepisse deleat. *Mihi sunt, qui dicant: Scio hoc illi non profuturum: sed quid faciam? rogat, resistere precibus ejus non possum. Viderit, de se, non de me queretur. Falsum est: imò de te, & meritò quidem: cùm ad mentem bonam*

nam redierit, cùm accessio illa, quæ animum inflammabat, se remiserit. Quidni eum oderit, à quo in damnum ac periculum suum adjutus est? Exorari in perniciem rogantium, sæva bonitas est. Quemadmodum pulcherrimum opus est, etiam invitos nolentesque servare: ita rogantibus pestifera largiri, blandum & affabile odium est. Beneficium demus, quod usu magis ac magis placeat, quod nunquam in malum vertat. Pecuniam non dabo, quam muneraturum adulteræ sciam: ne in societate turpis facti aut consilii inveniar. Si potero, revocabo: sin minùs, non adjuvabo scelus. Sive illum ira, quò non debebat, impellit, sive ambitionis calor abducit à tutis: non committam, ut possit quandoque dicere, *ille amando me occidit*. Sæpe nihil interest inter amicorum munera, & hostium vota. Quicquid illi accidere optant; in id, horum intempestiva indulgentia impellit atque instruit. Quid autem turpius, quàm (quod evenit frequentissimè) ut nihil intersit inter odium & beneficium? Nunquam in turpitudinem nostram reditura, tribuamus. *Ibid. Cap. 14.*

In beneficio dando turpissima est cavillatio.

Ab Antigono Cynicus petiit talentum. Respondit plus esse, quàm quod Cynicus petere deberet. Repulsus petit denarium. Respondit minus esse, quàm quod Regem deceret dare. Turpissima est ejusmodi cavillatio. Invenit, quomodo neutrum daret. In denario Regem, in talento Cynicum respexit: cùm posset & denarium tanquam Cynico dare, & talentum tanquam Rex. Ut sit aliquid majus, quàm quod Cynicus accipiat, nihil tam exiguum est, quod non honestè Regis humanitas tribuat. *Ibid.* Cap. XVII.

An ei debeatur aliquid, qui nobis invitus profuit, & ei, qui dum profuit, nescit.

Si quis coactus aliquid boni fecit, quin nos non obliget, manifestius est, quàm ut ulla in hoc verba impendenda sint. Et hæc quaestio facile expeditur, & si qua similis huic moveri potest, si toties illo cogitationem nostram converterimus. Beneficium nullum est, nisi quod ad nos primùm aliqua cogitatio defert, deinde amica & benigna. Itaque nec fluminibus gratias agimus, quamvis

quamvis aut magna navigia patiantur, & ad subvehendas copias largo ac perenni alveo currant, aut piscosa & amœna pinguibus arris interfluant: Nec quisquam Nilo beneficium debere se judicat, non magis, quàm odium, si immodicus superfluit, tardèque recessit: nec ventus beneficium dat, licet lenis & secundus adspiret: nec utilis & salubris cibus. Nam qui beneficium mihi daturus est, debet non tantùm prodesse, sed velle. Ideò nec mutis animalibus quidquam debetur: & quàm multos è periculo velocitas equi rapuit? Nec arboribus: & quàm multos æstu laborantes ramorum opacitas texit? Quid autem interest, utrùm mihi, qui nescit, profuerit, an qui scire non potuit? Cùm utrique velle defuerit. Quid autem interest, utrum me jubeas navi; aut vehiculo, aut lanceæ debere beneficium: an ei, qui æquè quàm ista propositum benefaciendi nullum habuit, sed profuit casu? Beneficium aliquis nesciens accipit, nemo à nesciente. Quomodò multos fortuita sanant, nec ideò remedia sunt, & in flumen alicui cecidisse frigore magno causa sanitatis fuit: quomodo quorundam flagellis quartana discussa est, & metus repentinus animum in aliam curam avertendo suspectas horas sefellit: fe-

fefellit : nec ideo quidquam horum, etiam-
 si saluti fuit, salutare est : sic quidam no-
 bis profunt, dum nolunt, imò quia nolunt :
 non tamen ideo illis beneficium debemus.
 Quid si perniciofa illorum confilia fortuna
 deflexit in melius, an existimas me debere
 ei quidquam, cujus manus, cum me pete-
 ret, perussit hostem meum, qui nocuif-
 fit, nisi errasset? Sæpe testis, dum aperte
 pejerat, etiam veris testibus abrogavit fi-
 dem, & reum velut factione circumventum
 miserabilem reddidit. Quosdam ipsa, quæ
 premebat, potentia eripuit : & judices,
 quem damnaturi erant causâ, damnare
 gratiâ noluerunt. Non tamen hi benefi-
 cium dederunt, quamvis profuerint : quia
 teium, quò missum sit, non quò pervene-
 rit, quæritur : & beneficium ab injuria di-
 stinguit, non eventus, sed animus. Ad-
 versarius meus, dum contraria dicit, &
 judicem superbiâ offendit, & unum testem
 temerè dimittit, causam meam erexit.
 Non quæro, an pro me erraverit, quia
 contra me voluit. Nempe ut gratus sim,
 velle debeo idem facere, quod ille. Ut
 beneficium daret, velle debuit. Nam quid
 est iniquius homine, qui eum odit, à quo
 in turba calcatus, aut respersus, aut quò
 nollet, impulsus est? At quid est aliud,
 quod

quod illum querelæ eximat, cùm in te sit injuria, quam nescisse, quid faceret? Eadem res efficit, ne hic beneficium dederit, ne ille injuriam fecerit. Et amicum & inimicum voluntas facit. Quàm multos militiæ morbus eripuit? Quosdam, ne ad ruinam domûs suæ occurrerent, inimicus vadimonio tenuit: ne in piratarum manus pervenirent, quidam naufragio consecuti sunt. Nec his tamen beneficium debemus: quoniam extra sensum officii casus est: nec inimico, cujus nos lis exercuit, dum vexat ac detinet. Non est beneficium, nisi quod a bona voluntate proficiscitur, nisi illud agnoscit, qui dedit. Profuit mihi aliquis, dum nescit: nihil illi debeo. Profuit cùm vellet nocere: imitabor ipsum. Ad primum illum revertamur. Ut gratiam referam, aliquid facere me vis: ipse, ut beneficium mihi daret, nihil fecit. Ut ad alterum transeamus, vis me huic gratiam referre, ut quod à nolente accepi, volens reddam. Nam quid de tertio loquar, qui ab injuria ad beneficium delapsus est? Ut beneficium tibi debeam, parùm est voluisse te dare: ut non debeam, satis est noluisse. Beneficium enim voluntas nuda non efficit; sed quod beneficium non esset, si optimæ ac plenissimæ voluntati fortuna deesset,
id

id æquè beneficium non est, nisi fortunam voluntas antecessit. Non enim profuisse te mihi oportet, ut ob hoc tibi obliger, sed ex destinato profuisse. Cleanthes exemplo ejusmodi utitur. Ad quærendum, inquit, & accersendum ex Academia Platonem duos pueros misi. Alter totam porticum perscrutatus est, alia quoque loca, in quibus illum inveniri posse sperabat, percurrit, & domum non minùs lassus, quàm irritus rediit: alter apud proximum circulatorem resedit, & dum vagus atq; erro vernaculis congregatur, & ludit, transeuntem Platonem, quem non quæsierat, invenit. Illum, inquit, laudabimus puerum, qui quantum in se erat, quod iussus est, fecit: hunc foeliciter inertem castigabimus. Voluntas est, quæ apud nos ponit officium: cujus vide, quæ conditio sit, ut me debito obstringat. Parùm est illi velle, nisi profuit: parum est profuisse, nisi voluit. Puta enim aliquem donare voluisse, nec donasse. Animum quidem ejus habeo, sed beneficium non habeo: quod consumat res & animus. Quemadmodum ei, qui voluit mihi pecuniam credere, sed non credidit, nihil debeo; ita ei, qui voluit mihi beneficium dare, sed non potuit, amicus quidem ero, sed non obligatus.

Et

Et volam illi aliquid præstare: nam & ille voluit mihi. Cæterum si benigniore fortunâ usus fuero, beneficium dederò, non gratiam retulero. Ille mihi gratiam debet referre: huic initium à me fiet munerandi (muneris).

Si quis suâ causâ profuit nobis, einc debetur aliquid?

Multum interest, utrum aliquis beneficium nobis det suâ causâ an nostrâ: an suâ & nostrâ. Ille, qui totus ad se spectat, & nobis prodest, quia aliter sibi prodesse non potest: eo loco mihi est, quo qui pecori suo hybernium & æstivum pabulum prospicit; eo loco, quo, qui captivos suos, ut commodius veneant, pascit, & opimos boves saginat ac defricat; quò Lanista, qui familiam suam summâ curâ exerceat atque ornat. Multum (ut ait Cleantes) à beneficio distat negotiatio. Rursus non sum tam iniquus, ut nihil ei debeam, qui cum mihi utilis esset, fuit & sibi. Non enim exigo, ut sine respectu sui mihi consulat: imò etiam opto, ut beneficium mihi datum, vel magis danti profuerit: dummodo id, qui dabat, duos intuens dederit, & inter me seque dividerit.

Licet

Licet id ipse ex majore parte possideat, si modo me in consortium admisit, si duos cogitavit: ingratus sum non solum injustus, nisi gaudeo hoc illi profuisse, quod pròderat mihi. Summæ malignitatis est non vocare beneficium, nisi quod dantem aliquo incommodo affecit. Aliter illi, qui beneficium dat suâ causâ respondebo. Quare potius te mihi profuisse dices, quam me tibi? Puta, inquit, aliter fieri non posse me Magistratum, quam si decem captos cives ex magno captivorum numero redemero: nihil debebis mihi, cum te servitute ac vinculis liberavero? Atqui meâ id causâ faciam. Adversus hoc respondeo. Aliquid istâc tuâ causâ facis, aliquid meâ. Tuâ, quod redimis: meâ, quod eligis. Tibi enim ad utilitatem tuam satis est, quoslibet redemisse. Itaque debeo, non quod redimis me, sed quod eligis. Poteras enim & alterius redemptione idem consequi quod meâ. Utilitatem rei partiris mecum, & me in beneficium recipis, duobus profuturum. Præfers me aliis: hoc totum meâ causâ facis. Itaque si Prætorem te factura esset decem captivorum redemptio, decem autem soli captivi essemus, nemo quidquam tibi deberet ex nobis; quia nihil haberes, quod cuiquam imputares, à tua utilitate seductum. Non
X
sum

sum iniquus beneficii interpres: nec desidero illud mihi tantum dari, sed & tibi. Quid ergo, si in sortem nomina vestra conjici jussissem, & tuum nomen inter redimendos exisset, nihil deberes mihi? Imo deberem, sed exiguum. Quid hoc dicam? Aliquid meâ causâ facis, quod me ad fortunam redemptionis admittis. Quod nomen meum exiit, sorti debeo: quod exire potuit, tibi. Aditum mihi ad beneficium tuum dedisti, cujus majorem partem fortunæ debeo: sed hoc ipsum tibi, quod fortunæ debere potui. *Ibid. Lib. vi. Cap. vii, viii, ix, x, xi, xii, xiii, xiv.*

Beneficia hilari animo accipienda sunt.

Cum beneficium judicaverimus accipiendum, hilares accipiamus, profitentes gaudium: & id danti manifestum sit, ut fructum præsentem capiat. Justa enim causa lætitiæ est, lætum amicum videre: justior fecisse. Grate ad nos pervenisse judicemus effusis affectibus: quod non ipso tantum audiente, sed ubique testemur. Qui grate beneficium accepit, primam ejus pensionem solvit. *Ibid. Lib. ii. Cap. xxii.*

Beneficium Servus Domino suo dare potest.

Quaquam quaeritur à quibusdam, an bene-

beneficium dare servus domino possit? Sunt enim, qui ita distinguant, Quædam beneficia esse, quædam officia, quædam ministeria. Beneficium esse, quod alienus det: alienus est, qui potuit sine reprehensione cessare. Officium esse filii, uxoris, & earum personarum, quas necessitudo suscitât, & ferre opem jubet. Ministerium esse servi, quem conditio sua eo loco posuit, ut nihil eorum, quæ præstat, imputet superiori. Propterea servos qui negat dare aliquando beneficium, ignarus est juris humani. Refert enim, cujus animi sit, qui præstat, non cujus statûs. Nulli præclusa virtus est, omnibus patet, omnes admittit, omnes invitat, ingenuos, libertinos, servos, Reges, & exules. Non eligit domum, nec censum; nudo homine contenta est. Quid enim erat tuti adversus repentina, quid animus magnum promitteret, si certam virtutem fortuna mutaret? Si non dat beneficium servus domino; nec Regi quisquam suo, nec duci suo miles. Quid enim interest, quali quis teneatur imperio si summo tenetur? Nam si servo, quò minùs in nomen meriti perveniat, necessitas obest, & patiendi ultima timor: idem istud obstabit, & ei, qui regem.

regem habet, & ei, qui ducem: quoniam
 quanquam sub dispari titulo paria in illos
 licent. At qui dant regibus suis, dant im-
 peratoribus beneficia: ergo & dominis.
 Potest servus justus esse, potest fortis,
 potest magnanimus: ergo & bene-
 ficium dare potest. Nam & hoc vir-
 tutis est. Adeoq; dominis servi beneficia
 possunt dare, ut ipsos sæpe beneficia sua
 fecerint. Non est dubium, an servus be-
 neficium dare possit cuilibet: quare ergo
 non & domino suo possit? Quia not potest,
 inquit, creditor domini sui fieri, si pecu-
 niam illi dederit. Alioqui quotidie domi-
 num suum obligat: peregrinantem sequi-
 tur, ægro ministrat, & labore summo colit.
 Omnia tamen ista, quæ alio præstante
 beneficia dicerentur, præstante servo mini-
 stria sunt. Beneficium enim id est, quod
 quis dedit, cum illi liceret, & non dare:
 servus autem non habet negandi potesta-
 tem: ita non præstat, sed paret, nec id se
 fecisse jactat, quod non facere non potuit.
 Etiam sub istâ lege vincam, & eò perducam
 servum, ut in multa liber sit. Interim,
 dic mihi, si tibi ostendero aliquem servum
 pro salute domini sui, sine resp^{tu} suæ di-
 micantem, & confossum vulneribus, reli-
 quias tamen sanguinis ab ipsis vitalibus fun-
 den.

dentem, & ut ille effugiendi tempus habeat, moram suâ morte querentem: hunc tu negabis beneficium dedisse, quia servus est. Vide, ne eò magis sit, quò rarius est exemplum virtutis in servis: eoque gratus, quòd ferè invisa imperia sint, & omnis necessitas gravis, commune servitutis odium, in aliquo caritas domini vicit. Ita non ideo beneficium non est, quia à servo profectum est: sed ideo majus, quia deterrere ab illo nec servitus quidem potuit. Errat, si quis existimat servitutem in totum hominem descendere: pars melior ejus excepta est. Corpora obnoxia sunt, & adscripta dominis: mens quidem sui juris. Quæ adeò libera & vaga est, ut ne ab hoc quidem carcere, cui inclusa est, teneri queat, quo minis impetu suo utatur, & ingentia agat, & in infinitum comes coelestibus exeat. Corpus itaque est, quod domino fortuna tradidit. Hoc emit, hoc vendit: interior illa pars mancipio dari non potest. Ab hac quicquid venit, liberum est. Non enim aut nos omnia jubere possumus, aut in omnia servi parere coguntur: contra Remp. imperata non facient, nulli sceleris manus commodabunt. Quædam sunt, quæ leges nec jubent, nec vetant facere: in his servus materiam beneficii habet. Quam-

diu præstatur, quod à servis exigì solet,
 ministerium est: ubi plus quàm quod servo
 necesse est, beneficium. Ubi in affectum
 anioi transit, definit vocari ministerium.
 Est aliquid, quod dominus præstare servo
 debeat, ut cibaria, vestiarius: nemo
 hoc dixit beneficium. At indulgit, libera-
 lius educavit, artes, quibus erudiuntur
 ingenui, tradidit: beneficium est. Idem
 è contrario, fit in persona servi. Quicquid
 est, quod servilis officii formulam excedit,
 quod non ex imperio, sed ex voluntate
 præstatur, beneficium est: si modò tantum
 est, ut hoc vocari potuerit, quolibet alio
 præstante. Servus (ut placet Chrysippo)
 perpetuus mercenarius est. Quemadmo-
 dum ille beneficium dat, ubi plus præstat,
 quàm, quod operis locavit: sic servus ubi
 benevolentia erga dominum fortunæ suæ
 modum transiit, & altius aliquid ausus,
 quod etiam foelicius nato decori esset, &
 spem domini antecessit, beneficium est intra
 domum inventum. An æquum tibi vide-
 tur, quibus, si minus debito faciant, ira-
 scimur, non haberi gratiam, si plus debito
 solitoque fecerint? Vis scire, quando non
 fit beneficium? ubi dici potest. Quid si
 nolle? ubi verò id præstat, quod nolle
 licuit, voluisse laudandum est. Inter se
 con-

contraria sunt beneficium & injuria. Potest dare beneficium domino, si à domino injuriam potest accipere : atqui de injuriis dominorum in servos, qui audiat, positus est, qui & sævitiam & libidinem, & in præbendis ad victum necessariis avaritiam compescat. Quid ergo? Beneficium dominus à servo accipit? Imò, homo ab homine: Denique quod in illius potestate fuit, fecit : beneficium domino dedit : ne à servo acciperis, in tua potestate est. Quis autem tantus est, quem non fortuna indigere etiam infimis cogat? Multa jam beneficiorum exempla referam. Dedit aliquis domino suo vitam, servavit periturum : & si hoc parùm est, pereundo servavit : alius domini mortem decepit. Claudius Quadrigarius in duodevicesimo annalium tradidit, cum obsideretur Adrumetum, & jam ad summam desperationem ventum esset, duos servos ad hostem transfugisse, & operæ pretium fecisse. Deinde urbe captâ, passim discurrente victore, illos per nota itinera, ad domum, in qua servierant, præcucurisse, & dominam suam ante se egisse : & quærentibus, quænam esset, dominam & quidem crudelissimam ad supplicium ab ipsis duci, professos esse. Eductam deinde extra muros summâ curâ celasse,

lâsse, donec hostilis ira consideret. Deinde ut satiatu miles ad Romanos mores citò rediit: Illos quoq; ad suos rediisse, & dominam sibi ipsos dedisse. Manumisit utrumque e vestigio illa: nec indignata est ab his se vitam accepisse, in quos vitæ necisque potestatem habuisset. Potuit sibi hoc vel magis gratulari. Aliter enim servata, munus notæ & vulgaris clementiæ habuisset: sic servata nobilis fabula, & exemplum duarum urbium fuit. In tanta confusione captæ civitatis, cum sibi quisque consuleret, omnes ab illa præter transfugas fugerunt. At hi, ut ostenderet, quo animo facta esset prior illa transitio, à victoribus ad captivam transfugerunt, personam parricidarum ferentes: quod in illo beneficio maximum fuit, tanti judicaverunt, ne domina occideretur, videri dominam occidisse: Non est mihi crede, non est, dico, servilis animi egregium factum famâ sceleris emisse. Corfinium Cæsar obsidebat: tenebatur inclusus Domitius. Imperavit medico, eidemq; servo suo, ut sibi venenum daret. Cum tergiversantem viderit: *Quid cunctaris, inquit, tanquam tuâ in potestate totum istud sit? mortem rogo armatus.* Tum ille promisit, & medicamentum innoxium bibendum illi dedit: quo cum sopitus esset,

esset, accessit ad filium ejus: *Sube me, inquit, asservari, dum ex eventu intelligi, an venenum patri tuo dederim.* Vixit Domitius, & servatus à Cæsare est; prior tamen illum servus servaverat. Bello civili proscriptum dominum servus abscondit: & cum anulos ejus sibi aptasset, ac vestem induisset, speculatoribus occurrit: nihil se deprecari, quò minus imperata peragerent, dixit: & deinde cervicem porrexit. Quanti viri est, pro domino eo tempore mori velle, quo erat rara fides dominum mori nolle? In publica crudelitate mitem inveniri, in publica perfidia fidelem? Cum præmia proditoris ingentia ostendantur, præmium fidei, mortem concupiscere? Sub divo Augusto nondum hominibus, verba sua periculosa erant, jam molesta. Rufus vir ordinis senatorii, inter cœnam optaverat, ne Cæsar salvus rediret ex ea perigrinatione, quam parabat, & adjecerat. *Idem omnes & sauros & vitulos opare.* Fuerint qui illa diligenter audirent. Ut primùm diluxit, servus, qui cœnanti ad pedes steterat, narrat, quæ inter cœnam ebrius dixisset: hortatur, ut Cæsarem occupet, atque ipse se deferat. Usus consilio, descendentem Cæsari occurrit, & cum malam mentem habuisse se pridie jurasset, id

id ut in se, & filios suos recideret, optavit : & Cæsarem, ut ignosceret sibi, rediretq; in gratiam secum, rogavit. Cùm dixisset se Cæsar facere. *Nemo, inquit, crederet te mecum in gratiam rediisse ; nisi aliquid tibi donaveris :* petitq; non fastiendam à propitiosumnam : & impetravit. Cæsar ait, *Meâ causâ dabo operam, ne unquam tibi irascar.* Honestè Cæsar, quod ignovit, quod liberalitatem clementiæ adjecit. Quicumq; hoc audiverit exemplum, necesse est Cæsarem laudet, sed cùm servum ante laudaverit. Num expectas, ut tibi narrem manumissum qui hoc fecerat ? nec tamen gratis. Pecuniam pro libertate ejus Cæsar numeraverat. Post tot exempla num est dubium, quin beneficium aliquando à servo dominus accipiat ? *Idem Ibid. Lib. 3. Cap. 18, 19, 20, 21, 22, 23, 24, 25, 27.*

✱ *Nonnunquam Liberi majora beneficia parentibus suis dare possunt, quàm acceperunt.*

Illud conceditur, multos filios majores potentioreque extitisse, quàm parentes suos : æquè & illud, meliores fuisse. Quod si constat, potest fieri, ut meliora tribuerint : cùm & fortuna illis major esset, & melior voluntas. Quicquid, inquit, est, quod

quod dat Patri Filius, utique minus est ; quia hanc ipsam dandi facultatem patri debet. Ita nunquam beneficio ejus vincitur, cujus beneficium est ipsum, quod vincitur. Primum, quædam initium ab aliis trahunt, & tamen initiis suis majora sunt. Nec ideo aliquid non est majus eo, à quo accepit : quia non potuisset in tantum procedere ; nisi cœpisset. Nulla non res principia sua magno gradu transit. Semina, omnium rerum causa sunt : & tamen minimæ partes sunt eorum, quæ gignunt. Adspice Rhenum, adspice Euphratem, omnes denique inclytos amnes : quid sunt, si illos illic, unde effluunt, æstimes ? Quicquid est, quo timentur, quo nominantur, in processu paraverunt. Tolle radicem, nemora non surgent ; nec tanti montes restitentur. Adspice trabes, sibi proceritatem æstimes, altissimas, sive crassitudinem spatiumq; ramorum, latissimè fusas : quantum est his comparatum illud, quod radix tenui fibrâ complectitur ? Innituntur fundamentis suis templa, & illa urbis mœnia, tamen quæ in firmamentum totius operis jacta sunt, latent. Idem in cæteris evenit : principia sua semper sequens magnitudo obruit. Non potuisssem quicquam consequi, nisi parentum beneficium antecessisset

cessisset; sed non ideo quicquid consecutus
 sum, minus est eo, sine quo consecutus non
 essem. Nisi me nutrix aluisset infantem,
 nihil eorum, quæ consilio ac manu gero,
 facere potuisssem. Nec in hanc emergere
 nominis claritatem, quam civili ac mili-
 tari industria merui. Nunquid tamen
 ideo maximis operibus præferes nutricis
 officium? At quid interest, cum æquè sine
 patris beneficio, quàm sine nutricis non
 potuerim ad ulteriora procedere? Quodsi
 initio meo, quicquid jam possum, debeo:
 cogito non esse initium mei patrem, ne
 avum quidem. Semper enim erit ulterius
 aliquid, ex quo originis maximæ origo
 descendat. Atqui nemo dicit, me plus de-
 bere ignotis, & ultra memoriam positis
 majoribus, quàm patri: plus autem debeo,
 si hoc ipsum, quod genuit me pater meus,
 majoribus suis debet. Quicquid præstiti
 patri, etiamsi magnum est, infra æstimati-
 onem paterni muneris est: quia non essem,
 si non genuisset. Isto modo, etiamsi quis
 patrem meum ægrum ac moriturum sana-
 verit, nihil præstare ei potero, quod non
 beneficio ejus minus sit. Non enim genuisset
 me pater, nisi sanatus esset. Sed vide, ne illud
 verius sit æstimari, an id, quod potuit & id
 quod feci, meum sit, mearum virium, meæ vo-
 luntatis.

luntatis. Illud, quòd natus sum, per se
intuere, quale sit: animadvertes exiguum
& incertum, & boni maliq; communem
materiam. Sine dubio primum ad omnia
gradum, sed non ideò majorem omnibus,
quia primum. Servari patrem, & ad sum-
mam provexi dignitatem, & principem ur-
bis suæ feci: nec tantùm rebus à me gestis
nobilitavi, sed ipsi quoque gerendarum in-
gentem ac facilem, nec tutam minùs, quàm
gloriosam dedi materiam. Honores, opes,
quidquid humanos ad se animos rapit, con-
gessi: & cùm supra omnes starem, infra
illum steti. Dic nunc, hoc ipsum, quòd
ista potuisti, patris munus est. Responde-
bo tibi, est prorsus, si ad ista facienda nasci
fatis est. Sed si ad benè vivendum, mini-
ma portio est vivere, & id tribuisti, quod
cum feris mihi, & animalibus quibusdam
minimis, quibusdam etiam scèdissimis com-
mune est; noli tibi asserere, quod non ex
tuis beneficiis, etiamsi non sine tuis, oritur.
Putas me vitam pro vità reddidisse. Sic
quoq; munus tuum vici, cùm ego dederim
sentienti sentiens me dare: cùm vitam tibi
non voluptatis meæ causà, aut certè per vo-
luptatem dederim: cùm tantò majus sit re-
tinere spiritum, quàm accipere, quantò levi-
us mori, ante mortis metum. Ego vitam dedi
statim illà usuro: tu nescituro, an viverem.

Ego vitam dedi tibi consummatam, perfectam: tu me expertem rationis genuisti, onus alienum. Vis scire, quàm non sit magnum beneficium, vitam sic dare? Si exposuisses, nempe injuria erat genuisse. Quo quidem colligo, minimum esse beneficium patris matrisque concubitum: nisi accesserint alia, quæ prosequerentur hoc initium muneris, & aliis officiis ratum facerent. Non est bonum vivere, sed bene vivere. At bene vivo: sed potui & malè. Ità hoc tantum est tuum, quòd vivo. Si vitam imputas mihi per se, nudam egentem consilii, & id, ut magnum bonum jactas: cogita te mihi imputare muscarum ac vermium bonum. Deinde, ut nihil aliud dicam, quàm bonis artibus me studuisse, ut cursum ad rectum iter vitæ dirigerem, in ipso beneficio tuo, majus quàm quod dederas, recepisti. Tu enim me mihi rudem & imperitum dedisti: ego tibi filium, qualem genuisse gauderes. Aluit me pater. Si idem præsto, plus reddo: quia non tantum ali se; sed à filio ali gaudet, & majorem ex animo meo, quàm ex ipsa re, percipit voluptatem. Illius alimenta ad corpus tantum meum pervenerunt. Quid si quis tantum processit, ut aut eloquentià per gentes enotesceret, aut justitià, aut bellicis rebus, & patri quoque ingentem

cir-

circumfunderet famam, tenebrasque natalium suorum clarâ luce discuteret: non inæstimabile in parentes suos beneficium contulit? An quisquam Aristonem & Gryllum, nisi propter Xenophontem ac Platonem filios, nôisset? Sophroniscum Socrates expirare non patitur. Cæteros enumerare longum est, qui vivunt ob nullam causam aliam, quam quòd illos liberorum eximia virtus tradidit posteris. Utrùm majus beneficium dedit M. Agrippæ pater, post Agrippam quidem notus: an patri dedit Agrippa, navali coronâ insignis, unicum adeptus inter dona militaria decus? Qui tot in urbe maxima opera excitavit, quæ & priorem magnificentiam vincerent, & nullâ postea vincerentur? Utrùm Octavius majus ullum beneficium dedit filio, an patri Divus Augustus, quamvis illum umbrâ adoptivi patris abscondit? Quantum cepisset voluptatem, si illum, post debellata arma civilia, vidisset securæ paci præidentem, non agnoscens bonum suum, nec satis credens, quoties respexisset ad se, potuisse illum virum in domo sua nasci? Quid nunc cæteros persequar, quos jam consumpsisset oblivio, nisi illos filiorum gloria è tenebris eruiisset, & adhuc in luce retineret? Deinde non quærimus, num quis filius patri majora beneficia reddiderit,

quàm à patre acceperat: sed an possit aliquis majora reddere. Etiam si quæ retuli exempla, nondum satis faciunt, nec beneficia parentum suorum supermicant: capit tamen hoc natura, quod nondum nulla ætas tulit. Si singula paternorum meritorum magnitudinem experire non possunt, plura in unum congesta superabunt. Servavit in prælio patrem Scipio, & prætextatus in hostes equum concitavit: parùm est, quod ut perveniret ad patrem, tot pericula maximos duces cum maxime prementia contempsit, tot oppositas difficultates; quod ad primam pugnam exiturus tyro per veteranorum corpora cucurrit: quod annos transilivit. Adjice, ut idem patrem reum defendat, & conspirationi inimicorum potentium eripiat: ut alterum illi consulatum, ac tertium, aliosque honores etiam consularibus concupiscendos congerat, ut pauperi raptas belli jure opes tradat, & quod est militaribus viris speciosissimum, divitem illum spoliis etiam hostilibus faciat. Si adhuc parùm est, adjice, ut provincias & extraordinaria imperia continuet; adjice ut dirutis maximis urbibus, Romani imperii sine æmulo ad ortus occasusque venturi defensor & conditor, majorem nobilitatem nobili viro adjiciat.

ciat. Dic Scipionis patrem : haud dubium est, quin generandi vulgare beneficium vicerit eximia pietas & virtus, ipsi urbi nescio, utrū majus præsidium afferens, an decus. Deinde si hoc parum est, finge aliquem tormenta patris discussisse, finge in se transfuisse. Licet tibi, in quantum velis, extendere beneficia filii, cū pater- num munus & simplex sit, & facile, nec danti voluntarium. Quid necesse est multis? dedit etiam, quibus dedisse se nescit. In quo consortem habet, in quo spectavit legem patriam, præmia patrum, domus ac familæ perpetuitatem, omnia potiùs, quàm eum, cui dabat. Quid si quis sapientiam consecutus, hanc patri tradiderit, etiam nunc disputabimus, an majusaliquid dederit, quàm acceperat : cū vitam beatam patri tradiderit, acceperit tantum vitam? Sed patris, inquit, beneficium est, quicquid facis, quicquid præstare illi potes. Et Præceptoris mei, quodd institutis liberalibus profeci. Ipsos tamen, qui tradiderunt illa, transcendimus : utique eos, qui prima elementa docuerunt. Et quamvis sine illis nemo quicquam assequi posset, non tamen, quantumcunq; quis affecutus est, infra illos est. Multum, inter prima, ac maxima interest. Nec idē prima ma-

ximorum instar sunt, quia sine primis maxima esse non possunt. Jam tempus est, quædam ex nostra (ut ita dicam) monetâ proferri. Qui id beneficium dedit, quo est aliquid melius, potest vinci: pater dedit filio vitam, est autem aliquid vitâ melius: ita pater vinci potest, quia dedit beneficium, quo est aliquid melius. Etiamnum, qui dedit alicui vitam, si semel & iterum liberatus est mortis periculo, majus accepit beneficium, quàm dedit: pater autem vitam dedit: potest ergo, si sæpius periculo mortis liberatus à filio fuerit, majus beneficium accipere, quàm dedit. Qui beneficium accepit, majus accipit, quò magis eo indiget: magis autem indiget & vitâ, qui vivit, quàm qui natus non est, ut qui, ne indigere quidem omninò possit: majus ergo beneficium accipit pater, si vitam à filio accepit, quàm filius à patre: quam nisi accepisset, nulla dare beneficia potuisset. Hoc commune est patri cum omnibus, qui vitam dederunt alicui. Non potuissent enim referre gratiam; nisi vitam accepissent. Ergo nec medico in majus gratia referri potest. Solet enim & medicus vitam dare: nec Nautæ, si naufragium sustulit. Atqui & horum, & aliorum, qui aliquo modo nobis vitam dederunt,

runt, beneficia vinci possunt: ergo & patrum possunt. Si quis mihi beneficium dedit, quod multorum beneficiis adjuvandum esset, ego autem illi beneficium dedi, quod nullius adjutorio egeret, majus dedi, quàm accepi: pater filio vitam dedit perituram, nisi multa accessissent, quæ illam tuerentur: filius patri si dedit vitam, dedit eam, quæ nullius desideraret auxilium, in hoc, ut permaneret: ergo majus beneficium accepit à filio pater, qui vitam accepit, quàm ipse illi dederat. Hæc non destruunt parentum venerationem, nec deteriores illis liberos faciunt, imò etiam meliores. Naturâ enim gloriosa est virtus, & anteire priores cupit. Alacrior erit pietas, si ad reddenda beneficia cum vincendi spe venerit. Id si patribus idem volentibus contigerit (quoniam p'eraque sunt) in quibus nostro bono vincimur: unde certamen tam optabile, unde tantam scelicitatem parentibus, ut fateantur seipsos filiorum beneficiis impares? Nisi hoc ita judicamus, excusationem damus liberis, & illos segniores ad referendam gratiam facimus, quibus stimulos adjicere debemus & dicere. Hoc agite optimi juvenes, Posita est inter parentes ac liberos honesta contentio, dederint majora, an receperint. Non ideo vicerunt, quia occupaverunt. Sumite modò animum, qualem

qualem decet, & deficere nolite, ut vincatis optantes. Nec desunt tam pulchro certamini duces, qui ad similia vos cohortentur, ac per vestigia sua ire ad victoriam sæpe jam partam ex parentibus, jubeant. Vicit Æneas patrem, ipse ejus in infantia leve tutumque gestamen, gravem senio, per media hostium agmina, & per cadentis circa se urbis ruinas ferens, cum complexus sacra ac penates deos religiosus senex non simplici vadentem sarcinā premeret: tulit illum per ignes, & quid non pietas potest? pertulit, colendumq; inter Conditores Romani imperii posuit. Vicere Siculi juvenes, cum Ætna majore vi peragitata, in urbes, in agros, in magnam insulæ partem effudisset incendium, vexerunt parentes suos. Discedisse creditum est ignes, & utrinque flammâ recedente limitem adaperitum, per quem transcurrerent juvenes dignissimi, qui magna tutò auderent. Vicit Antigonus, qui cum ingenti prælio superasset hostem, præmium belli ad patrem transtulit, & imperium illi Cypri tradidit. Hoc est regnum, nolle regnare, cum possis. Vicit patrem, imperiosum quidem, T. Manlius: qui cum ad tempus relegatus esset à patre, ob adolescentiam brutam ac hebetem, ad Tribunum plebis, qui patri suo dixerat diem,

diem, venit : petitoque tempore, quod ille dederat, sperans fore proditorum parentis invisi (& bene meruisse se de juvene credebatur, cujus exilium pro gravissimo crimine inter alia Manlio objebatur) nactus adolescens secretum, stringit occultatum sinu ferrum, & *Nisi juras, inquit, te diem patri remissurum, hoc te gladio transfodiam. In tua potestate est, utro modo pater meus accusatorem non habeat.* Juravit Tribunus : nec fessellit, & causam accusationis remissæ concioni reddidit. Nulli alii licuit impune Tribunum in ordinem redigere. Alia ex aliis exempla subeunt eorum, qui parentes suos periculis eripuerunt, & ex infimo ad summum protulerunt, & è plebe acervoque ignobili nunquam tacendos seculis dederunt. Nullâ vi verborum, nullâ ingenii facultate exprimi potest, quantum opus sit, quàm laudabile, quamque nunquam à memoria hominum exiturum, posse hoc dicere : Parentibus meis parui, cessi : imperio eorum, siue æquum, siue iniquum fuit, obsequentem submissumque me præbui : ad hoc unum contumax fui, ne beneficiis vincerer. Certate, obsecro vos, & fusi quoque restitute aciem. *Fœlices, qui vicerint : fœlices, qui vincentur. Quid eo adolescente præclarius, qui sibi ipsi dicere potuerit,*

potuerit, neque enim fas est alteri dicere :
 Patrem meum beneficiis vici ? Quid eo
 fortunatius sene, qui omnibus ubiq; præ-
 dicabat, & filio suo se beneficiis victum ?
 Quid autem est scelerius, quàm sibi cedere ?

Beneficium venale esse non debet.

Pudeat ullum venale esse beneficium :
 gertuitum habemus Deum. Vide, quanta
 quotidie moliatur, quanta distribuat, quan-
 tis terras fructibus impleat, quàm oppor-
 tunis, & in omnes oras ferentibus ventis
 maria permoveat, quantis imbribus re-
 pentè dejectis solum molliat, venasque fon-
 tium arentes redintigret, & infuso per oc-
 cultra nutrimento renovet. Omnia ista si-
 ne mercede, sine ul'o ad ipsum perveniente
 commodo, facit. Hæc quoque nostra ra-
 tio, si à suo exemplari non aberrat, ser-
 vet, ne ad res honestas conducta veniat.
Id. Ibid. Lib. iv. Cap. xxv.

Beneficia etiam ingratia danda.

Si Deum imitaris, da & ingratia benefi-
 cia. Nam & sceleratis sol oritur, & pira-
 tis patent maria. *Ibid. Cap. xxvi.*

*Beneficio accepto, statim de reddendo
 cogitandum est.*

Qui gratus futurus est, statim dum ac-
 cepit, de reddendo cogitat. Chrysippus
 quidam dicit, illum velut in certamen cur-
 sūs

sus compositum, & carceribus inclusum, opperiri debere suum tempus, ad quod velut dato signo profiliat. Et quidem magnâ illi celeritate opus est, magnâ contentione, ut consequatur antecedentem. *Ibid. Lib. ii. Cap. xxv.*

Nihil incommodi optandum est his, quibus obligati sumus, nihil adversi, in quo affectum memorem accepti beneficii approbemus.

An rectè hoc faciant, & piâ voluntate, qui aliquid incommodi precari solent his, quibus obligati sunt, aliquid adversi, in quo affectum memorem accepti beneficii approbent, quæritur. Horum animus similis est pravo amore flagrantibus, qui amicæ suæ optant exilium, ut desertam fugientemque comitentur : optant inopiam, ut magis desideranti dñent : optant morbum, ut asideant, & quidquid inimicus optaret, amantes vovent. Ferè idem itaque exitus est odii & amoris insani. Tale quiddam & his accidit, qui amicis incommoda optant, quæ detrahant, & ad beneficium injuriâ veniant : cùm satius sit vel cessare, quàm per scelus officio lotum querere. Quid si Gubernator à Deo tempestates infestissimas & procellas petat, ut gravior ars sua periculo fiat ? Quid si Imperator Deum oret, ut magna vis hosti-
um

ca circumfusa castris, fossas subito impetu compleat, & vallum trepidante exercitu convellat, & in ipsis portis infesta signa constituat. quò majore cum gloria rebus lapsis profligatisque succurrat? Omnes isti beneficia sua detestabili viâ ducunt, qui Deum contra eum advocant, cui ipsi affuturi sunt, & ante illos sterni, quam erigi volunt. Inhumana ista, & perverse grati animi natura est contra eum optare, cui honestè deesse non possis. Non nocet illi votum meum, inquit, quia simul opto & periculum, & remedium. Hoc dicis non nihil te peccare, sed minùs, quàm si sine remedio periculum optares. Nequitia est, ut extrahas, mergere; evertere ut suscites, ut emittas, includere. Non est beneficium, injuriæ finis: nec unquam id detraxisse mericum est, quod ipse, qui detraxit, intulerat. Non vulneres me malo, quàm sanes. Potes inire gratiam, si quia vulneratus sum, sanas: non si vulneras, ut sanandus sim. Nunquam cicatrix nisi collata vulnere placuit: quod ita colligaudemus, ut non fuisse mallems. Si hoc ei optares, cujus nullum beneficium haberes, inhumanum erat votum: quanto inhumanius ei optas, cui beneficium debes? Idem ibid. Lib. vi. Cap. xxv, xxvi.